

THE HISTORY OF THE CITY OF BOSTON

AS SHEWING THE PROGRESS OF
CIVILIZATION AND IMPROVEMENT
FROM THE FIRST SETTLEMENT TO THE PRESENT TIME

BY
NATHANIEL PHIPPS

IN TWO VOLUMES.
VOL. I.

BOSTON:
PUBLISHED BY
J. B. ALLEN, 10 NASSAU ST.

1856.

NEW YORK:
PUBLISHED BY
J. B. ALLEN, 10 NASSAU ST.

1856.

NEW YORK:
PUBLISHED BY
J. B. ALLEN, 10 NASSAU ST.

1856.

NEW YORK:
PUBLISHED BY
J. B. ALLEN, 10 NASSAU ST.

1856.

NEW YORK:
PUBLISHED BY
J. B. ALLEN, 10 NASSAU ST.

1856.

NEW YORK:
PUBLISHED BY
J. B. ALLEN, 10 NASSAU ST.

1856.

欽定勦平粵匪方略卷八十一 甲寅年

二月二十日己丑崇綸青麐奏言現在賊船多半

竄往金口又赴上游屢遣弁兵跟蹤搜探均至
中途阻截湖南驛路梗塞賊船是否盡竄岳州
有無分擾別處尙未能悉其漢口仍留賊船二
百餘隻因畏礮擊匿於小河之內乘夜暗放上
下潛遊每日轟燬數隻不等賊匪約有千餘盤

踞漢陽漢口兩處忽聚忽散詭譎莫測湖北之
舊礮船前經 臣 崇綸添湊已有百隻今復失散
所餘無多 臣 於去臘趕造礮船大小二百餘隻
因候廣東解楚洋礮經湖南截留未到不能應
用將軍台湧兼署提篆統轄滿漢官兵茲賊旣
赴岳州荊州德安無事自應來省籌剿漢口賊
匪又 臣 等前調四川防堵巴東等處官兵二千

名移紮漢鎮迄今未接四川督臣覆音合無仰
懇

天恩飭催前來接濟並請

飭下台湧迅爲辦理聞提臣佈克慎等有赴德安之說
現復飭令招聚將弁兵勇隨同台湧直抄漢口
賊後約會臣等遣發舟師渡江接應如俱不能
前來臣等惟有備齊船礮親率官兵以作背城

竄並著迅速查明具奏

上又命軍機大臣傳諭陳啟邁陸元烺曰前因賊船竄擾漢陽金口一帶已諭陳啟邁飭派得力水師員弁管帶礮船駛出九江斷賊往來之路現在湖北上游下游賊船肆擾著陳啟邁仍遵前旨迅卽配齊礮船派委得力將弁由南昌九江星速駛赴楚北會同進剿如礮船一時驟難齊備亦必須先撥精兵二千名

竄並著速行偵探隨時奏聞

上又命軍機大臣傳諭台湧曰現在賊匪已竄岳州其
荆襄一帶是否另有股匪滋擾曾國藩水軍甫抵湘
潭不能遽援楚北連日據崇綸等奏漢陽一帶逆匪
半係烏合之衆其長髮老賊爲數無多自不難於剿
滅著台湧卽督率將弁探賊所向痛加剿洗無得株
守德安荊州襄陽各路是否已有賊蹤抑由何處分

燒燬或卸去桅柁或收集北岸而賊之造舟結
筏未必不計日可成北岸雖有守兵究恐力有
不逮劉董二口南岸臣長臻咨商河南撫臣酌
派兵勇赴該處駐紮惟能否撥付若干尙未接
准咨覆豫境防河兵勇祇九百名東境祇五百
名深慮顧此失彼防範難周臣等亦知鄰省在
在設防勢難再事徵調惟防北尤須防南守近

派員管帶由陸路前往湖北援應該撫等務當合力
攻剿遏楚北之兇鋒卽可保潯江之門戶此時陳啟
邁如尙未到任卽著陸元烺先行遵旨籌辦

同日王履謙長臻奏言查逆匪復擾楚皖黃河
防守事宜急須豫爲籌計如皖省以歸德府屬
劉家口爲最近楚省以汜水滎澤等口爲要區
萬一大股齊來臨流欲渡彼時卽將船隻鑿沈

岸各村莊意圖分道直趨徐州城垣緊靠黃河
大隄隄頂高出城堞丈許形如釜底且北岸係
通京驛道必須在上游夾岸扼守庶可保衛郡
城兼可遏賊北竄之路紳士張夢齡等所挑民
勇僅到一千餘人而南路探報永城又有逆匪
續至宿州甚爲喫緊此時惟有殫力堵禦一俟
袁甲三所派兵勇並各鄉民勇到齊卽行分路

不如守遠合無仰懇

天恩飭令山陝兩省中就近挑選勇敢官兵二千名並
熟悉營務將弁數員帶領迅速來豫由臣等酌
量地方妥爲布置

同日百勝王夢齡奏言安徽逆匪由永城夏邑
竄入徐州碭山縣境後二月十三日突有大股
三四萬人見豐工以下黃河乾涸屯踞南北兩

專責著卽就現有兵勇派撥扼要防守仍須親身往來督飭地方河工員弁等稽察河口毋使奸細乘閒偷渡並與山東河南互相知照以期聲勢聯絡

上又命軍機大臣傳諭百勝王夢齡曰徐州逼近黃河爲南北要衝且係糧臺重地該總兵等務當體察情形一面扼賊北竄之路一面捍衛城池保守糧臺毋得顧此失彼任賊闖入並著將現在防勦賊匪情形

進勦至豐工口門以下水勢平緩竊慮該逆過
河竄擾該處偏近豫東現與徐州隔絕相應請
旨飛飭豫東兩省迅速派兵在要隘處所嚴密防堵並
懇

飭派大兵星速來徐勦辦均奏入

上命軍機大臣傳諭王履謙長臻曰逆匪偏近徐州歸
德等處援兵不能遽集王履謙長臻巡防河岸是其

何路截擊張亮基現在景州一帶崇恩亦隨大營剿賊本日已諭令張亮基酌量情形或該撫自行帶兵前往令崇恩赴景州防剿或令崇恩前往徐州該大臣卽就近與張亮基籌酌辦理阜城賊匪攻剿情形如何該大臣等未能速殄賊氛致大兵爲所牽掣勢且貽誤大局罪將誰誘耶

上又命軍機大臣傳諭琦善曰據百勝等奏安徽逆匪

隨時奏報

上又命軍機大臣傳諭僧格林沁勝保曰徐州爲南北要衝不可不嚴爲防範本日已諭令琦善撥兵援應並令袁甲三由宿州馳赴該處扼守尙未知能否分撥赴援且均在徐州以南而北路空虛甚屬可慮著該大臣等仍派得力大員帶兵一千名迅速前往協勦並偵探歸德一帶情形酌量何路緊急卽帶兵由

入徐州碭山縣境賊勢猖獗兵力實形單弱徐州爲糧臺重地且係南北要衝甚爲喫緊本日已諭知琦善酌量派兵前往應援惟現在瓜州尙有賊匪恐兵力不能多分且道遠恐難應急該給事中現駐宿州前諭令和春酌撥精兵一二千名交袁甲三管帶未知曾否趕到著卽將現有之兵勇迅速督帶前進與百勝等會合夾擊力挫賊鋒遏其北竄不可株守一

由永城夏邑竄入碭山現在突有逆匪三四萬人在
豐工以下屯踞南北兩岸村莊意圖直趨徐城該處
爲南北咽喉且係糧臺重地斷不可任匪蹤闖入該
大臣勦辦瓜州賊匪固屬喫緊之時惟該逆北竄尤
爲可慮著琦善迅卽抽撥精兵一二千名派委得力
將弁管帶馳赴徐州協勦

上又命軍機大臣傳諭袁甲三曰據百勝等奏逆匪竄

上又命軍機大臣傳諭英桂曰賊匪逼近徐州卽係永
城股匪由碭山一帶竄來其歸德等處是否另有賊
股竄擾昨諭陝西提督桂明帶兵一千五百名徑赴
歸德一帶迎頭截擊本日已飛催前進該撫與總兵
柏山在何處堵截徐廣縉等如何帶勇防勦務當隨
時奏報

上又命軍機大臣傳諭恆春曰安徽賊匪現由潁上蒙

隅致誤事機

上又命軍機大臣傳諭張亮基崇恩曰徐州與東省毗連情形甚爲喫緊張亮基現駐景州杜賊南竄固爲要著而山東與徐州交界地方尤不可不嚴爲防範著該撫酌度情形或自行統兵折回南路堵截留崇恩駐紮景州或令崇恩帶兵前往徐州交界遏賊竄擾之路務當悉心籌畫毋誤事機

名馳赴黃河以南迎頭截勦該提督著卽趕緊帶兵
由潼關直趨黃河南岸探賊所向扼要進勦所有山
西派往之兵及河南防兵均歸調遣本日據百勝奏
賊匪逼近徐州情形萬分喫緊桂明抵豫後熟籌輕
重如歸德一帶情形稍緩著卽帶兵馳赴徐州與百
勝等會合攻勦尤防賊匪沿河偷渡北竄萬勿遷延
觀望

城竄至河南永城夏邑復由碭山竄徧徐州甚爲猖獗著恆春卽於澤潞等處防兵抽撥一千名選派得力將弁管帶馳赴黃河以南探明匪蹤迎頭堵剿並扼賊偷渡北竄之路此項官兵卽歸桂明節制調遣毋稍延緩

上又命軍機大臣傳諭桂明日據王履謙長臻奏逆匪徧近豫省已諭令恆春於澤潞防兵內抽撥兵一千

該處黃河斷流由徐至堯無險可扼情形更爲
喫重北賊占踞阜城又成負隅之勢臣分隊至
阜城縣屬漫河池北迎勦該逆避匿不出漫河
池南至景州四面低窪步騎不能展施阜城至
東境僻路甚多西可直竄臨清南可徑撲德州
設該逆抄襲臣後轉恐回師應援不及適接勝
保來咨囑臣扼守景德交界之劉智廟並遣崇

二十一日庚寅張亮基奏言皖賊攻陷永城分竄

夏邑碭山至蕭縣之黃家口距徐州府數十里

查徐兗邊界前經臣委總兵雙齡帶兵五百名

駐防聲勢實覺單弱臬司厲恩官前駐江省宿

遷縣今聞揚賊多竄廬鳳該處事機稍緩且距

徐州尙近臣已飛札該司酌帶兵勇移往兗徐

邊隘與雙齡扼要堵剿賊若由蕭碭竄至徐州

二十二日 辛卯 僧格林沁勝保奏言逆匪自被我

兵追擊連日獲勝訊據賊供僞丞相三人日夜
哭泣賊衆無不嗟怨 臣等一面解散脅從有投

出者卽當分別辦理惟該逆詭詐異常未破之
村已密布鹿角樹柵五六層之多離村一二箭
之遠樹柵俱用鐵鎖鉤連我兵未能撲入 臣等

恩回東扼防臨清州屬之鄭家口臣現帶兵勇
撤回劉智廟該處距鄭家口五十里與崇恩所
帶兵勇聲息相通臨德兩路足資應援如北賊
未卽撲滅臣督同藩司專顧北路而以南路防
堵事宜責成臬司督辦若南路萬分緊要臣卽
統師南行留崇恩兼防臨德庶免顧此失彼奏

入報

鎮西通武邑鄭家口連鎮地方富庶久爲賊所
覬覦儻令竄踞攻勦更形費手現派藩司崇恩
仍統原帶山東官兵於鄭家口一帶扼要駐守
又王劉村孫家鎮二處爲通連鎮要道已派直
隸督標通永天津步隊官兵在彼扼守截其要
路至南路景州撫臣張亮基帶兵駐紮惟西路
武邑尙未派兵該處地勢平坦便於追勦若賊

現催大礮來營極力轟擊使賊不敢久踞查阜
城城內房屋無多積水之處十居八九該逆俱
在南關東關盤踞並踞有塔兒頭紅葉莊二處
如果堅守不出十日之後我兵挖濠工竣大礮
亦可調到卽極力進攻以期掃數殄滅臣等目
下雖籌畫戰守之計仍須豫防該逆南竄查阜
城縣南通景德二州西南通鄭家口東南通連

渠彼時再請

旨於臣僧格林沁臣勝保二人中

飭派一人督師南下如賊守尚堅急切未能得手或留

臣僧格林沁在此剿辦臣勝保移師繼善祿之

後前往迎剿此時南寇方張北賊已蹙但能斷

絕南援則北賊指日可滅竊料此股皖匪竟敢

公然北來其鋒必銳雖烏合之徒不足當節制

西竄馬隊緊追截殺無難悉數殄除

僧格林沁勝保又奏言查阜城之賊已成釜底游魂而殄除究難剋日現在賊巢以北大兵堵截未便遽行撤動惟有揀派將軍善祿先行帶兵向南迎剿其阜城以北善祿去後布置不免稍疏現已飛調慶祺由河閒帶兵來營臣等仍趕緊設法殲滅阜城賊匪儻旬日之內掃穴擒

闕往返不過旬餘仍可趕上大隊不致耽延時日
僧格林沁勝保又奏言查該逆自初九日夜閒
由東城等村潰竄臣等親督馬隊追剿臣勝保
並飛咨直隸總督山東巡撫飭屬嚴防臣等沿
途截殺該逆亡命南奔實無分股竄擾及盤踞
二十里堡之事其東城等村尙未竄出之賊早
經官兵搜殺淨盡約河閒以南阜城以北各處

之師然衆寡之勢大相懸殊則制勝之機終無把握近日用兵之弊往往諱言增兵及至萬不得已然後請增則賊勢已成情形又變杯水與薪卒歸無濟軍營一切委婉曲折有未能悉形於奏牘者如蒙

恩施格外俟直隸軍務辦有端倪准臣勝保入都親承訓示卽兼程疾赴一面派兵前行一面倍道詣

因各營馬隊俱多落後已到馬隊不敷追勦是以臣勝保與臣僧格林沁仍折回臧家橋催督後路馬隊又因軍情急須奏報上慰

聖廛擬定摺稟飭繕後卽督帶馬隊前進與臣僧格林沁先後抵富莊驛會商攻勦相隔約有一二時是日聞賊前隊南竄既有臣僧格林沁在富莊驛督勦臣勝保卽不得不先往追截是以於十

閒有潛匿之賊或官兵搜殺或鄉民縛送並無
遺留惟賊蹤旣去地方土匪揚言賊去復來乘
機搶劫或所不免臣等早於經過地方張貼示
諭嚴拏土匪並請

飭下直隸督臣通飭各州縣嚴緝土匪毋令擾害地方
並不得因土匪冒充賊匪妄行稟報再初十日
臣僧格林沁臣勝保督兵追剿申刻同抵獻縣

飭令星夜起程毋庸俟慶祺來營致滋延誤阜城之
賊顯係牽掣我師以待南賊來援卽著僧格林沁將
該道設法誘出盡數殲滅勝保著卽與僧格林沁商
酌督帶馬步精兵進駐德州一帶爲善祿等後路策
應該處爲水陸咽喉旣可杜南來之賊並可遏阜城
賊匪南竄之路與僧格林沁聲勢亦可聯絡勝
保接奉此旨卽將如何分兵何日起程迅速馳奏至

一日夜先行督兵直抵阜城現在該逆受此大
創賊膽已寒臣惟有激勵將士乘此聲威擒渠
掃穴萬不敢稍遺餘力奏入

上命軍機大臣傳諭僧格林沁勝保曰逆賊由豐工二
壩渡河有直撲濟甯之僥是山東情形尤爲緊急兗
州一帶平原曠野無險可扼儻勦辦稍遲必至與徐
州歸德之賊聯爲一氣僧格林沁等所派之兵卽著

德州亦可由間道徑撲省城儻被闖入全省震動臣現祇帶兵五百名新練之勇二千餘名不敷分撥祇可將官兵盡數留於德州交道員姚錫華護守州城臣自帶練勇由劉智廟起程馳赴南路探賊所向扼要截擊惟德州防兵甚少北賊聞臣南行勢必竄撲德州卽臣馳赴南路亦恐賊勢猖獗兵力不足抵禦惟有仰祈

阜城之賊尙有塔兒頭紅葉莊二處盤踞爲犄角之勢必須剋日攻勦掃除淨盡斷不准再延時日軍情緊急勝保旣前赴德州著毋庸來京陛見

同日張亮基奏言查豐工上下游水勢平緩並無大溜逆賊旣由該處偷渡其地與東省金鄉魚臺兩縣接壤由金魚北竄非兗州卽濟甯兗濟以北道路歧出無險可扼旣可由大道直達

渡順隄西竄張亮基親督練勇二千名馳赴南路迎擊惟無官兵隨行深恐不敷勦辦著善祿卽將僧格林沁勝保由大營派撥之精兵二千五百名剋日統領起程與張亮基會合前進務卽探明賊蹤所向迎頭堵剿斷不可任令此股與阜城之賊聯絡勾結至濟南省城及南路金鄉魚臺一帶並附近豐北各偏僻要隘均著善祿張亮基嚴飭各該地方文武員弁

飭諭勝保就近先撥兵三千名趕緊前來防護德州並

乞

簡派大員統帶重兵馳赴東省應援俾南北兩賊不致
聯合南賊甫竄北路必畏馬隊且東省地多平
衍利於騎兵聞僧格林沁所帶馬隊甚爲驍健
可否酌派來東以扼北竄奏入

上命軍機大臣傳諭善祿張亮基曰逆賊現由豐壩偷

始徐家灘過河到期思集焚搶又有另股千餘人由光息竄來當派參將慶瑞等率領兵勇截殺追至烏龍集河邊斃匪百餘名初七日該匪復聚五六千人欲攻固始縣城當經我兵擊退至武昌省城情形旬日以來屢據探報武昌城守嚴密賊鋒已挫現盤踞漢口並有分股至麥旺嘴長江埠一帶擄掠船隻米糧等物且有上

一體嚴密籌防毋稍疏失

同日英桂奏言查汝郡所屬州縣與楚省漢陽府屬接壤所有信陽羅山等處各關隘均派兵勇扼守惟光固一帶因六安失守捻匪四起疊飭該地方官痛加勦洗咨照鎮臣柏山督兵分馳各鄉搜捕一面防堵一面勦辦捻匪二月初五六等日有潁上阜陽等處捻匪數千人自固

體嚴防並檄飭省城妥爲戒備一面飛調省標
及內黃營各兵令守備根齡等星夜帶往宋郡
聽候徐廣縉遣派截勦至此股賊匪探係皖省
土匪由蒙亳竄入是否土匪假扮長髮抑係長
髮捏冒土匪現飛飭確探臣卽帶兵馳往督勦
英桂又奏言查臣舊有肝胃之證虛氣沖逆喘
促益增遇事稍一用心更覺目眩心悸精神委

竄荆襄之謠目前汝郡信陽等處既不敢稍疏
防範而光固勦辦捻股堵禦六安逆匪又當喫
緊之時夙夜運籌寢食俱廢乃蒙亳股匪忽於
初八日竄入豫省攻陷永城臣擬親馳勦辦奈
南路此時亦萬分喫緊勢難遠離歸德待援甚
急且該郡與山東曹單等縣僅隔一河恐其竄
至虞城擾及東境現已飛咨河臣山東撫臣一

乃株守汝甯於探報楚省賊蹤旣未詳確徒以堵禦
六安逆匪爲辭竟不知永夏兩縣業被竄擾旬日所
報光固勦辦擒匪獲勝現有柏山在彼搜捕辦理防
堵該撫何以不移營疾向歸陳一帶迅速迎勦賊匪
已入境內尙未探明是否假冒直是形同聳聳所患
肝疾並非急證現當事勢喫緊之時豈得以精神委
頓自占地步湖北賊船已由金口上竄岳州直趨湘

頓可否仰懇

簡派大員幫辦如臣病日減固當力效馳驅卽或日久
不痊而經理有人亦不致貽誤

國事奏八

上命軍機大臣傳諭英桂曰英桂久任外省司道大員
於地方形勢何處緊要鄰省賊氛何路切近本應早
事籌防况簡任巡撫兼管提督全省軍務皆其專責

同日和春福濟奏言查鳳陽一帶時有土匪出沒搶劫頻聞現已分撥兵勇勦除散則易捕誠恐一設糧臺垂涎嘯聚袁甲三所議極爲有見但請仍歸徐州辦理則大有窒礙鳳陽距營二百七十餘里已苦轉運稽遲若再遠數站千里齎糧必致貽誤且奉撥軍餉山陝則由河南而至潁郡江浙則由揚儀而達滁和赴廬州均屬

陰其荆襄上游未據報有賊蹤仍當飭令柏山隨時
確探盡力防範近日該撫奏事遲緩甚至各路軍營
及他省督撫報到數日而英桂於本省軍情與賊勢
猖獗尙未探明詳奏豈空言寢食俱廢便能了事耶
桂明未到之前徐廣縉能否堵禦所派赴援官兵七
百名是否足資勦辦現在如何籌畫布置卽著詳細
速奏儻稍事遷延致賊匪更竄他處惟英桂是問

濟奏八

上命軍機大臣傳諭和春福濟曰前以皖省軍情緊急於福濟奏報內批令數日卽發一報以慰朕念並令傳諭和春知悉茲閱和春福濟所發奏報於廬州賊情及現在如何攻剿之處並未提及一字該提督所辦何事竟置之不論不議實屬不知輕重所請將各省奉撥軍餉徑解廬州著照所議辦理該提督等卽

直捷如令繞赴徐州往返數百里殊非慎重之
道袁甲三駐兵潁宿自以徐州爲便然其隨營
兵丁僅四百餘名所募義勇雖多無須計口授
食與此閒兵勇月待餉需者迴別惟有仰懇

天恩飭下山東山西陝西浙江江西甘省各督撫將應
解安徽兵餉徑由鳳陽定遠解赴廬州臣等飭
令沿途兵勇團練逐程押護以免疏虞而資接

逆兩次衝撲未能竄出俟卡圍旣合卽當設法
進攻惟北賊漸可翦除而南賊復由豐工二壩
渡河順隄西竄善祿已帶馬步官兵馳往堵剿
臣勝保復添派副都統魁福帶吉林馬隊五百
餘名卽日起程前往以繼善祿之後並嚴飭相
機迎擊使賊不敢北犯又派副將邱聯恩帶兵
移紮景州扼賊南竄臣等一面將阜城逆匪設

分投迎提以資接濟

二十四日癸巳僧格林沁勝保奏言該逆自十五

日大創之後連日堅匿拒守若徒事力攻不特
損傷精銳且恐該逆被攻情急拚命撲出又成
紛竄之勢賊自束城潰竄經官軍殲斃過半所
踞縣城及附近一二村莊地方狹小比在束城
等村時較易合圍現已挑築長濠密布樹柵該

集之學園之明卷八十一
三十一
隊因瘡口未合不能久支扶病回營是以奏報
內未經敘入奏入

上命軍機大臣傳諭僧格林沁勝保曰阜城賊匪尙未
掃除淨盡南賊復行北犯事勢至此急宜迅籌勦辦
勝保著仍遵前旨卽日帶兵進駐德州一帶相機迎
勦魁福所帶吉林馬隊五百名卽飭令歸善祿軍營
併力迎擊副將邱聯恩移紮景州務須嚴飭扼守遏

法攻勦並選備馬隊官兵二千儻南賊飄忽北
來卽令馳往迎截臣等仍酌量緩急如東豫情
形十分喫重臣勝保卽將此閒布置周妥分督
官兵親往迎勦臣僧格林沁督飭官兵將阜城
逆匪設法勦除一俟畿輔肅清卽令官兵一律
南下至臣德勒克色楞額患偏疽因軍務喫緊
未敢請假十五日與西凌阿在常家村力疾督

同日王履謙長鑠奏言聞河閒之賊竄往東南
設土匪遙爲援應使山東腹背受敵深爲可慮
臣等已飛咨南河督臣帶兵扼勦一面飛咨山
東撫臣飭令各處兵勇併力堵禦現在東省曹
單一帶甚爲喫緊防守稍疏則兗沂曹州東昌
等府處處可通山東撫臣駐紮德州一帶勢難
兼顧臣等又無兵勇可撥且聞歸德府屬土匪

賊南奔阜城附近村莊據稱地方狹小較易合圍現
已挖濠樹柵杜賊竄路著僧格林沁激勵將士設法
進攻務期及早克復至勝保善祿魁福均已督兵馳
往前路勦賊德勒克色楞又患瘡疾此時阜城賊匪
急須殄滅僧格林沁統領全軍責無旁貸若復蹈前
轍致令賊匪乘閒竄逸又滋他患該大臣豈能當此
重罪耶

樓欲紮筏渡河十九日臣馳抵黃河南岸之北
辰集會商徐州鎮道分路進剿並據紳士到營
稟稱賊到包家樓搭橋紮筏自十六日至十八
日陸續渡完竊思賊行飄忽現既前後相差兩
日斷難追及且徐州已保無虞現有之土匪鎮
道兵勇足敷剿辦臣連日接南路稟函雖無續
竄之賊而門戶洞開人心驚恐且土匪乘機嘯

聞

未散所有劉董二口船隻已飛飭武隆額等拆
毀淨盡並竭力堵禦免致賊匪乘虛北渡臣等
仍赴上下游各河口嚴密巡防不敢稍涉鬆懈
奏入報

二十五日甲午袁甲三奏言據徐州鎮道函稱賊

由蕭縣西北之黃家口分據豐工下游之包家

六安正陽一路分爲三起陸續前行意在接應河閒之賊經過地方並不盤踞現聞河閒之賊所餘無幾北路大兵雲集似尙不難剿除也

同日百勝王夢齡奏言查逆匪由黃家口擾至黃河渡口覓船不得將附近村莊房屋拆毀運至豐工下游之包家樓平水處所紮筏日夜趕渡現在黃家口包家樓一帶尙有賊匪盤踞據

聚刻刻懸心擬卽折回宿州查看情形何處喫
緊卽馳赴何處勦辦已竄之賊旣不能及總期
嚴堵南路不使續來 臣現處時勢幾於四面皆
敵惟有隨時知照提 臣和春撫 臣福濟以期聲
勢聯絡斷不敢畏難苟安稍涉趨避

袁甲三又奏言此股逆匪係去歲十一月自揚
州竄出益以金陵之賊不滿萬人由安廬舒桐

臺重地必應嚴爲防範百勝等所帶兵勇無多深恐
難資堵禦前有旨令袁甲三趕緊赴援遏賊北竄該
給事中豈不知權其輕重以顧大局轉以徐州鎮道
兵勇足敷勦辦爲詞希圖卸責又以賊已渡河追勦
不及藉口折回僕僕在道總未見賊豈不知愧恨耶
袁甲三自到皖省以來疊次勦辦土匪尙屬出力及
逆匪盪擁北犯踉蹌趨避朕倚任該給事中不爲不

該處土人聲稱實係土匪並非逆賊當此風鶴
時警人心驚惶無論逆賊土匪均應趕緊殲滅
除星夜進兵勦辦外相應請

旨飛飭東省迅撥重兵嚴密堵禦臣等雖因保守郡城
究未能杜賊竄渡實屬咎無可辭並懇將臣等
交部嚴議均奏入

上命軍機大臣傳諭袁甲三日現在徐州雖保無虞糧

給事中現旣折回若再令北來更屬緩不濟急著卽
督飭兵勇盡力之所能爲杜截南路竄匪不准稍有
疏虞儻再貽誤事機自問當得何罪

上又命軍機大臣傳諭百勝王夢齡曰賊匪由黃家口
包家樓一帶竄渡黃河並有直撲徐城由荆山橋北
竄之意袁甲三追賊不及已折回宿州百勝等所帶
兵勇及調募河兵練勇並招致民勇等項約計尙有

專宜如何竭盡心力乃株守宿州總未與賊接仗朕
實不解况刻下河閒竄匪死守待援旣據奸細供稱
南北之賊意在援救河閒萬一乘虛奔突不惟勾結
堪虞轉致分我兵力該給事中如趕緊跟追相距亦
祇兩日安見竟不能及且旣稱南路稟報尙無續竄
之賊何以徑行折回置北來之賊於不顧本日已諭
百勝等嚴守徐州能否布置得宜朕心實深懸繫該

數千著卽於口岸緊要處所分布扼守至山東南路
情形喫重已有旨派善祿等帶兵策應百勝等務當
先就現有兵勇力保郡城若因黃河斷流無險可扼
任令大股賊匪陸續竄渡朕必將該總兵等從重治
罪

上諭內閣曰豐工下游包家樓一帶現有土匪假充逆
賊紮筏渡河百勝等未能杜其偷竄均屬罪有應得

續通志卷之二十一
三
除淮徐道王夢齡前經革職暫留本任外徐州鎮總
兵百勝著卽革職仍暫留本任與王夢齡督帶兵勇
迅將股匪剿除淨盡江南河道總督楊以增未能先
事籌防並著交部議處

同日曾國藩奏言貴州黎平府知府胡林翼前
經督臣吳文鎔奏調湖北差遣該員自帶練勇
六百名由黔赴鄂於正月下旬馳抵金口適值

同日

上諭內閣曰湖北巡撫崇綸現在丁憂著開缺暫留湖北協同辦理防剿事宜

聞

黃州師潰賊艘上竄該員所募黔勇係山民不
習水戰不能前進臣擬先遣陸勇與該員會合
援鄂又值賊匪竄擾岳州湘陰臣思岳州一帶
既被竄擾自當先攻克岳州不使南北梗塞方
能全師東下現擬札飭該員暫駐岳州附近地
方臣迅卽派員督勇先行會勘奏入報

又不敢顧此失彼現囑前漕臣李湘棻統帶兵勇先往宿遷保護糧臺相機前進奏入

上諭曰若專待汝奏報則事事遲誤營兵家丁有可靠者皆可使令偵探軍情重賞之下必得壯士若斬茲小費是直自貽咎也

同日河南布政使鄭敦謹奏言前據歸德陳州各路探報大股匪徒陸續由正陽關潁上蒙亳

欽定剿平粵匪方略卷八十二 甲寅年

二月二十六日乙未楊以增奏言查逆匪踞永城

後據探分股西去今忽北竄是明知徐州兵單
乘閒窺伺現在屯住豐工上下聲言直撲徐州
又難保不於口門以下斷流之處潛圖北竄清
江距徐州之蕭碭地方五百餘里人心已覺驚
慌臣若遠離恐生肘腋之患而徐州萬分危急

法嚴防惟河北鎮道現駐彰德河岸兵力甚單
查汜水北岸有防勇三百餘名地居上游該處
情形刻下尙不甚喫重自應調赴下游先其所
急並飛咨河北鎮道於所屬各要隘嚴密防堵
賊情詭譎奔突靡常臣仍當妥速布置斷不敢
以賊蹤尙遠稍有鬆懈奏入

上諭曰河北之防殊不足恃著再爲妥速籌之

向西北竄土匪勾結人數衆多歸陳處處偏近
永城夏邑尤與該處毗連十分緊急已由撫臣
英桂迅派官兵前往但省垣重地尤應速爲籌
備臣當與臬司林揚祖會督在城文武官紳相
機布置各於五城安設礮臺晝夜巡防不敢稍
懈該匪若由歸郡北竄則下流各河口尤爲緊
要亦經會臬太常寺卿臣王履謙河臣長臻設

南蕭礪河南永夏北面毗連山東等處亦須有
重兵與河南合力防守庶堯勦尤爲得力奏入
上諭曰所見尙是業經派勝保迎勦渡黃逆匪汝在省
城何無一探報設若有警必致著著落後

二十七日丙申僧格林沁勝保奏言接善祿途次

函開聞有賊自礪山前來現任單縣村鎮之說
馳赴荏平探明迎勦臣等查該逆每遇竄擾各

鄭敦謹又奏言查夏邑東北接壤蕭碭該處豐
工池下河淤灘淺雖無船隻可乘亦可紮筏偷
渡已飛咨徐州鎮道嚴密堵截相應請

旨迅飭南河河道總督山東巡撫趕緊嚴防杜其奔竄
前已奉

旨飭僧格林沁勝保迅撥精兵一千名前來勦堵似可
遏其兇燄惟旣探有接應北路賊匪之說則江

集之真圖之四卷之三
臣勝保應請

旨暫緩南行先將此股逆匪殄除再以大兵全力南注

自可迎刃而解如日內再接東豫緊報臣勝保

自應分督官兵馳往勦辦斷不敢稍有拘執現

在阜城之賊堅匿死拒必須設法攻勦方可得

手連日挑築長濠業經竣事臣已飭各官兵晝

夜嚴防並令投出潮勇蕭良芳等於出隊時遙

處其行剽急異常此次旣爲救援北賊而來自
無不疾趨前進似無半途屯紮之理善祿於二
十二日統率馬步官兵三千餘名前赴豫東一
帶如係土匪滋事足敷勦辦卽實係皖賊竄至
善祿所帶官兵久經戰陣必能遏其兇鋒臣勝
保若卽於此分兵南下少則不敷調撥多則恐
北路兵單且恐該逆窺我兵力旣分乘隙撲竄

祿魁福已帶兵由德州在平順運河一帶相機
迎勦恐賊聞官軍大至或折向西路乘虛竄入
大名臣等已令張殿元帶兵改赴大名一帶扼
要防堵其原帶官兵內有吉林馬隊三百名本
係桂良截留但馬隊利於追勦抄擊臣軍營正
因馬隊缺乏不敷調遣已飭調前項馬隊三百
名來營助勦另撥隨營通永宣化步隊官兵四

向賊壘諭以利害散其黨與使知被脅者有可
生之路從逆者無倖免之誅賊勢旣孤攻勦較
易

僧格林沁勝保又奏言直隸提督張殿元經督
臣桂良飭令帶兵一千二百名在武邑防堵查
武邑在阜城西五十餘里現在長圍已合逆匪
欲竄不能該處似無須多設防兵臣等竊思善

至安徽逆匪竄徧豫境直隸大名一帶防堵亦屬緊要臣擬派副將達年由省統帶官兵馳赴大名會同該鎮道督飭地方營汛於要隘處所相機設防以資保障均奏入

上命軍機大臣傳諭僧格林沁勝保曰據奏查探東豫賊情請暫緩分兵南下如所奏果係確情則現在善祿帶兵南下自己足敷勦辦勝保暫緩分兵亦係通

百名統歸張殿元帶赴防所

同日桂良奏言查大股逆匪欲向武邑奔竄武邑距阜城僅四十里最爲喫緊雖據勝保咨稱該逆欲竄不能然遽爾撤防恐賊情詭詐乘虛而至如果逆匪奔竄必須迎頭截擊非馬隊不能得力臣現在咨會勝保將調去吉林馬隊三百名仍行撥回交張殿元留於武邑嚴密防堵

所稱先將此股逆匪殄除再以大兵全力南注自可
迎刃而解究竟此股逆匪何時可以殄滅大兵何時
可以南下該大臣等徒事遷延坐令南北大局爲此
垂斃之賊所牽掣豈不更墮奸計善祿已馳赴荏平
諒已探明南賊確情惟距大營稍遠若事事由該大
臣等轉奏不免耽延著傳知該將軍凡一切進剿機
宜及逆匪情形均准其一面馳奏一面知照該大臣

籌全局之計惟此股究係土匪逆匪仍未可定且卽
係土匪亦難保無勾結逆黨先爲嚮導情事朕所以
命勝保進駐德州者原因阜城之賊日久未滅慮其
與南賊勾連是以斟酌再三爲此南北兼籌之策該
大臣等身在行閒旣有此奏自必確有把握原可不
必拘泥前旨如東豫之賊實係皖賊大股業經朕先
事豫籌而該大臣等以大意誤事朕亦不能曲宥至

兵紛紛逃走而提標中營逃兵尙少提臣陳金
綬人極醇謹未免過於長厚其精力雖尙強健
亦非復少壯氣體惟該提督尙能虛衷受益不
至意氣用事貽誤事機近日江中賊船往來上
下絡繹不絕前獲奸細供稱由和州前來探聽
六合儀徵揚州官兵多寡臣已分飭沿江各營
嚴爲之備又探賊船溯江而上攻擾黃州督臣

等以期迅速武邑防兵據該大臣等奏請移赴大名
頃據桂良奏報則稱武邑未可撤防馬隊仍須撥回
並另派副將達年赴大名設防著該大臣等酌度緩
急毋致疏失

二十八日 丁酉 琦善奏言查直隸帶兵官惟參將

鞠殿華陷陣衝鋒不避艱險其驍勇善戰一時
罕匹自上年到揚以來戰功屢著此次直隸弁

升山西參將引見時朕見其漢仗好箭射有準特旨
仍留直隸不料該員能如是出力雖有逃兵亦難吹
毛求疵

同日

命軍機大臣傳諭僧格林沁勝保曰昨據桂良奏武
邑未可撤防已諭令僧格林沁等酌度辦理朕思單
縣一帶現有匪徒竄擾若由單縣西竄則直隸東明

吳文鎔退至麻城誠恐武昌兵燹之餘難資控扼廬州賊勢猖獗蒙城一失將由永城以窺歸德由蕭縣以窺徐州方今決河未塞河身乾涸可以長驅而過山左兗沂一帶處處戒嚴臣已飛咨和春福濟與河臣楊以增山東撫臣張亮基給事中臣袁甲三嚴密防堵奏入

上諭曰所論陳金綬誠爲公當鞠殿華在二年夏閒推

屬緊要但大名爲扼要之地現在皖賊由碭山偷渡
黃河擾及單縣儻沿河西竄從東明開州等處乘虛
窺伺則大名係入直門戶亟應添兵駐守本日已諭
令恆春將前調澤潞官兵一千名毋庸馳赴河南卽
前往大名一帶交張殿元調遣著桂良飛飭該署提
督迅往大名扼截至阜城逆匪當可指日殲除然亦
難保不因被勦情急突圍逃竄桂良務當督飭文武

開州等處與東境毗連大名一帶甚覺空虛以目前情形而論阜城現爲賊踞武邑自未便撤防若統籌全局則南來賊衆已至單縣是大名一帶尤不可不早爲布置總之阜城逆匪急當剋期勦滅若再事遷延致令垂斃之賊牽掣我師而南來賊匪闖入直境該大臣等貽誤之罪豈能稍寬耶

上又命軍機大臣傳諭桂良曰武邑逼近阜城防堵固

張殿元統帶以資防剿

上又命軍機大臣傳諭桂明曰賊自礪山渡河有現踞單縣村鎮之說善祿等已帶兵馳往剿辦但恐該匪由曹單西竄直隸大名等處甚覺空虛本日已諭桂良飭令張殿元帶兵馳赴該處防剿桂明仍遵前旨星速徑赴河南歸德一帶探明賊蹤何路緊急卽由何路迎剿毋得遲延

員弁兵勇勤加偵探實力防剿軍情變幻靡常該督
仍當與僧格林沁等隨時知照酌量緩急妥爲布置
上又命軍機大臣傳諭恆春曰現在阜城竄匪尙未殄
滅淨盡南來之賊如由單縣沿河西竄則曹州濮州
卽與直隸大名接壤永城夏邑等處聞係土匪竄擾
較之單縣一帶情形稍緩所有前次諭令抽撥之澤
潞防兵一千名著毋庸馳往河南卽令直赴大名歸

滅淨盡其南路軍情仍著隨時奏報

二十九日戊戌台湧奏言查黃陂孝感兩縣均距

漢口較近是以臣商令已革提督佈克慎擇於
兩縣居中之楊店扼紮十一日據佈克慎函稱
黃陂有大股賊匪二三千人於初七初八兩日
攻撲該縣城池初九日城卽失守十七日佈克
慎由新店進紮距黃陂縣城二十里之廖公鋪

上又命軍機大臣傳諭百勝王夢齡曰渡河賊匪已竄
至單縣其屯聚包家樓之賊現又竄往何處是否尙
在該處占踞近日有無賊匪續行偷渡百勝等作何
布置前據袁甲三奏賊匪係分三起陸續北竄其盤
踞河岸之土匪既將前股賊衆導送渡河安知續來
逆匪又不藉爲嚮導著百勝等卽就現在所帶兵勇
一面保守郡城一面竭力堵剿將此股盤踞賊匪剿

陂現已克復其另股賊匪竄至孝感縣屬之李家灣小河溪一帶伏思漢陽漢口賊悍且衆此股不滅則省城與江北阻隔不通而欲攻復漢陽漢口非俟兵力稍厚先將江北雲應黃孝等縣分竄各股賊匪捕剿淨盡難以進攻現惟仍飭各路帶兵將備嚴密搜剿竄匪再併力爲攻復漢陽漢口之計至此各路剿賊文武員弁

探聞賊衆在縣城盤踞遂派兵三路進攻十八日董玉龍帶兵攻小西門分兵一隊由東門突攻而入賊蒼黃失措當經殺斃多名董玉龍已由小西門攻進橫衝截擊斃賊無數伏賊突出復經佈克慎督兵擊敗該逆仍敢登高死拒我兵舉火將房屋焚燬敗匪沿城奔逃官兵追至南門外河岸賊匪無路可奔紛紛撲河淹斃黃

守德安僅派弁兵搜捕零匪致誤大局荆襄一帶是
否有賊匪上竄仍須督飭文武員弁實力防守

上諭內閣曰漢陽漢口賊匪膽敢分擾黃陂等縣經台
湧分兵勦擊獲勝克復縣城賊鋒已挫辦理尙爲妥
速所有在事文武員弁准擇其尤爲出力者酌量保
奏仍著台湧督飭官兵將孝感縣屬李家灣等處股
匪趕緊殲除並卽乘勝攻克漢陽漢口務將楚省賊

兵勇可否由 臣 擇其尤爲出力者酌量奏保奏

八

上命軍機大臣傳諭台湧曰前據崇綸等奏漢陽逆匪
半係烏合長髮老賊爲數無多自不難剋日掃除該
督務當乘此聲威將孝感一帶賊匪迅速殲除一面
督兵收復漢陽保衛武昌一面與駱秉章曾國藩迅
籌勦辦務將岳州湘陰等處逆匪次第殄除毋得株

有木橋被該逆拆毀鄭魁士首先帶兵前進紮
筏渡過小河該逆突出千餘人迎拒適後路官
兵趕到合力奮擊逆匪紛紛敗退我軍搶進柵
攔立將木柵拆毀一面放火將街市房屋全行
燒燬全玉貴進攻小東門賊匪上前迎敵各勇
槍礮連環斃賊無數逆匪不敢入巢全玉貴揮
令兵勇搶進賊營當將營壘拆毀江忠濬等進

氛速行掃蕩

同日和春福濟奏言二月初六日逆匪攻撲營盤經臣和春督同鄭魁士帶兵擊勦賊膽已寒自應乘勝奪取城池二十日早派總兵吉順等分路進勦臣和春居中調度天明取齊三里岡距城甚近而東門外街市房屋早爲該逆占住又有小河及護城河兩道河邊均築有營壘原

和春福濟又奏言總兵秦定三由江南前來於
二月二十日到營並未帶兵如由此閒另派官
兵管帶則將兵隔膜呼應不靈斷難應手相應
再行請

旨卽飭向榮將秦定三原帶貴州鎮遠銅仁松桃丹江
等營官兵一千名派令星馳來廬以便帶領督
勦奏入

攻北門城外賊營數座該逆以槍礮回擊堅守
不出各勇拋擲火罐賊營登時火發匪徒驚潰
後路接應官兵趕到齊力追殺斃賊多名卽將
營盤平毀此戰自卯至午三路官兵接仗四時
之久約斃賊匪四五百名除再行設法進剿迅
圖克復外並飭西路總兵珠克登等一體移營
會剿

匪再行偷渡河北致滋蔓延

上又命軍機大臣傳諭向榮曰現在賊由蒙亳永城夏
邑竄至徐州渡河擾及山東境內已諭和春飭令秦
定三帶兵赴徐勦賊著向榮仍遵前旨迅將秦定三
原帶之貴州鎮遠等營官兵一千名飭令馳赴廬州
軍營至金陵現在籌辦攻勦情形日久未據奏報該
大臣坐擁重兵耽延時日旣不能迅速克復又不肯

上命軍機大臣傳諭和春福濟曰據百勝等奏賊匪於二十日全竄東省而竄回永城之賊距徐甚近著和春福濟卽飭秦定三迅帶官兵馳往徐州相機進剿其所調貴州官兵一千名到皖需時尙恐緩不濟急現在黃河南北情形緊急無論何項官兵皆可交秦定三帶領星速赴徐州一帶勦辦逆匪並遏南來之賊與潁亳永城等處聲勢亦可聯絡斷不准任令賊

往救援途遇難民聲稱二十一日午後賊擁入
城縣官不知下落查賊匪竄近單縣經該營縣
截擊獲勝尙可乘此銳氣實力堵剿金鄉孤城
失守賊必進撲濟甯臣卽由山道馳赴濟甯迎
剿餘仍飭單縣營縣嚴行防禦並飭查金鄉縣
城內文武下落另行辦理

張亮基又奏言臣現因金鄉失守由山道徑赴

撥兵協勦移緩就急坐視賊匪蔓延是誠何心向榮
於接奉此旨後迅速撥兵赴援仍著設法攻克金陵
以贖前愆

同日張亮基奏言前聞賊竄永城臣已嚴飭單
縣文武各員豫爲布置而金魚兩縣則係豐工
漫溢連年災歉之餘民窮財盡守備單弱知州
黃良楷聞金鄉危急由濟甯帶練勇五百名馳

兵進勦該撫卽紆道遷延意存觀望貽誤之罪更將
誰誘其附近要隘若有須分兵扼堵之處或令魁福
帶兵前往著善祿張亮基酌量布置萬不可令賊匪
北竄與阜城之賊勾結臬司勵恩官帶兵駐紮宿遷
此時賊竄山東徐州亦尙有賊匪踵至或飭令該臬
司就近赴援徐州或折回山東防勦著張亮基相機
調度

同日百勝王夢齡奏言據探該逆於十六日在包家樓蔡家莊等處砍伐樹木拆毀民房紮後渡河都司崇順等帶領兵勇前往擊斃東岸逆匪多名餘匪二三千人不及渡河仍由永城回竄臣等馳抵豐工於附近各處搜獲奸細並逃出難民研訊僉稱此股逆匪分三起來徐沿途俱有土匪引導意欲由徐州陸路北趨接應直

隸逆匪臣百勝擬帶兵過河追擊乃沿河無船
可濟又據豐縣稟報逆匪二月十九日辰刻攻
破豐縣二十日已全竄東省臣等查渡河之賊
業已去遠而竄回永城之賊距徐甚近當派通
判顏培高帶領臧紆青所留練勇七百名隨同
袁甲三赴永城進剿又派參將高培等帶領大
同兵六百名前赴豐縣收復城池臣等卽於二

十三日帶兵回郡途次又派鎮標兵二百名駐紮包家樓大同兵二百名駐紮郝家集協同該處團練紳民實力防守

百勝王夢齡又奏言查上年四月逆賊由浦口北趨調派吉林密雲熱河大同等處官兵來徐嗣後各處紛紛徵調祇留大同兵九百名雖經臣等先後招募鄉勇一千數百名藉資防守而

現在除派赴袁甲三處練勇七百名派往豐縣
及各處防堵官兵一千名外存城兵勇僅千餘
名雖各鄉團練民勇臣等尙可隨時招致究係
未經訓練不足以衝鋒折銳合無仰懇

天恩飭令附近統兵大員派撥勁兵二千名星速來徐
俾臣等遇有寇警得以卽時進兵迎勦奏入

上命軍機大臣傳諭百勝王夢齡曰逆蹤飄忽無定此

次由包家樓蔡家莊等處竄渡雖經都司崇順督同
兵勇殲斃多名餘匪回竄永城所獲奸細業經訊供
分起北竄救援阜城之賊並沿途均有土匪爲之嚮
導則徐州水陸各路皆須加意設防百勝等現已派
顏培高帶領臧紆青所留練勇前往永城其河岸口
門以下務當實力堵禦秦定三現抵廬州本日已諭
和春等迅催該提督帶兵援徐並諭琦善袁甲三等

三十一
三十一
飛速撥兵會勦百勝等務當就現有兵勇併力堵勦
不得專待援兵任令南來之賊紛紛偷渡山東臬司
厲恩官現在宿遷防堵賊已由豐縣闖入山東境內
該臬司何以尙株守一隅不爲分兵兼顧之計著卽
查明具奏

上
又命軍機大臣傳諭琦善曰現在大股賊匪由豐工
下游渡河已入東境擾及單縣金鄉等處其未及渡

河之賊經官兵擊回逆匪仍復回竄永城該處距徐甚近百勝等所帶兵勇尙形單弱著該大臣迅撥精兵一二千名派委得力將弁卽日管帶起程馳赴徐州協同百勝等妥籌勦辦

上又命軍機大臣傳諭袁甲三曰逆匪於十八日渡河東岸餘匪回竄永城此時該給事中折回宿州而徐州爲南北要衝旣已疏防於前致賊偷渡若再不力

集賢堂卷之二
三
遏南來賊匪任令陸續北竄該給事中所謂籌畫全局者安在現已有旨派秦定三前赴徐州一帶會剿吉連劉玉豹所帶之兵皆係勁旅著袁甲三卽將所調各兵交秦定三星速馳赴徐州會同百勝等合力堵剿

同日桂明奏言現在賊匪由永城夏邑竄入碭山縣境徐州萬分喫緊臣抵豫後如歸德一帶

情形稍緩卽帶兵馳往徐州與百勝等會合攻
勦黃河一帶賊匪尤易散竄一面飛咨河南陝
西山西撫臣迅將沿河船隻概行禁止來往以
防北竄臣惟有沿途探賊所向併力進勦不敢
稍涉遷延奏入報

同日英桂奏言查逆匪探知歸德駐有大兵未

得由豫渡河遂從永夏竄至江南礪山 臣深慮
黃河下游豐北漫口水勢平緩儻該逆紮筏偷
渡卽入山東單縣等境爲直隸逆匪應援現在
東路情形較之南路尤爲喫緊 臣當先其所急
擬將汝郡巡防責成南汝光道余炳燾等分駐
督率並將營中添募之勇酌留五百名駐守汝
郡派參將伊里綳阿管帶飭令何處緊急卽馳

赴何處協同堵剿逆匪雖不敢直徧歸德郡城
惟此次竄越碭山而去一經山東及江南堵擊
難保其不復來且開封府屬之蘭儀衛輝府屬
之考城均與山東曹單接壤亦不可不防而直
隸逆匪聞於二月初九日分二股竄出一往東
南一往西南豫省此時東北兩路處處可慮臣
卽馳回省城與司道面商防守事宜仍卽出省

策應歸德兼防北路隨時相機辦理奏入

上是之

三十日己亥恆春奏言前太僕寺少卿徐繼畬經

臣奏明前赴澤潞遼州一帶辦理防堵所有地方文武應歸其調遣惟徐繼畬係在籍革員地方文武恐存玩視可否明降

諭旨派徐繼畬督辦以期呼應較靈奏入

上諭內閣曰山西在籍已革太僕寺少卿徐繼畬現在
澤潞遼州一帶辦理防堵所有各該地方文武員弁
均著徐繼畬就近調遣

同日

上命軍機大臣傳諭僧格林沁勝保曰逆匪竄擾畿疆
已踰五月該大臣等疊次斬擒多匪每云賊勢窮蹙
何以占踞阜城後復任令堅匿死拒又將兩旬以厚

集之兵乘得勝之勢蕞爾小邑豈難攻克卽謂必須
計取又豈數日來尙未籌及坐俟賊糧食盡後聽其
仍前紛竄耶南路賊蹤渡河後攻陷豐縣徧近單縣
復於二十一日竄入金鄉逆裔愈張日趨而北設由
歧途捷徑飄忽疾走與阜城之賊一經勾結彼時該
大臣等再議前截後勦辦理更形掣肘不趁此時殄
茲窮寇一味遷延玩誤實不解是何意見朕信任僧

格林沁勝保所請無不允行必不能藉口於朝命之
遙制卽僧格林沁勝保二人平日辦事性情各有所
偏早在朕鑒之中屢加策勵亟望其同心合力迅奏
膚公若各懷己見兩不相下以私廢公坐致貽誤絕
不念朕心之焦切民生之疾苦稍有天良不應如此
時事至今萬難再寬期限著僧格林沁勝保卽日將
此股賊匪掃除或可不加罪譴訥庫尼素光刀神雀

刀之賜非爲該大臣等飾寵示威似此因循日久糜
餉老師律以軍法夫復何辭儻以厯奉嚴旨視爲具
文不卽奮迅圖功是該大臣等無福承受朕恩朕亦
不復再諭矣懍之

欽定勦平粵匪方略卷八十三 甲寅年

三月初一日庚子張亮基奏言探得賊於二月二

十一日攻陷金鄉後旋向西北分竄一股撲曹
州府屬之鉅野縣一股撲濟甯州屬之嘉祥縣
經該州知州黃良楷暗遣健勇伏於獨山小道
二十四日午刻該匪竄入嘉祥縣境內焚掠村
莊伏勇突出邀擊殲斃逆匪數十名是日卽據

探報另股逆匪竄至鉅野業已攻陷縣城近城
村莊盡遭焚掠查該逆渡河而北志在救援北
賊必圖迅入直境其撲嘉祥則圖由濟甯汶上
取大道北犯其撲鉅野則圖由鄆城濮州等處
徑入直隸開州等州縣閒道北犯臣由山道馳
赴濟甯曾慮該逆西竄鉅野飛咨將軍善祿由
湖路徑赴曹屬相機堵剿以遏其閒道北竄之

路今約計該將軍當行近曹屬臣已行近濟甯
東西兩路可冀分投夾攻惟該逆儻入范濮等
處則與直隸邊界處處可通必須嚴堵仰祈

諭直隸督臣迅卽派兵於大名府屬直東交界地方
分路堵截俾免南北兩賊聯合致滋蔓延又據
黃良楷馳稟逆匪於二十五日攻陷鄆城欲撲
范縣壽張東平等情該逆必係探知官兵將次

到濟故竄赴西北一帶臣現在督催練勇迅由
閒道趨赴東平一帶設法繞前迎擊惟賊情慣
於避實擣虛若聞臣由東平一帶進兵善祿由
東昌迎截恐又由僻路繞出善祿之後或由東
昌臨清邊界潛趨直隸以爲阜城逆匪接應且
聞永城賊匪仍欲陸續渡黃現在豐工以下百
餘里之乾河全在江南境內若南北兩岸無兵

扼守難免續渡北竄惟有仰懇

飭下江南督臣南河河臣徐州鎮道迅撥重兵駐守豐

工以防逆匪續渡並請

諭知直隸督臣飭屬嚴密防範奏入

上命軍機大臣傳諭善祿張亮基曰逆匪不由鄆城西
奔濮州乃折而東北欲由范縣壽張奔竄或係探知
善祿由湖路南來爲此巧避之計該將軍於中途會

否得信趕緊由曹州折回東北繞出賊前與張亮基
兩路夾擊該省山路湖路閒道紛歧若無確實探報
偵知賊蹤所向及至官軍趕到該逆早已剽掠而去
輾轉馳逐貽誤更多該逆意在接應阜城范縣壽張
一帶旣須嚴行截阻東昌臨清尤不可爲賊闌入至
運河東路汶上東平各縣下則近接濟甯上可東趨
省會該逆如經官兵攔截或肆意衝突亦須豫籌堵

禦究竟此起賊匪共有幾股是否接連而行抑係分
路抄掠急須探明情形方不至誤向他途致兵與賊
不得一遇現在能否將該逆截剿該撫與該將軍如
何聯絡聲勢賊匪究向何處著善祿張亮基迅籌合
力邀擊隨時馳奏

上
又命軍幾大臣傳諭僧格林沁勝保曰本日據張亮
基奏逆匪攻陷鉅野鄆城該撫擬由閒道趨赴東平

設法繞前迎擊善祿由東昌一路進兵究竟已抵何處張亮基由東平一路進兵亦未知能否卽與賊遇直隸山東交界處所路徑紛歧賊蹤處處皆可闖入而我兵來往奔馳每苦不能相及我兵稍延一日賊卽深入一步此時張殿元曾否前往大名前所謂山西澤潞官兵趕到尙需時日惟有先儘現帶之兵星夜前進隨探隨勦以遏賊鋒張殿元所帶之兵不敷

勦辦仍須於該大臣等營中派撥馬步精兵並派得力將弁統帶前往勦辦方能得手亦不得專事防堵大名致成株守至阜城之賊負嵎死拒一聞南賊將來必更急圖竄逸該大臣等既不分兵南下又不能立將此股殲除徒事遷延是何意見著卽將布置情形飛速馳奏

上又命軍機大臣傳諭桂良曰逆賊自竄踞金鄉後分

股向西北竄逸鉅野鄆城二縣先後失守現在善祿
行近曹屬張亮基亦可行抵濟甯分東西兩路進兵
或擊惟逆黨捨命狂奔飄忽已極若由范縣濮州一
帶乘閒分竄或南向東明西趨開州路徑紛歧大名
一帶尤關緊要著桂良嚴飭張殿元督兵前往扼截
並飛飭達年帶兵前進隨時探明賊情相機迎勦至
直隸與山東毗連各要隘無論南北兩路仍著桂良

勤加偵探飭令各該文武嚴密堵禦毋令匪蹤闖入
同日楊以增奏言接據徐州鎮道稟稱賊匪竟
有直撲徐州由荆山橋北竄之意現由黃家口
竄至黃河覓船不得將附近村莊房屋拆毀運
至包家樓平水處所紮筏偷渡等情查徐州地
方關繫緊要臣密派幹弁偵探並自蕭碭來者
均稱多係土匪祇以人數巨萬徐州兵勇過單

集賢堂卷之三
三
衆寡不敵漫口之下雖無船隻該逆有紮筏偷
渡屯住單縣者有仍回永城來路者現在既有
分竄恐與北路之賊連而爲一則勦辦愈難臣
已飛咨山東河南撫臣各於交界處所帶兵會
勦使該匪腹背受敵庶免蔓延

楊以增又奏言廬州失守後逆匪復攻陷六安
潁上蒙城等處查蔣壩與臨淮一水可通日來

無數賊船在臨淮一帶游弋蔣壩船勇係運鹽之船槍礮最爲得力禮字河暫行緩堵水路可以無虞陸路有雇募練勇暨各村團練鄉勇不下二萬餘人又分設礮臺派撥各營兵丁駐防足資堵禦清江浦兵勇無多臣集各街市民勇日加訓練各鄉村安堵如常奏入

上命軍機大臣傳諭楊以增百勝王夢齡曰賊匪連陷

鉅野鄆城欲從范縣濮州等處潛入直境北路情形
緊急永城之賊尙欲續行渡黃楊以增雖距徐州稍
遠而黃河兩岸是其專轄百勝等防堵徐州爲日已
久一切布置尤應早爲豫備此時軍務總應以勦爲
防固不可空城而出亦豈有株守郡垣之理著趕緊
妥籌布置不得因有秦定三帶兵赴援遂以勦賊之
事專諉之該提督也楊以增所奏蔣壩等處水陸似

皆有備而豐工口岸並未提及豈百勝等如何布置
該河督竟未與聞耶著卽將籌辦情形迅速馳奏百
勝等仍就現帶兵勇嚴扼河岸實力防剿若再令永
城逆匪陸續渡黃朕必將百勝等從重治罪卽楊以
增亦不能辭重罪也

同日湖北巡撫青麀奏言查此次賊匪竄踞大
江西岸凡米廠漢口漢陽城鸚鵡洲沿江一帶

均有賊營一月以來巡防未敢稍懈二月初八日該逆由米廠放船數十隻橫江來撲初九日由三家店地方放船二三十隻官兵陸續開礮旋卽收入漢口初十日鸚鵡洲有賊船向平湖門駛上官兵開礮又沿西岸遁去十三至十五日兵勇出隊直抵鸚鵡洲疊獲勝仗該逆不敢渡江然省中糧餉匱乏兵勇單薄臣前飛咨四

川督臣及將軍台湧撥兵會剿迄無覆音江西
援兵一時亦未能到至曾國藩之兵屢經咨催
現聞退回湖南省城無援四面受敵勢必坐困
青麀又奏言厯計軍興以來凡保全城池之處
城外未有無接應者臣本年正月進省見省城
布置雖妥然四無應援從無此閉門枯守之法
當卽酌量各處可調之兵速爲咨調乃抵省已

逾一月而各處杳無覆音觀此情形實難保守
意見所及權不能行伏願

皇上嚴飭帶兵大臣速加振作尙可補救於將來奏入
上命軍機大臣傳諭青麀曰現在皖省及東豫情形均
極喫緊各處俱須援應卽漢陽黃州等處逆匪紛擾
亦當次第殲除青麀疊次奏報不但毫無籌畫且於
別處情形總未知悉偵探亦不能確實是以所奏軍

情於現在時勢悉皆隔膜至所稱意見所及權不能
行尤屬藉詞推諉與崇綸同在一城每次皆單銜具
奏並不會銜是青麀先自存意見青麀現已授爲湖
北巡撫統轄全省尙得謂事權不屬乎此時惟有盡
心籌畫竭力防守台湧已克復黃陂進攻漢陽當可
與省城聲勢聯絡至曾國藩所帶船礮現因賊由岳
州上竄近徧長沙該侍郎初抵長沙省城已與賊遇

不能剋期下駛著青麀崇綸就現有兵勇於城內外
審度機宜妥籌布置與台湧隨時知照盡心堵禦毋
徒坐待援兵誘過他人也

初二日 辛丑 僧格林沁勝保奏言查該逆自竄踞

獨流靜海疊經官兵痛勦現在長濠窵竣加以
大礮轟擊偪令出巢一面嚴飭各營防其衝撲
必當和衷商推悉心籌辦俾此賊速就殄滅至

東豫賊蹤疊據山東河南咨報已由豐碭竄擾
夏邑金鄉鉅野鄆城單縣各地方但賊衆僅數
千人善祿張亮基現已分投迎勦足資堵截如
能挫其兇鋒自可無虞北犯儻賊仍猖獗臣勝
保卽當選帶官兵馳往督勦

僧格林沁勝保又奏言接據善祿函稱行抵東
昌探報賊陷鄆城於二月二十七日竄入張秋

鎮距東昌不及百里賊衆約四五千善祿卽日帶兵迎擊等語伏思善祿遇賊接仗再得重兵隨後接應固可遏其兇鋒但阜城之賊大兵合力圍攻不久當可殄滅臣勝保若移師南向馬步官兵約需萬餘統計臣等所帶官兵除善祿管帶赴東暨派防各路外尙存三萬有餘僅敷圍剿今驟撤兵萬餘未免卽形單薄臣等再四

商酌與其分兵移紮使垂斃之寇死灰復燃不
若合力勦除使南賊勢孤兇餒易滅卽使東省
喫緊必應分兵馳往亦須俟善祿接仗後酌度
情形以定行止現已派總兵桂齡帶西甯固原
河州得力官兵一千名台祿帶吉林馬隊二百
五十名馳往德州駐守爲善祿後路聲援如果
賊勢甚張臣勝保卽督帶馬隊前進一日可至

德州惟北路兵單不敷勦辦阜城以北並無賊蹤固安涿州防兵似可一律進駐河閒獻縣一帶俟臣勝保分兵南向卽令移至阜城由臣僧格林沁調遣奏入

上命軍機大臣傳諭僧格林沁勝保曰逆匪竄入張秋鎮善祿卽日帶兵迎擊此時尙未遇賊接仗如果賊勢猖獗勝保自應移兵進勦阜城迤北兵力尙形單

弱仍應添兵協勦惟固安等處防兵均係保衛京師亦難全數調往本日已諭令載齡派雙禧穆輅各帶兵一千名馳往獻縣一帶如勝保前赴德州卽將此項官兵調往大營以資攻勦南來賊衆約四五千入前此善祿魁福共帶兵三千名該大臣等現又派總兵桂齡帶西甯固原河州官兵一千名台祿帶吉林馬隊二百五十名兵力似足敷勦辦儻必須勝保前

往亦不過酌帶精兵數千何至撤兵萬餘目下情形
總當迅將阜城逆匪全數殄除則南來之賊聞風膽
落萬不可以賊匪堅守爲詞再延時日

上又命軍機大臣傳諭載齡曰據僧格林沁勝保奏請
撥防兵進駐獻縣等語著載齡卽派雙禧穆輅將原
帶防兵各一千名迅速管帶馳往河閒獻縣一帶聽
候僧格林沁等調遣現在阜城之賊尙未殄滅徐州

渡黃逆匪已擾及山東境內直隸大名等處防堵均
關緊要雙禧穆輅現今帶兵前赴河間近畿一帶尤
當加意嚴防是否應須分撥布置之處卽著載齡酌
量情形妥速籌辦並飭各路帶兵大員嚴密防範毋
得稍有疏虞

同日駱秉章曾國藩奏言逆匪竄陷岳州後乘
風直過洞庭湖於二月初六日竄入湘陰縣城

該縣文武不知下落賊船已抵靖江喬口一帶
約數千號查靖江距省僅五十里所有省城守
禦事宜臣駱秉章會同臣鮑起豹妥爲布置惟
靖江汊港紛歧水陸兩路可通河西之甯鄉而
至益陽湘潭等縣臣駱秉章當卽札委知縣王
鑫統帶練勇一千六百名先由陸路馳往靖江
一帶截勦適臣曾國藩亦已抵省飭派生員曾

國葆及同知趙煥聯訓導儲致躬分帶陸路湘
勇三營前赴喬口合擊臣駱秉章復添委知州
朱孫詒等管帶練勇六百名勝勇百餘名前往
策應王鑫先在杉木橋地方見有賊匪上岸擄
掠當卽率勇迎勦擊斃賊匪奪獲船隻十三日
戰於新港河岸賊匪抄尾殺至經帶勇之王文
瑞抵住兩路鏖戰殺斃賊匪百數十名燒其大

船十餘號復經帶勇之謝仁峻李若霞在於所
守隘口擒斬多名共計生擒殺斃及落水死者
約數百人我勇膽氣愈壯現在趕造浮橋整隊
前進曾國葆在新康一帶擊斃長髮賊三十餘
名奪獲米船二隻馬匹多件儲致躬委赴靖江
聞賊分竄甯鄉當卽商同趙煥聯前往援勦儲
致躬率勇由龍塘灣殺進西門又殺至北門轉

至南門共殺斃賊匪三百餘名落水者不計其數不料轉至南門該匪復於東城外突出二三百人儲致躬帶勇追殺身受十餘傷當卽陣亡賊匪亦敗竄下船連夜逃赴靖江全數下竄喬口等處臣等隨添委副將塔齊布管帶撫標兵丁及湘勇寶勇共一千二百名又委候補道胡林翼管帶黔勇六百名千總周鳳山等分帶練

勇各五百名均由陸路會同王鑫等馳赴喬口
湘陰一帶極力攻勦並飭委千總楊載福生員
彭玉麟分帶水師八百名配齊船礮順流跟追
臣等仍隨時察看如須續添兵勇亦卽會商辦
理武陵縣訓導儲致躬追賊陣亡顛懇

天恩從優賜卹署甯鄉縣知縣馬丕慶岳州城守營參
將烏拉理未能堵禦請

旨革職審辦 臣駱秉章與提 臣鮑起豹均有地方之責
未能先事防範應一併交部議處奏入

上諭內閣曰賊船竄入湘陰縣城並靖江喬口一帶經
駱秉章等派令知縣王鑫等帶勇截剿王鑫在杉木
橋地方曾國葆在新康一帶均能迎擊疊獲勝仗著
卽督飭文武員弁跟蹤進剿儲致躬帶勇殺賊身受
多傷陣亡實堪憫惻著交部從優議卹岳州城守營

參將烏拉理於賊匪竄擾岳州時不能進剿失陷城
池署甯鄉縣知縣馬丕慶不能極力堵禦均著革職
拏問如訊有畏葸逃避情弊卽著從重治罪駱秉章
鮑起豹未能先事豫防均著交部議處其失守地方
文武下落著卽查明具奏

駱秉章又奏言伏查該逆先踞黃州時下通皖
省實爲心腹大患臣將滇兵楚勇併令馳往皖

省救援嗣聞該逆已由黃州上竄漢陽等處正
擬派撥兵勇前往援勦詎因連日北風該逆遂
卽乘舟上駛竄陷岳州現在南省兵丁及調到
鎮筸營弁兵僅及四千有零若於各營中酌量
抽撥雜湊成軍派員統帶則兵不知將將不知
兵平日旣不相習臨時難期應手是以歷次勦
辦土匪及此次派出追勦者俱係臣與曾國藩

集賢堂卷之三
召募自練之壯勇較爲得力且該逆現已竄至
湖南鄂省情形較緩擬俟南省勦辦事竣臣卽
派撥兵勇馳往鄂省跟蹤追擊奏入

上諭曰楚南之賊明係分竄曾國藩礮船原爲肅清江
面第此時道路不通暫可留在湖南勦辦亦不能專
待事竣緩緩北上俟楚南辦有頭緒仍應速赴湖北
爲是曾國藩素明大義諒不敢專顧桑梓置全局於

不問北重於南皖鄂重於楚南此不易之局也

初三日

壬寅

綏遠城將軍善祿奏言臣於二月二

十七日馳抵東昌知鉅野鄆城俱已失守賊衆

三四千被脅難民無數業經占踞張秋鎮距東

昌府城八十里恐其卽撲府城亟需兵力彈壓

張秋爲三岔總路東北爲荏平正北爲東昌西

北爲冠縣館陶等處偏近直隸大名而東昌水

陸交衝尤爲賊所窺伺張秋鎮橫跨運河中有
橋梁若從東岸進勦賊必由西北竄若從西岸
進勦賊必由東北竄若兩岸分勦又恐其直撲
東昌勢難兼顧因此暫在東昌南關外紮營探
得賊匪三路出哨二十九日賊匪馬步隊數千
竄撲東昌行不數里折回西去隨又探得賊匪
已入陽穀縣城聲言仍撲東昌恐其聲東擊西

意將繞西而北若但取道進擊又恐其仍舊回
撲臣祇得多發偵探嚴兵以待臨清大名各路
在在空虛業已咨明勝保迅爲籌備東昌一帶
曠野平原無險可扼臣惟有擇要堵截相機迎
勦遏其北竄之路奏入

上命軍機大臣傳諭善祿張亮基曰賊衆占踞張秋鎮
又竄入陽穀縣城此股逆匪意在救援阜城善祿現

集賢堂卷之三十三
三十一
既與賊相遇著卽趕緊督兵進剿並知會張亮基星
速前進爲兩路夾攻之舉若攻剿稍遲該逆非負嵎
死守卽乘間紛竄剿辦更難得手昨據僧格林沁勝
保等奏已派總兵桂齡等帶兵馳赴德州本日復諭
令該大臣等酌量派兵策應著善祿卽催提此次續
派官兵遏賊竄路務當以剿爲防萬勿遷延貽誤張
亮基所帶之勇改赴東平計日已早到營該逆利在

狂奔臨清大名各路均關緊要此股逆匪卽責成善
祿張亮基合力進攻儻有疏虞致令乘隙竄擾朕惟
善祿張亮基是問

上

又命軍機大臣傳諭僧格林沁勝保曰逆匪勢甚熾
疾意在接應阜城之賊必須乘賊蹤未定一鼓殲除
毋令勾結爲患著僧格林沁勝保卽酌量添派精兵
馳赴善祿軍營無稍遲誤其直隸大名一帶仍嚴飭

張殿元實力巡防妥爲布置該大臣等務當統籌全局權衡輕重斷不准任令匪蹤闖入直境更滋蔓延

初五日

甲辰

勝保奏言連接善祿來函賊陷陽穀

已竄過莘縣仍圖北來援救各處所報賊數或云萬餘或云數萬賊情詭譎其是否應援阜城之賊抑或繞道由他路北犯均未可定善祿等馬步各隊僅三千餘名實覺衆寡不敵即使力

能堵截賊或折而旁竄仍可闖入直境與阜城
之賊聲息相通如僅派兵爲善祿後路聲援恐
緩急仍不足恃再四思維不得不於萬難分身
之時爲南北兼顧之策卽於三月初三日選帶
馬步官兵起程至劉智廟確探賊蹤如賊由莘
縣直撲臨清臣由故城武城前進迎頭截殺如
西竄大名臣由邱縣清河一帶橫截總期抑其

兇鋒遏其北竄大名府爲畿輔門戶賊如由莘縣西竄相距甚近張殿元帶兵由武邑改赴大名此時計可趕到大名存城兵勇尙有二千餘名合之張殿元之兵共有五千餘名臣復撥河南練勇數百名前往協防該勇等半係籍隸大名皆有保衛身家之念較他勇爲得力至臣帶往官兵馬步六千餘名其餘各營馬步隊尙有

一萬數千名統留歸僧格林沁以資攻勦阜城
垂斃之賊數不盈萬臣雖分兵前去而所留之
兵其數尙倍於賊惟東省逆氛正熾如果衆至
數萬亡命赴援自必倍形兇悍臣與善祿先後
帶兵萬人勦而兼堵旣須遏南賊之北來並宜
截北賊之南竄俟探確賊蹤將迎勦情形再行

馳奏

勝保又奏言頃據荏平縣高唐州稟報賊已攻陷冠縣三月初一日竄至清河縣屬之小灘地方屯聚又由館陶縣屬之清水莊竄至李官莊距臨清州祇二十五里善祿現抵何處亦未知曾否與賊接仗是否賊匪分股旁竄善祿爲所牽掣抑係中途延緩致落賊後容俟查明再當具奏查臨清州現在十分喫緊幸已豫派藩司

崇恩帶兵馳往或可藉資守禦總兵桂齡已令其由德州先赴故城迎擊臣卽督帶官兵馳赴故城探明賊蹤相機策應

同日張之萬奏言查安徽之賊竟在碭山一帶渡河防河諸臣漫無抵禦任其偷渡臣思機失於事先患宜防於事後此時黃河上流各渡無甚喫重而碭山一帶河口尤關緊要賊旣渡河

擾及山東必與安徽盤踞之賊暗通消息奸細
之來往時時有之且賊在山東如大兵攻勦得
力則安徽之賊必思前來接應更宜防其續行
偷渡現時賊勢尙孤猶易勦辦若不將礪山一
帶趕緊設法扼要嚴防誠恐與安徽之賊任意
往來連爲一氣應請

飭令安徽帶兵大臣分派精銳兵勇時時巡查斷其往

來之路破其聯絡之謀庶於軍務稍有裨益
同日鄭敦謹奏言伏查逆匪攻陷永夏後卽由
豐工漫口偷渡北竄河南歸陳一帶並無另股
逆匪接據各路探報該逆渡黃後由曹單直撲
金鄉濟甯一帶並據拏獲脅從逃出之人供稱
意在救援北路殘賊茲蒙

聖主籌畫萬全已

飭勝保帶兵迎勦山東撫臣亦帶兵南下東北兩面兜
勦自可迅速蕩平計賊敗後北竄無隙可乘南
竄又隔黃河東則有山東撫臣之兵迎擊未必
敢再深入而山東曹郡正當西衝萬一徑由曹
郡西竄則直隸之開州東明河南之考城滑濬
難免蔓延滋擾查現在黃河之南歸德情形較
前已鬆曹郡爲豫省東北門戶必須先有大兵

前往迎擊遏其西竄則河北三郡可以不防爲
防合無仰懇

聖恩迅飭陝西提臣桂明帶兵由黃河北岸徑趨曹州
一帶迎擊既可遏其西竄又可與勝保張亮基
三面合攻庶免以有用之兵置之無用之地均
奏入

上命軍機大臣傳諭僧格林沁勝保曰賊由陽穀竄過

莘縣攻陷冠縣竟竄至清河縣屬之小灘地方屯聚
並由館陶清水莊竄至距臨清二十五里之李官莊
勝保帶兵星速前進所見尙是崇恩防守臨清未悉
兵力如何著勝保於馳抵故城後迅卽迎至清河盡
力截勦仍飛飭善祿趕緊設法繞赴館陶冠縣西北
各路面面兜圍俾不得溷入大名界內與威縣等處
並隨時與僧格林沁知會如須添調馬隊卽由該大

臣咨商妥辦此股賊匪自皖豫北來衆至數萬亡命
赴援若不迅將阜城賊匪掃除萬一突圍而出與南
賊合併勢更不可收拾僧格林沁督兵一萬數千名
足資圍剿著卽迅圖攻克不得再事遷延衡水棗強
各處尙有勝保大軍在南如阜城附近各村賊匪南
竄尙可回兵夾擊其阜城東北各路如何設防該大
臣有無把握雙禧穆輅所帶官兵二千名會否趕到

集三身圖入明卷八十三
三十一
派撥何處防守均著迅速馳奏並著該大臣等隨時
飛咨桂良載齡一體嚴防

上又命軍機大臣傳諭桂良張亮基曰前諭各省大吏
嚴飭地方官實力舉行團練如果認真辦理著有成
效何至逆賊經過地方如入無人之境若直隸省之
天津饒陽武清等縣練勇甚爲整齊卽山東單縣嘉
祥兩縣民勇亦甚得力賊蹤均無由闖入是卽認真

團練之明驗現在阜城餘賊尙未殲滅淨盡而南來
之匪復竄及鉅野鄆城陽穀各縣著桂良張亮基傳
遵前旨嚴飭所屬凡未經被賊各府州縣一體勸諭
紳民辦理聯莊旣可協助兵力卽以自衛身家儻有
不肖官吏陽奉陰違均著隨時從嚴叅辦張亮基向
東平一路迎勦並未與賊相遇若再不迅速探明賊
蹤與善祿分投夾攻任令逆匪北竄必將該撫從重

治罪

上又命軍機大臣傳諭桂明曰逆匪全竄山東連陷金鄉鉅野鄆城陽穀等處情形較歸德尤爲喫緊據鄭敦謹奏請飭桂明速由黃河北岸徑趨曹州一帶迎擊自係先其所急惟逆匪已由莘縣竄入直隸清河縣境鄭敦謹所請意在保山東以固河南就軍情緩急而論惟有徑赴直隸方能迎頭邀擊若專注曹州

已落後著著桂明卽統所帶官兵無論何處渡口星
夜渡河而北沿途遇賊卽行截擊若能閒道出奇繞
赴大名以北更可得手斷不准故意紆折致誤事機
上又命軍機大臣傳諭楊以增百勝王夢齡曰賊已攻
陷冠縣並踞館陶縣所屬之地距臨清甚近北路情
形緊急儘再有南來逆匪陸續渡黃與東省之賊接
應勦辦愈難得手楊以增旣專轄黃河百勝等又防

集賢堂卷之三
三

堵徐州業已疏忽於前漫無抵禦若再任該逆偷渡
罪更難追據張之萬奏黃河上流各渡惟碭山一帶
河口最關緊要著楊以增等趕緊設法籌防派精銳
弁兵嚴緝奸宄斷其往來之路並著百勝等卽就現
帶兵勇實力防勦儻仍不知奮勉使逆匪續有偷渡
必將該河督等從重治罪

同日台湧奏言伏查賊匪盤踞漢陽其分股竄

擾德安一帶窺伺北路者多則二三千少亦四
五百人可見漢陽賊數正復不少荊州襄陽各
路尙無賊蹤惟湖南岳州失守賊竄湘陰前調
湖南官兵一二千名尙未起程即可留於該省
派撥布置曾國藩統有全軍一萬七千餘人旣
抵湘潭自當分水陸兩路由上壓下迎頭截剿
所可慮者岳州之城陵磯對岸卽荆河腦地方

實爲荊州要口賊由此路竄荆甚近不可不防
武昌弁兵布置省垣似尙敷用江西派兵來援
如能及早趕到則聲勢一振而由德安三路進
剿之兵卽可會合夾攻漢陽不難克復江北逐
處搜剿分股竄匪所以遏其北竄卽所以破其
牽掣之計使分竄者翦盡便可三路進兵直搗
賊巢德郡爲南北咽喉重地與荆襄同關緊要

目下附近一帶賊衆未淨未可驟然移兵遠出
前次催調四川松潘建昌兩鎮赴漢應援之官
兵二千名均必道出荊州 臣卽截留在荊以便
撥由荊河出口與湖南會剿南北兩省以荊州
一帶爲適中之地江北無大員督兵進剿一時
不能分身 臣以總督兼署提督照料難周河南
南陽鎮總兵柏山帶兵出關助剿若以該總兵

就近署理湖北提督則豫楚聯絡一氣呼應更
靈而由此分路進剿之官兵得有大員督飭臣
卽可分身馳赴荆襄審度南北機宜居中調度
魁玉旣已帶兵由武昌上援應卽令其在荆聽
候派撥佈克慎現在帶兵由黃郡一帶進剿未
便令其遽往湖南以致東路鬆勁奏入

上命軍機大臣傳諭台湧曰楚北逆匪全股盤踞漢陽

其分竄德安一帶之賊前經台湧撥兵截勦業將黃
陂縣城攻克必須乘勝進攻將雲夢應城孝感等處
餘匪次第殲除方能全軍南注爲肅清漢陽之計武
昌存城兵勇足敷布置若將北路得力之兵撤調赴
省則江北更屬空虛疊據青麇奏報惟以孤守無援
爲詞別無籌辦之策殊不足恃著台湧體察機宜隨
時與該撫互爲知照以期聲勢聯絡所調江西水陸

各軍並著飛提駛赴上游會合迎勦儘能先將江面
疏通則漢陽與武昌南北無阻勦辦庶易得力該督
又稱岳州對岸之荆河腦地方爲荊州要口若竄岳
之賊被勦窮蹙恐由此路旁趨至荆所慮亦不爲無
見仍著台湧兼籌扼截之策於四川松潘建昌兩鎮
官兵提到後卽嚴飭各該員弁將此項兵丁駐紮荆
州以扼賊匪上竄之路仍須探明岳州賊情如須出

境迎擊卽剋期統帶前往與湖南會剿勿以有用之
兵置之無用之地本日已諭令佈克慎署理湖北提
督該員現在黃陂一帶進剿著卽毋庸前赴湖南台
湧身任兼圻一切剿辦機宜惟當妥籌大局迅掃妖
氛以副委任

上諭內閣曰台湧已補授湖廣總督其所署湖北提督
著佈克慎署理該員前由貴州提督獲咎革職因在

黃陂勦賊尙知奮勉是以飭令署理提督仍著台湧
督飭該員迅速帶兵勦辦賊匪以贖前愆

欽定勦平粵匪方略卷八十四 甲寅年

三月初六日乙巳僧格林沁奏言臣連日督飭官

兵極力進攻該逆死守不出三月初二日豫派
馬步各隊官兵於夜半暗伏賊巢左近使前次
投出之甯宗揚等七名分向塔兒頭紅葉屯賊
巢聲喊引誘該逆由紅葉屯撲出三四百名由
東南關撲出二百餘名我兵俟其離巢較遠奮

勇壓下該逆力不能支狂奔敗退殄斃紅葉屯
賊匪二百餘名其東關撲出賊匪經侍郎慶祺
督帶兵勇殄斃多名餘匪退入賊巢正在設法
籌辦接據各路探報賊匪連陷金鄉陽穀等縣
逆燄甚熾勝保酌帶馬步官兵七千餘名起程
前進連善祿等所帶官兵合計一萬一千餘名
兼之山東本省官兵練勇足資堵剿臣原統京

旗及蒙古官兵七千餘名勝保酌留馬步官兵
一萬四千餘名侍郎慶祺統帶官兵二千餘名
共合二萬三千餘名勝保移營後臣正慮阜城
東北空虛雖商令德勒克色楞移營東北仍恐
兵單難恃適前任江甯將軍托明阿到營當將
直隸官兵一千餘名令托明阿統帶亦在東北
長濠之外駐紮與德勒克色楞互相聯絡現在

兵分勢單 臣惟有激勵將士迅掃妖氛

同日張亮基奏言據探賊由鄆城北竄占踞張
秋鎮 臣催督練勇正由山路前進一聞此報立
卽改赴湖路疾趨於三月初一日馳抵東平州
距張秋僅八十餘里又探賊由張秋攻陷陽穀
竄過莘縣直撲朝城西北顯因大兵將到聞風
而遁若不由朝城旁趨直隸必由冠縣堂邑北

擾臨清臣甫抵東平賊又改竄而所帶步卒每日疾行百數十里急難繞出賊前查東省自逆匪闖入後各屬土匪蠡起又聞黃河以南逆匪尙衆無兵防守紛紛續渡臣以一人兼顧實屬不及查臬司厲恩官業已帶兵回兗現將勦辦土匪事宜專委該司督屬嚴辦至臣所帶練勇僅二千餘人若以全軍盡躡賊蹤徒成尾追之

勢東平拏獲奸細供稱該匪有由臨清竄赴故
城接濟北賊之語因將所帶練勇分撥一半派
委遊擊玉山等分隊管帶馳詣朝城會同善祿
兜剿其餘練勇親自統領迅由間道馳往臨清
以待迎頭截擊如此兩面兜截中間又有善祿
在堂邑橫衝勦辦必可得手若防河一事前派
濟甯州黃良楷專司其事而金鄉鉅野魚臺等

處難於顧及同知高振洛曾任單縣頗得民心
且熟悉情形茲委該員趕募精壯民勇千餘名
在豐單交界處所實力巡防以杜南匪續竄惟
豐工南北兩岸均隸江南該處無兵扼守相應
請

旨飭下江南督臣南河河臣徐州鎮道迅撥重兵駐守
豐工以防逆匪續渡

張亮基又奏言頃接駐紮揚州之安勇等稟稱
該員統帶堯曹等營官兵一千名現在三汊河
駐紮該處情形較緩近時未派出隊查東省現
在處處需兵此項官兵在揚旣無須常川出隊
自當移緩就急應請

飭下琦善卽將該起官兵飭令安勇等管帶回東實於
防剿有裨均奏入

上命軍機大臣傳諭僧格林沁勝保曰此次僧格林沁誘賊離巢殄斃賊匪二百餘名仍不過小有斬獲未能迅克賊巢勝保移營後阜城東北令德勒克色楞托明阿帶兵駐紮自應如此布置設該逆繞道北犯德勒克色楞西凌阿托明阿皆係幫辦大員儘可酌派一員督帶馬隊前往截擊若僧格林沁自行帶兵前往竟將阜城圍困之賊交德勒克色楞等勦辦該

幫辦等無所統屬事權不能歸一儻該逆乘虛竄出
與南來之賊互相勾結或仍由東北回竄交河等處
豈非該大臣貽誤此時逆匪竄擾清河勝保由故城
進勦必應力遏賊衝尤當設法兜截勿令逆匪繞越
朕思遠防不如近勦該逆知我兵由故城進攻或折
而西竄則棗強南宮冀州等處在在堪虞著僧格林
沁卽將雙禧等所帶官兵酌撥於保定迪南扼要地

方以勦爲防毋庸折回涿州阜城逆匪不過數千僧
格林沁尙有兵二萬三千餘名勝保亦帶兵萬餘兵
力不爲不厚若以兵分力單爲詞再事遷延是該大
臣等一誤再誤不能倖邀寬典也

上又命軍機大臣傳諭張亮基曰本日據奏報各情於
賊竄清河並未提及豈該逆已由東入直該撫竟茫
無聞見耶此股竄匪渡黃後連陷金鄉等處意圖北

竄自到山東所過州縣毫無阻滯如入無人之境張亮基統轄全省已屬罪有應得刻下勝保已帶兵由故城迎頭截擊遏賊北竄張亮基若不趕緊督帶練勇設法進擊爲兩路夾攻之計豈以賊匪竄出東境遂可卸責誘罪耶至各屬土匪卽飭臬司厲恩官痛加勦洗毋令與逆匪勾結並飭同知高振洛於豐單交界處所嚴防河口勿任南匪續竄

上又命軍機大臣傳諭琦善曰賊匪竄擾臨清一帶直東交界處所情形喫緊現在北路防剿重於南路不能不先其所急著琦善卽飭參將安勇遊擊毛三元將所帶官兵迅卽管帶回東以資防剿該大臣務當統籌南北大局力遏瓜州等處逆匪北竄是爲至要上又命軍機大臣傳諭楊以增百勝王夢齡曰現在偷渡逆匪竄擾山東陽穀等縣距臨清甚近爲數亦復

不少若再有逆匪續行偷渡恐勾結愈多更難勦辦
著楊以增等迅就現有兵勇於豐工兩岸各要隘嚴
密堵禦遏賊續竄前派秦定三赴徐會勦並吉連劉
玉豹所帶各兵是否趕到並著星速迎提以資防守
該督等屢誤事機罪無可逭若再有疏虞國法具在
朕斷不能曲宥也

上又命軍機大臣傳諭桂明日昨因賊匪由莘縣竄入

直隸清河諭令桂明統帶官兵星夜渡河而北諒已
渡河由北岸行走著卽督率官兵迅速前赴直隸境
內沿途偵探賊蹤何路緊急設法追截若能出其不
意中途邀擊勦辦更爲得手萬不可稍有遲延

初七日丙午善祿奏言臣探明賊匪由陽穀竄入

莘縣向西南張秋鎮而奔三月初一日卽取道
堂邑往臨清扼截初二日行抵臨清東南焦莊

地方賊匪由冠縣撲臨清城藩司崇恩已到賊
至城南黎官莊見有官兵不敢前進臣卽在焦
莊紮營遏其回竄堂邑東昌之路查黎官莊距
焦莊七八里夜間賊匪號火由黎官莊直達清
莊迤南往來不斷五更後臣令魁福帶馬隊往
臨清迤南堵其北竄臣同綿洵帶馬步隊從黎
官莊正南清莊進攻賊匪列隊出迎約數千名

我兵奮勇撲出相持兩時被我兵槍礮轟斃無
數黎官莊迤北之賊見前隊已敗直奔牘口魁
福在北堵截維時臣擊敗之賊飛奔牘口人數
衆多蠶聚河岸該逆豫先紮就木筏車載門板
運至河干鋪浮水面擁擠渡河落水淹斃者不
少適臣大隊繼至賊復整隊拒敵又經擊斃多
名共殲斃賊匪約七八百名未渡河之賊奔回

續通志卷之四十四
ノ
臨清關外民房屯聚賊匪初遇大兵受茲懲創
頗足喪膽惟未能堵截賊匪北竄相應請

旨將臣從重治罪

同日崇恩奏言臣前奉勝保札帶山東官兵赴
鄭家口防堵節次探賊竄入東境攻陷金鄉鉅
野鄆城陽穀等縣臨清州勢甚危急該州爲水
陸咽喉有關南北大局斷無不救之理並奉撫

臣張亮基札飭帶兵赴臨於三月初二日馳抵臨清賊已占踞城南二十五里之黎官莊臣所帶之兵現存九百餘名卽在城外南關紮營嚴密防範初三日卯刻賊隊大至分東西兩股每股二千餘人繞撲城北當派參將吉興等分路迎勦賊勢少卻而後隊續至因派副將慶順知州張積功等守城臣同遊擊王用安等帶兵出

城接應酣戰三時斃賊數百名該逆恃衆不退
其大隊復在南關施放槍礮掣我兵勢臣復登
陴堵禦嬰城固守槍礮疊施賊匪屢攻屢退未
能登城而城外將弁兵丁無不一以當百奮勇
直前賊始退入村莊因卽收隊入城仍分布四
門梭巡防賊夜攻所有此次打仗守城出力文
武員弁可否由臣酌量保奏以勵士氣均奏入

上命軍機大臣傳諭善祿曰賊匪屯聚黎官莊該將軍
行抵臨清初次與賊接仗雖殲斃賊匪約七八百名
而該逆已渡河北竄善祿自應迅速渡河追剿與勝
保大兵合力夾擊爲一鼓蕩平之計斷不准藉口兵
馬疲乏遷延貽誤善祿等不能遏賊北竄已屬罪有
應得若再有疏虞不知奮勉國法具在豈能倖邀寬
典耶著卽督同桂齡迅將渡河逆匪合力殲除俟此

股渡河竄匪勦滅淨盡卽著馳赴臨清以南與張亮
基等肅清東境勿令蔓延

上又命軍機大臣傳諭張亮基崇恩曰賊匪在黎官莊
被官兵擊敗後隊賊匪直奔牖口紮筏渡河未渡河
之賊奔回臨清關外民房屯聚顯係牽掣我兵分股
渡河援應阜城之賊張亮基日內可到東昌著卽迅
赴臨清嚴督兵勇奮力攻勦務當乘其喘息未定與

崇恩守城之兵內外夾攻悉數殲除斷不可閉門株
守此股未經渡河賊匪卽責成張亮基崇恩實力勦
辦儻令該匪續由臨清渡河北來朕惟該撫等是問

上諭內閣曰據崇恩奏逆匪直撲臨清州該藩司派吉
興等分路迎擊復派慶順等出城接應斃賊數百名
該逆復在南關占踞又經善祿等帶兵進攻斃賊七
八百名此次逆匪竄擾臨清崇恩督率將士等奮力

擊退所有出力官兵紳勇著崇恩酌量保奏善祿等
督兵進剿疊獲勝仗惟逆匪分股偷渡運河該將軍
等未能竭力堵禦實屬罪有應得善祿魁福均著革
職留任

同日和春福濟奏言據探逆匪由豐工下游之
包家樓平水處所紮筏北竄袁甲三等追剿不
及現在黃家口包家樓一帶尙有土匪盤踞袁

甲三百勝等所帶兵勇足資勦辦卽或土匪衆
多亦有臨淮壽州兩處官兵可以酌量調遣臣
等復加籌商似無須再行撥兵况秦定三由江
南來廬並未帶兵此時既不撥兵赴徐秦定三
自亦無庸前往惟廬城西路兵力過弱臣和春
前請

飭令向榮將秦定三原帶之貴州鎮遠等營官兵趕緊

集賢堂卷之二十四
三
派撥一千名前來一俟到廬卽令秦定三帶赴西路統領督勦較爲得力奏入

上命軍機大臣傳諭和春福濟曰此股賊匪冒死深入原爲接濟阜城而來若和春等早能先事豫籌斷賊來路何至肆其狂奔分我兵力此時秦定三旣無庸前往徐州則廬州西北等處亟應密籌布置不但圍攻廬城尤當力杜南來匪徒續行北竄此時若專待

向榮撥到貴州官兵再令秦定三帶往已誤事機著
和春福濟卽酌撥官兵交秦定三帶赴西北一帶扼
要截勦或將撥歸袁甲三調遣之臨淮壽州各路防
堵官兵移交秦定三調遣欲固徐州之藩籬必嚴杜
皖省之竄匪和春福濟業經疏防於前若但知圍一
廬州而不顧賊匪由潁亳各處闖入徐界貽誤之罪
復將誰誘廬州逆賊雖被攻勦窮蹙尙未克復城池

和春等所統兵勇不爲不厚豈容藉口於城大兵單
遷延時日著卽乘勝克復毋再延緩

同日勝保奏言臣自阜城督兵起程初四日抵
鄭家口接據崇恩稟稱賊占踞黎官莊距州城
二十五里擊賊獲勝惟臣派善祿帶兵前往原
爲杜賊北竄並非專令其捍衛東昌東路乃至
今未聞與賊接仗賊踞黎官莊善祿旣在焦莊

紮營相距不遠何以初三日賊匪撲城崇恩接
仗善祿又未聞前往策應殊不可解臨清南關
現已文報不通張亮基初三日自東平州來文
內稱據探賊由莘縣竄至冠縣與直隸元城接
壤有往元城西竄之信自係探報未確查張亮
基初三日甫抵東平卽便探明賊蹤往勦已覺
緩不濟急臣思臨清固萬分危急必應趕緊赴

援但查鄭家口東爲德州前路西通清河縣實
爲扼要之區臣若竟舍鄭家口而赴臨清賊儻
舍臨清而繞趨北路中間無兵扼守賊仍可北
竄與阜城之賊勾結其患更深此次臣奉

命南來暫棄垂成之功爲籌全局之計重在遏賊北竄
不令勾結阜城逆匪今善祿張亮基兩路之兵
均未迎頭截殺臣若遽移兵往救萬一臣兵到

而賊已繞道北竄臣亦與善祿等同一落後此時南北通籌臣暫行紮駐鄭家口派總兵桂齡帶馬步官兵二千數百名馳赴臨清合力攻勦一面飛咨張亮基迅速赴援保全東路善祿設法繞道進兵合勦賊雖兇悍飄忽但勢同烏合且聞槍礮不多桂齡到臨清後如能會合善祿等併力夾擊賊鋒大挫殄滅無難臣卽可由鄭

家口折回阜城仍與僧格林沁合辦阜城之賊
如因衆寡不敵不能不痛加勦洗 臣卽親帶官
兵馳往督勦奏入

諭曰汝臨事酌度緩急料能胸有成竹儻桂齡前路
得手或能殲擒衆多汝在後路正可杜其豕突豈有
置而不問轉回阜城之理必致兩處貽誤咎將誰執
著隨時相機前進軍威一振逆魄應褫斷難專在鄭

家口待其竄至勾合然必須嚴防繞越亦不可疏忽
同日張亮基奏言查崇恩行抵臨清適賊圍撲
州城該司督兵開仗小挫賊鋒臣初慮賊蹤紛
竄心急如焚旋探賊已停留並搭造木城東西
南三面皆爲所踞東關之賊尤多臣卽於東關
外紮營誓將滅此朝食緣步卒連日趨程不無
疲乏現在趕緊擇地安營卽行嚴陣出隊臣偵

探賊勢雖衆其中長毛真賊不過三分之一餘
皆裏脅土匪臣所帶練勇人雖不多磨厲以須
似尙可用現聞將軍善祿在該州南門外安營
臣當晤商一切奏入

上諭曰該逆分股過河仍復占踞臨清意圖牽掣我兵
逞其逆燄昨有旨催善祿往北緊追今觀汝奏欲與
伊會商朕恐汝留下善祿或善祿亦藉詞不進則斷

不可汝所帶練勇既可自信足敷剿辦李湘棻能否得力著隨便奏聞斷不准因係本省大紳稍有回護賊情變幻靡常此數日又不知若何情形若臨清勢緩汝仍應迅往北來夾擊爲是不可託故觀望

同日前漕運總督李湘棻奏言 臣統帶兵勇往援徐州茲據探賊匪已陸續紮筏渡河北竄 臣聞信之餘萬分焦灼因思此股賊匪意在救援

北困之賊山東重兵全在北路南路實形空虛
與其由徐州尾追不及莫若徑趨濟兗一帶抄
出賊前迎頭勦擊臣共帶兵勇一千二百餘名
雖兵力稍單而當萬分喫緊之際自當力籌堵
勦現在分起前進激勵將士誓掃賊氛冀稍分
聖主南顧之憂奏入

上諭曰汝以革任大員猶單銜奏事並未有與賊接仗

迫不可緩之勢殊屬妄爲李湘棻著降爲三品頂戴
伊若奮勉出力朕必格外加恩若遇賊接仗大獲全
勝方准專摺具奏

初八日丁未載齡奏言臣體察現在形勢南來賊

匪旣竄至清河縣屬之小灘地方係在保定府
迪南而阜城之賊又未殲除訊據獲賊供稱賊
匪因東邊有水北邊有兵欲圖西竄等語是涿

州最爲近畿要隘臣擬將原帶官兵一千名擇
精壯者數百帶赴涿州駐紮至固安縣現在河
水漫溢似覺不甚喫重惟逆匪狡獪恐我兵全
赴西路卽乘虛竄入固安應請

旨飭下侍郎文瑞卽赴固安管帶阿彥達所留官兵駐
紮防堵方爲周密臣俟文瑞到固安後卽行帶
兵起程奏入

上命軍機大臣傳諭載齡曰涿州雖有烏爾棍泰帶兵
在彼駐紮深恐未能得力載齡自應親赴該處以資
防守該侍郎俟文瑞到營迅卽移營涿州未起程以
前所有涿州等處防堵事宜仍著載齡隨時妥籌嚴
密布置並飭烏爾棍泰認真防範毋得稍涉大意

上諭內閣曰刑部侍郎文瑞著俟病痊銷假後卽行馳
赴載齡軍營

同日百勝王夢齡奏言據探逃回永城逆匪約
有二千餘人意欲仍歸六安於二月二十七日
行抵潁州東南之迴溜集該處有沙河一道被
團練兵勇在南岸截擊不得過渡經袁甲三帶
兵馳往可期南北夾攻等情查此次逆匪由六
安竄出自正陽關潁上蒙城永城夏邑直抵徐
境沿途並無堵禦臣等屢獲奸細供稱逆匪自

六安起程係分三起行走迨抵徐後陸續踵至併爲一起現在欲杜續竄之賊必須在六安正北之霍邱縣又東北之正陽關派撥重兵扼堵庶該逆無路可越應請

飭派大員迅速帶兵前赴霍邱縣及正陽關扼要防守嚴遏來路實於大局有裨

同日袁甲三奏言臣前因北竄逆匪追剿不及

奏明折回南路行抵睢溪口據探渡河餘匪另
有一股自碭山境內之定國寺竄出經該縣督
同團練殲斃數百人餘匪約有二千仍向永城
一路竄去旋探該逆已至永城之丁陳集該處
西通歸德之路有徐廣縉布置堵禦諒亦不敢
窺伺若向西南而去距河南之鹿邑安徽之亳
州太和均在二百里內外查由永城至潁州府

數百里平原無險可扼惟有府城外沙河一道
尙可據以爲險當卽飛飭潁州府並飛諭該處
團練於沿河兩岸嚴密防禦但能攔住一二日
臣卽可以趕到旋探該逆於二月二十七日分
爲兩股一撲迴溜集一撲劉伶口乘北岸兵勇
不及兼顧搶船搭橋兩股合一卽時擁渡盤踞
南岸二十九日全數下竄我兵趕追三十餘里

該逆豫有奸細自下游備船接濟揚帆直下已
抵正陽關一過正陽卽係六安本爲該逆占踞
萬難追勦 臣所派兵勇回至大營現飭派駐壽
州之參將劉玉豹及該州金光錫極力防禦以
現在情形而論非調精兵三四千督以重臣恐
南北之關鍵已失卽令廬城克復其患仍無底
止應請

速派大員帶兵移紮或

飭令和春福濟等迅速布置臣拜摺後卽馳赴王市集

就近查看情形如可留兵勦辦臣卽折回宿州

均奏入

上命軍機大臣傳諭百勝王夢齡曰逆匪竄入徐境該紳士等挑選民勇竭力扼防並隨同官兵堵禦追勦俾蕭碭縣城得以保衛尙屬奮勉著百勝王夢齡擇

其尤爲出力者酌請獎敘至該地方文武員弁本有
守禦之責乃任賊偷渡黃河不能堵截已屬罪有應
得惟念守禦縣城尙無疏虞姑免置議著百勝等督
率兵勇紳民將南來逆匪實力防勦毋令續有偷渡

上又命軍機大臣傳諭袁甲三曰據百勝等奏永城賊
匪在潁州迴溜集地方被民勇截擊不能竄回六安
並有經袁甲三帶兵馳往之語現在廬州迤北逆匪

土匪充斥紛擾秦定三在西北一帶堵截未能專顧
徐州百勝等又不能離城遠出該處帶兵大員僅止
袁甲三一人袁甲三所帶兵勇爲數不少豈可株守
宿州不爲進剿之計正陽關一帶雖有劉玉豹撥兵
駐守其六安迤北之霍邱縣亦爲南賊北竄要路和
春等但知圍一廬州固難辭咎然北路不能兼顧亦
係實情袁甲三若仍專駐宿州則潁亳歸陳一帶將

聽匪黨橫行置之不問耶著卽督現帶兵勇趕緊勦
辦務將廬州北路賊匪悉數掃除並嚴杜逆賊自六
安一帶續來之路與河南防勦兵勇合力兜截壽州
臨淮兩處防兵應如何移緩就急以勦爲防之處著
和春福濟妥籌酌撥

同日善祿崇恩奏言逆匪圍攻臨清州城自初
次接仗後卽將南門外街巷民房全行占踞晝

夜對城轟擊東西兩面亦復如是到處豎立雲梯捨死攀上經守城員弁兵丁轟擊斃賊無算該逆於南門甕城下暗設地雷初五日卯刻轟陷月城及外城樓一座乘隙吶喊搶登兩旁兵丁奮力攻殺殲斃賊匪數百名隨將轟塌月城趕用木柵堆土攔護適臣善祿統兵繞至北城與臣崇恩趕緊設法協同會剿並聞勝保張亮

基均各分路帶兵前來晨夕可到臨清臣等惟有勉保危城力杜匪蹤北竄奏入報

初九日戊申僧格林沁奏言查阜城現已周圍挑

挖長濠各營官兵尙足堵禦臣前聞南匪勢甚猖獗恐勝保善祿不能遏其北犯易州紫荆關一帶爲至要之地原擬探得警報卽先其所急

直前橫截現在勝保張亮基等計期均可趕赴
臨清臣自當在阜城大營迅速奏功不敢稍事
延宕其雙禧等所帶官兵可否飭令前赴易州
紫荆關擇要屯紮伏候

聖裁

同日勝保奏言臣催督官兵於初六日至清河
縣屬之油坊鎮地方距臨清三十餘里探聞賊

衆約有二三萬人粵匪數不盈萬另有潰勇四五千人投入逆黨係李三開爲首餘皆安徽捻匪被粵匪邀結而來此股賊匪自豐工渡河分三股北竄至張秋合爲一股疾趨千餘里屢陷城池衆至數萬聲言救援阜城賊匪統計臣及善祿所帶馬步官兵僅及萬人現因善祿桂齡等所帶馬步隊俱紮東岸恐西岸空虛已先行

派撥馬隊三百名趕赴臨清西岸防賊西竄查
臨清州爲南北衝要亟宜乘其全股蟻聚之時
重兵合剿以期聚殲 臣卽刻齊隊馳赴臨清或
渡河會合剿辦或卽在河西攻奪浮橋遏賊向
西竄路臨時再行相度地勢辦理現在西岸道
路紛歧在在緊要此股賊匪一經大兵攻剿勢
必窮而思竄 臣所帶馬隊僅二千餘名不敷追

勦應請

飭下僧格林沁於多爾濟那木凱馬隊到阜城時或派
德勒克色楞帶馬隊千名或派明慶烏凌額帶
馬隊千名飛速前來以資勦辦均奏入

上命軍機大臣傳諭僧格林沁曰南來逆匪大股盤踞
臨清州城外衆已數萬該州爲南北水陸要衝雖經
善祿崇恩竭力守禦深恐兵力單薄不敷勦辦已諭

令勝保統兵進剿惟勝保所帶馬隊僅二千餘名著
僧格林沁迅由阜城大營內挑撥馬隊一千名卽日
交德勒克色楞統領前往勝保軍營以資勦辦至所
請移兵易州紫荆關之處原爲擇要駐守起見但以
現在軍情而論阜城餘寇未能殲滅而東境逆勢方
張自應扼守來路可期以防爲勦所有雙禧穆輅原
帶官兵二千名著仍遵前旨於保定迤南一帶扼要

布置旣可固省垣根本兼可爲勝保後路聲援但能
於前路堵截則西北易州一路自可無虞該大臣勦
辦此股逆賊究竟何日可以蕙事應如何設法智取
爲掃穴揜渠之計著卽趕緊籌策毋再遷延玩誤

上又命軍機大臣傳諭勝保曰逆匪攻擾臨清州城情
形甚屬危急桂齡善祿會攻賊巢殲斃多名該逆仍
堅匿不出州城尙未解圍勝保刻下亦必馳抵臨清

卽著與善祿等設法分路勦辦並與張亮基崇恩妥籌內外夾擊務將此股逆匪趕緊殲擒勿令奔突大名等處更滋蔓延現在涿州一帶防堵亦關緊要多爾濟那木凱所帶察哈爾馬隊未便遽行撥赴阜城惟勝保勦辦賊匪正在喫緊之際已諭知僧格林沁飭令德勒克色楞迅帶精銳馬隊一千名馳往該大臣軍營並令雙禧穆輅帶兵二千駐紮保定池南防

賊北竄著勝保酌量情形相機調遣扼要布置一面
咨催德勒克色楞所帶馬隊一面就現有兵勇極力
截擊毋得專俟該貝子馬隊兵到始行進剿致有貽
誤

同日

上命軍機大臣傳諭和春福濟曰穎亳一帶土匪蠶起
永城逆匪雖已由正陽關奪船回竄六安等處難保

其不去而復來和春等圍攻廬州固應迅圖克復但
逆匪西繞六安乘機紛竄處處可以北犯大兵全力
專注廬州而正陽關門戶洞開僅恃劉玉豹千餘兵
勇豈能堵遏況和春等連日奏報並無圍攻之策不
過賊出與之接仗賊歸卽計無所出大軍全駐東南
正陽關一路任賊往來紛紛北竄總不肯遽爲抽撥
貽誤之罪其何能辭朕以皖省全局委之和春等並

非專令株守廬州也本日已諭袁甲三由宿州進駐
臨淮扼廬州東北之衝其西北一帶壽州霍邱正陽
關等處卽著和春等添撥兵勇飭令秦定三管帶扼
要防勦秦定三抵正陽關後或應進攻六安或應沿
河迎勦以分廬州賊勢並杜逆匪北竄之路均著隨
時審度機宜向前截擊亦非令其專事防堵避難就
易若逆匪再由西面繞越北來秦定三不能以勦爲

防朕必重治其罪

上又命軍機大臣傳諭袁甲三曰昨據袁甲三奏請派大員帶兵駐紮正陽關本日已諭知和春福濟令秦定三帶兵前往現在永城敗竄賊匪已由正陽關南竄六安袁甲三追剿不及仍欲折回宿州該州爲徐亳適中之地而臨淮爲前路要隘必須兼顧今正陽關一帶有秦定三扼守可以杜賊竄突穎亳之路惟

臨淮要隘僅有吉連等在彼防堵兵力尙單著袁甲
三卽帶得力兵勇迅速前往扼守臨淮督同該處防
兵遏賊北竄儻有土匪勾結滋擾仍隨時派兵勦辦
並可與秦定三劉玉豹聯絡聲勢俾廬州賊匪不敢
北窺如賊由鳳陽左右分股渡河或擾及定遠均惟
袁甲三是問該給事中仍須統籌全局不得株守臨
淮幸賊蹤尙未及關謂可塞責也

初十日酉己載齡奏言查涿州固安爲京畿要隘

理宜嚴密設防固安留兵二百餘名尙形單弱
臣已將所帶官兵除酌帶六百八十名移赴涿
州外其餘兵丁三百名俱留駐固安足資防守
易州尙屬空虛不得不早爲防備擬將良鄉官
兵令珠勒亨管帶馳赴易州擇要駐紮其黃村
官兵令都爾通阿帶赴良鄉防堵奏入

上命軍機大臣傳諭載齡曰昨據僧格林沁奏請移兵
紫荊關一帶扼守山路當以阜城餘匪未淨臨清賊
勢方張不得以有用之兵置之無用之地仍令雙禧
穆輅帶兵赴保定迤南扼要布置聽候勝保調遣以
勦爲防如能遏其來路則易州一帶自可無虞載齡
請令珠勒亨駐紮易州之處著卽無庸前往良鄉一
路又添都爾通阿之兵亦可與固安互相策應著嚴

飭該員等加意防範不准稍有疏懈本日復諭恆春將綏遠城備調駐防官兵一千名調赴紫荊關一帶駐紮如該處情形喫緊亦可就近調遣

上又命軍機大臣傳諭恆春日綏遠城官兵一千名前准該撫調赴省城此時晉豫交界防勦情形較緩著卽派赴紫荊關一帶扼要駐紮聽候調遣

同日百勝王夢齡奏言據探六安被匪占踞該

處無兵堵禦恐復乘虛北趨臣等敢不竭力布
置惟徐州祇留有大同兵九百名又鎮標兵二
百六十七名內除派赴豐碭防守黃河北岸兵
六百名又派防包家樓碭山等處兵四百名郡
城僅存官兵一百六十七名練勇一千餘名所
有前留民勇一千二百名訓練尙未純熟前調
秦定三及各路援徐之兵均未接有來徐文報

前漕臣李湘棻帶兵行至宿遷因聞東省緊急
又改赴濟甯一帶援勦臣等惟有帶領現存兵
勇在徐城以西之九堡地方夾岸分守並在附
近各處設險布伏不使賊匪紛趨一面曉諭團
練按段巡邏以助聲勢再豐碭二縣所轄之黃
河北岸綿長百餘里刻下僅有大同兵六百名
不敷防守應請

欽派山東按察使厲恩官帶兵移紮豐碭黃河北岸萬
一厲恩官及秦定三均赴別處進剿未克前來
臣等當另籌添撥以資防剿奏入

上命軍機大臣傳諭百勝王夢齡曰據奏現籌防禦情
形仍以兵力不足爲詞並因秦定三援師未到請飭
厲恩官移紮豐碭黃河北岸徐州爲江南重鎮南北
要衝自應嚴密防範而欲固徐州之藩籬尤必斷皖

匪之來路昨令秦定三帶兵與劉玉豹扼守正陽關
袁甲三進紮臨淮東西兩路力遏賊鋒則徐州一帶
亦可藉資保障此時厲恩官已折回山東隨同張亮
基勦辦臨清竄匪李湘棻亦帶兵勇在曹沂等屬勦
辦土匪百勝等仍著督飭現有兵勇夾岸分布並諄
諭鄉團一體巡緝勿稍鬆懈張亮基前請調回參將
安勇等原帶兗曹各營官兵一千名已令琦善飭令

迅速回東如此項官兵過徐或可暫留協防之處著
百勝王夢齡酌量辦理毋得一意株待致皖匪陸續
偷渡亦不得因徐州前路有秦定三袁甲三等帶兵
堵截轉於徐境遂不設備也

十一日庚戌勝保奏言臣於初七日行抵臨清卽

親赴河東相度地勢州城東西南三關地面均
爲賊踞賊衆約三四萬當與善祿商定乘勢合

力進攻該逆大股蠡擁而出我兵俟其撲近開
放連環槍礮賊衆紛紛倒地馬步官兵直前截
殺立斃賊二三百名賊始敗入村內兵勇連拋
火彈延燒村屋賊冒煙突出復經兵勇擊殺百
餘名我兵連日趨程喘息未定力戰多時方始
收隊獲賊及逃出難民僉供賊意亟欲援救阜
城儻不能直達阜城亦欲由他道北犯等語臨

清地勢三面運河環抱西南又有漳河可通大名臣所帶之兵分撥東西兩岸每處馬隊不過千餘名步隊二三千名僅能遏賊由東西兩岸北竄之路而漳河以南尚不能分兵兼顧現在城外東西南三面關廂俱爲賊踞非有官兵四五萬不能合圍查善祿張亮基所帶兵勇俱有數千本云迎頭截殺詎意賊匪未到臨清以前

俱未遇賊接仗以致州城被圍城外關廂賊得
踞爲巢穴幸臣現已趕到州城或可無虞茲撥
出官兵四百餘名設法令其入城助守一面飛
催張亮基卽日移營前進與臣會商辦理應請
旨速行添調官兵來東助剿庶兵力厚集易於奏功

勝保又奏言接據德勒克色楞初六日函稱僧
格林沁擬卽親帶官兵南下堵禦其阜城之賊

集賢堂卷之十四
三十一
奏留德勒克色楞及慶祺瑞麟在彼防其北竄
等語伏思臣分兵南向之時已慮阜城之賊伺
隙而竄恃有僧格林沁及達洪阿在彼可以相
機勦辦今若帶兵前來阜城甚覺空虛臣以爲
萬不可行應請

旨速飭僧格林沁無論起程與否必須仍駐阜城力圖
圍剿奏入

上命軍機大臣傳諭勝保曰逆匪竄擾臨清現在城外
東西南三面關廂俱爲賊踞匪衆雖至三四萬其中
多係裹脅之人勝保請多調官兵圍剿現在阜城之
兵剿辦正當喫緊難再調撥前諭桂明帶兵二千餘
名徑赴直隸並諭恆春迅撥澤潞防兵一千名赴大
名一帶著該大臣迅速迎提張殿元是否已抵大名
並著飛催前進所有桂明張殿元之兵均歸該大臣

酌量調遣至僧格林沁欲親帶官兵迎勦本無如此
辦法前已諭令仍駐阜城一俟埽穴擒渠卽可與勝
保合軍勦辦南來之賊若臨清逆匪乘間竄越直境
朕惟勝保是問逆匪雖恃衆猖獗斷不可先存畏難
之見務當督飭善祿張亮基等迅速進攻勿令負嵎
久踞及分股北竄致干重罪善祿張亮基先後由景
州阜城督兵迎勦何以於賊未到臨清以前俱未遇

賊接仗以致州城被圍城外關廂賊得踞爲巢穴著
勝保確切查明如有遷延觀望情事卽著據實嚴叅
上又命軍機大臣傳諭僧格林沁曰此股南來逆匪意
在援應阜城並有繞道北犯之意必須於前路厚集
兵力遏其兇鋒著僧格林沁卽飭德勒克色楞剋日
督帶馬隊一千名前往勝保軍營毋稍遲誤阜城距
臨清甚近該大臣惟當趕緊設法籌攻迅圖蕝事如

臨清之賊北竄惟勝保是問如阜城仍不能卽日克復以致賊匪突圍而出又滋蔓延惟僧格林沁是問上又命軍機大臣傳諭桂良曰南來逆匪已竄至臨清城外該州爲南北衝途三面濱臨運河其漳河一路可達大名現獲奸細訊供有逆匪若未能直援阜城便有繞道北犯之說直東接壤處處可通而大名尤爲扼要張殿元達年等是否趕到著該督迅卽嚴飭

該署提督等與地方文武於要隘處所嚴密設防加
意堵截其武邑防守事宜亦須先期布置務臻周密

欽定勦平粵匪方略卷八十五 甲寅年

三月十二日辛亥張亮基奏言臣馳抵臨清後以

練勇初到利在速戰探知東南賊衆多歸黑冢莊屯聚若以奇兵掩其不備醜類必力不能支三月初七日夜間派兵分道齊出直攻黑冢莊並選敢死之士豫於莊外埋伏該逆猝不及防登時驚擾擊斃及焚燒者無數轉至東城該逆

集異聞八四卷之三
一
恃衆抗拒我兵開礮轟擊旋將木城轟燬礮斃
逆匪多名天明收隊回營據逃出難民供稱黑
家莊至礮臺等處屍骸枕藉約計二千有餘臣
仍卽續行出隊駐營八里莊逼近賊壘以期迅
掃妖氛

張亮基又奏言逆匪自張秋鎮竄陷陽穀後經
由之莘縣冠縣亦相繼失守朝城縣土匪肆擾

乘閒進城焚燒衙署曹屬土匪四起有先攻濮
州再攻曹州府城之謠臣現在進駐臨清八里
莊勢難分兵前往惟飭該府縣先行多雇民勇
盡力勦捕一俟逆匪肅清臣卽分兵勦辦惟逆
匪闌入東境連陷城池臣防勦不力實難辭咎
仰懇

天恩將臣交部嚴加議處奏入

上命軍機大臣傳諭張亮基曰逆匪圍踞臨清東西南
三面衆至三四萬雖經勦殺多名兇鋒仍未大挫該
撫但當專意進攻與善祿等併力兜勦一切機宜隨
時咨報勝保妥籌商辦張亮基身任封疆屬境城池
疊遭蹂躪罪實難辭本日明降諭旨僅將該撫交部
議處應如何激發天良知感知奮盡力勦賊稍贖前
愆若但以土匪肆擾爲詞希圖避難就易或將臨清

逆匪驅入直境遂謂本省無事朕必將張亮基從重
治罪決不寬貸

上諭內閣曰張亮基身任封疆於逆匪竄入東境未能
先事籌防本屬罪有應得惟此次遇賊接仗獲勝尙
知愧奮著加恩交部議處以示薄懲

十三日壬子僧格林沁奏言查阜城之賊自獨流

靜海竄出經臣屢次痛加勦洗斃賊萬餘現雖

困蹶阜城該逆百戰之餘狡猾異常臣前與勝
保合力勦辦統計馬步官兵三萬有奇未能剋
期蕝事不意南賊復至勢不能分兵堵截計
先後撥兵一萬二千餘名兵分勢單地方遼闊
堵禦頗形喫力數日以來連次極力進攻未能
偏近賊巢屢蒙

嚴諭切責惶恐無地臣受

恩深重何敢有心遷延實因無能以致仰勞
聖慮惟有仰懇

皇上天恩將臣從重治罪奏入

上命軍機大臣傳諭僧格林沁曰阜城逆賊窮蹙餘生
即使堅匿死拒亦何至兼旬累月無計可施朕若欲
加僧格林沁以罪原不難立降嚴旨所以屢次訓諭
不卽加罪尙冀該大臣知感知奮迅速圖功乃此次

忽以自請從重治罪等詞搪塞入奏豈謂有此一奏
便可卸責耶朕於該大臣倚任不爲不專相待不爲
不恕一切辦理遲緩之處朕總詳細指示不肯遽加
嚴譴該大臣乃稱非敢有心遷延實因無能所致試
思有心遷延應得何罪該大臣豈能當之卽此無能
二字已不應出之於口如各路統兵大臣人人皆以
無能請罪國事孔艱更有何人可任該大臣素性質

直乃亦效此虛文殊不可解如果視朕疊次嚴旨爲具文故意遷延不能迅克阜城朕自能按律治罪不待僧格林沁之奏請也

同日勝保奏言連日探知臨清城內糧草槍礮甚多惟兵勇僅有二千環攻之賊不下數萬臣挑派得力兵勇五百餘名由北門進城協守現在賊勢方盛總以計出萬全爲主而大局攸關

又不敢顧此失彼此時權衡輕重自以扼賊北
竄爲要臣紮營之地正當賊衝東北一帶有善
祿在彼諒亦可以無虞東面則巡撫張亮基駐
兵堵禦其能禦與否尙未可知惟有竭力設法
認真攻擊以期早就殲除現在馬隊無多不敷
調遣仍乞

皇上飭撥馬隊官兵千餘名迅速來營以資扼截查臨

清地面四通八達臣遏其西北萬一該逆繞竄
正西則數十里卽入大名府境東面又可直達
天津皆當豫爲防範官兵營盤中隔運河漳河
未免聲勢稍阻現已於運河搭造浮橋如賊由
東竄則西岸馬隊可以渡河追勦賊由西竄則
東岸馬隊亦如之惟聞大江南北逆黨尙多儻
再分股由故道渡河北竄則兼顧愈難臣愚昧

之見似應於汴梁省城並徐州豐工地方添設
重兵控制勿令賊蹤再有竄出俾臣得以專力
籌辦迅掃寇氛奏入

上命軍機大臣傳諭勝保曰賊匪攻撲臨清守城兵勇
單弱勝保當一面就現有兵勇設法攻擊一面嚴催
桂明所帶官兵並澤潞防兵迅卽前來酌量調遣張
亮基所帶練勇二千應歸何員管帶著勝保酌度派

撥藉資協勦河北鎮總兵花里雅遜布所帶官兵是
否可以檄調助勦著該大臣酌量調遣至前請添調
馬隊早經諭令德勒克色楞統帶精銳一千名前往
臨清計期亦應趕到所有各路官兵統歸勝保節制
崇恩現已授爲巡撫正當力籌保衛州城埽除此股
賊匪以報厚恩著該大臣傳旨諭知該撫合力同心
內外夾擊一併與桂明張殿元歸該大臣節制卽統

籌南北大局該大臣見解所到不妨遇便奏聞

上又命軍機大臣傳諭和春福濟曰賊匪全股竄踞臨清州城外多至三四萬人雖經勝保帶兵趕到而逆燄方張阜城餘寇仍復負隅死守爲今之計總以嚴扼北路關隘爲第一要著卽著和春福濟通籌熟計應於何路分兵扼剿以挫賊氛並如何兼顧廬州力籌攻克以及六安霍邱西北一帶作何布置務卽趕

緊相機籌辦此時固當攻克廬州爲要然權其緩急
輕重嚴防北路尤爲要著卽使廬州剋日收復而大
股賊匪紛紛北竄伊于胡底和春職司統領福濟身
任封疆數月以來勦辦迄無成效儻再不能遏賊北
竄或仍令南賊占踞如常朕惟有執法從事決不寬
貸

上又命軍機大臣傳諭舒倫保王慶雲曰本日據勝保

奏請於汴梁添駐重兵所籌誠爲要著但就河南情形而論斷無可以添調之兵若將舒倫保防守潼關之兵移至豫省駐紮黃河南岸較爲近便於歸德徐州等處均可援應但舒倫保出境之後距陝較遠副都統常亮雙成又皆在軍營西安駐防官兵事務並無大員督辦且湖北復有大股賊船竄踞孝感縣屬之龍官廟紅鸞渡一帶肆掠雖去潼關尙遠而商雒

等處均與湖北毗連舒倫保能否分身亦難懸揣著
舒倫保王慶雲卽行妥商陝西防堵如何布置但有
可靠之人總以分兵赴豫策應爲要

勝保又奏言遵查山東巡撫張亮基人似有才
心存巧猾當賊竄東境時該撫於二月十八日
由德州起程迎勦紆折回省又由齊河赴濟甯
繞赴東平聞賊至臨清遷延不進迫行抵王家

集地方距臨清僅二十里又復耽延數日當賊
蹤甫入東境該撫與善祿若能迅速前進何至
臨清被圍城外三面關廂皆爲賊踞該撫旣未
移營前進咨令前來會商又不肯來不解是何
意見崇恩因城守太單向該撫請撥練勇入城
助守該撫雖已允許至今並未分撥一若舉守
城勦賊之事盡以委之於臣推諉取巧莫此爲

甚況賊自豐工渡河以後凡所竄擾地方皆屬
山東境內其爲平日毫無防範已可概見該撫
聲稱進攻黑家莊傳知善祿派兵接應其實善
祿營盤相距十數里之遙該撫明知善祿鞭長
莫及故作此言以相誇示因於初七日夜向東
面無賊村莊開放連環槍礮復用火焚燒空村
揚言攻奪以爲粉飾彌縫地步巡撫大員居心

若此惟有不避嫌怨據實直陳奏入

上諭內閣曰張亮基前由雲南巡撫調任湖南適聞賊竄長沙卽奏請防守常德擁兵折回舉動乖方不知緩急嗣經嚴飭赴省保守城池並辦理湖南湖北善後事宜尙有頭緒是以於署湖廣總督任內調任山東巡撫行抵河南卽以山東兵餉匱乏等詞入奏豫占地步朕已知其居心巧詐當經硃批訓飭該員應

如何愧奮固守疆圻乃賊匪竄入東境疊陷各城以致臨清被圍重煩兵力猶不知趕赴城下與善祿崇恩內外夾擊由德州紆折回省繞道東平遷延不進至臨清後紮營八里莊距城遙遠經勝保咨商該員仍不移營前進亦不肯分撥練勇爲崇恩守城之助推諉取巧已堪痛恨復向黑家莊無賊地方空放槍礮縱火焚燒閒房捏稱殺賊二千餘名冒功陳奏不

知是何肺腑敢肆欺罔若將其卽行正法亦屬罪所
應得姑念其平日尙能辦理地方公事張亮基前已
革職留任著卽革職發往軍臺效力贖罪卽交勝保
派員押解起程不必再留軍營

同日台湧奏言查荊州現在無賊而德安附近
一帶則逐處皆賊省城聲息梗阻難通雲夢應
城兩處股匪經兵勇疊次勦敗後退竄出湖總

於湏口要隘上下盤旋另股滋擾孝感縣屬李家灣等處經佈克慎移兵往剿該匪聞風卽退忽於三月初二日大股賊船四五百隻自漢口連帆駛上在該縣龍宮廟紅鸞渡一帶登岸大肆焚掠佈克慎督兵迎頭堵截現尙相持俟將此等大股逆匪剿退再爲進攻漢陽漢口之計同日略秉章鮑起豹奏言探得逆船自被省城

兵勇擊退後陸續竄至湘陰經大兵前往追截賊卽下竄隨於二月二十三日收復岳州郡城詎鹿角等處賊船數百隻驟至城下正欲爬城弁兵登陴守禦一面派勇出城攻勦該匪遂各上船逃逸仍由洞庭下竄探聞賊船已赴荆河口以下現在岳州雖復逆氛未靖仍須加意嚴防且新祥一帶及北省之崇陽通城通山興國

大冶等州縣土匪四起偏近岳州府屬之巴陵
平江臨湘等縣難保不勾結滋擾業已札飭王
龔等督帶練勇駐紮該郡就近勦辦至下竄之
賊船自須乘勝疾追滅此朝食現經曾國藩親
帶水陸兵勇於二十八日由省起程督師東下
當可指日蕩平均奏入

上命軍機大臣傳諭台湧曰江北雲夢應城兩處賊匪

經台湧壘次勦敗退竄出湖惟孝感縣屬又有賊船
闌入著該督卽就現有兵勇迅速相機迎勦堵賊竄
路其潰口要隘往來逆船仍須及早勦洗將此股逆
匪掃除淨盡以次攻克漢口漢陽其竄往湖南賊衆
據駱秉章等奏報節次截勦獲勝收復岳州府城惟
該逆全數由洞庭下竄則鄂省大江南北均形喫重
曾國藩統帶舟師自長沙起程跟蹤追勦自可扼賊

後路並著台湧派員迎催爲肅清江面之計目下江路阻隔能否設法疏通與省城聯絡聲勢並著相機籌辦上游荆襄一帶仍應嚴密籌防勿致顧此失彼該督統轄全省惟當隨事酌度緩急妥速辦理仍與駱秉章曾國藩等互爲聲援勿令由岳州下竄逆蹤再滋延蔓

十四日

癸丑

桂良奏言

臣前奉

諭旨以大名係入直門戶著飭張殿元迅往扼截遵卽
飛咨星夜前往並臣先派之副將達年俱經馳
抵大名查大名地在臨清以南有漳河一路相
通難保該匪不乘閒折回固當扼要防守至臨
清西面係廣平府屬之清河威縣較之大名尤
爲切近更不可不豫爲之防穆輅雙禧所帶官
兵二千名現在甫過省城駐紮尙無定所可否

卽以此項官兵就近在清河威縣一帶擇要防
勦伏候

命下臣卽飛咨穆輅等遵照前往俾臨清西面足資堵
禦似覺更爲周密現據開州知州劉煦及署提
督張殿元拏獲奸匪均有催令後起賊匪由蘭
儀渡河之供已於三月初九日札派副將達年
先行帶兵七百名前往開州東明一帶堵禦該

署提督駐紮大名以防臨清之賊回竄奏入

上命軍機大臣傳諭桂良曰張殿元已在大名達年已
赴開州東明一路防堵著嚴飭該員等相機勦辦不
得以有用之兵置之無用之地總期以勦爲防毋許
一味株守至清河威縣一帶卽係臨清西面甚關緊
要所有穆輅雙禧統帶官兵二千名卽著飭令駐紮
該處擇要設防旣可爲勝保後路聲援卽可杜賊匪

北竄不准觀望遷延軍情變幻靡常該督務飭文武
員弁妥籌布置勤加偵探仍著隨時與僧格林沁勝
保等互相知照以期聲勢聯絡

上又命軍機大臣傳諭王履謙長臻楊以增英桂曰河
南山東等省辦理防堵以扼守黃河爲第一要著長
臻楊以增皆職任河督王履謙係奉旨派辦防河大
員英桂統轄豫省於河南境內口岸處所均應實力

巡緝現在南來之賊攻擾臨清若從前豐工下游撥
兵扼守何至任賊渡黃肆行奔竄本日據桂良奏開
州拏獲奸匪及署提督張殿元所報均有賊目催令
安徽後起賊匪由蘭儀渡河北犯之說著王履謙長
臻英桂等嚴飭地方河工文武梭織巡邏力加堵截
楊以增近在清河亦應一體緝捕儻再令匪蹤北犯
朕必將王履謙等從重治罪

上又命軍機大臣傳諭舒倫保王慶雲曰據桂良奏開
州拏獲奸細及署提督張殿元所報均有賊目催令
安徽後起賊匪由蘭儀渡河北犯之說河岸防禦關
繫匪輕儻皖楚賊匪闖入豫省而潼關之兵始行出
境堵截仍恐緩不濟急著舒倫保卽行帶兵馳赴豫
省於黃河南岸擇要駐紮實力防守如有南來匪徒
冀圖渡河北竄卽行督兵截擊並與王履謙長臻英

桂等隨時知照以期聲勢聯絡毋稍大意至商維等處與湖北毗連應如何派兵防堵之處卽著王慶雲妥籌辦理

同日署青州副都統載岱奏言臣自抵青任事後探聞副都統常清帶領青州滿營官兵現屯安徽廬州岡子集置之無用之地殊爲可惜又值逆匪繞越已入東境臨清一帶常清旣不能

奮力進剿何若調回本省在濟南一帶扼要防堵比在他省較爲得力臣現於青州滿營餘兵閒散內連日揀選精壯者五百名訓練而月可資戰守奏入

上命軍機大臣傳諭載岱曰南來賊匪竄擾臨清一帶自應嚴密防範惟黃河兩岸正在防剿喫緊之際此項兵丁未能撤回該署副都統於青州駐防餘兵閒

散內揀選精壯五百名訓練可期得力著卽將存營
兵丁勤加操演或再多選餘丁練習技藝以資捍衛
上又命軍機大臣傳諭和春福濟曰青州駐防官兵素
稱勁旅如果調遣合宜攻剿可資得力所有副都統
常清帶領前赴安徽之青州官兵現在駐紮何處是
否實係扼要地方此時黃河兩岸正在防剿喫緊之
際自未便遽行撤回若將此項兵丁派赴要隘處所

庶可遏賊紛竄本日已諭令楊以增等於黃河兩岸嚴行防範或卽派常清統帶青州兵屯紮河岸杜賊續行竄逸之路亦爲要著著該提督等熟籌妥辦勿以有用之兵置之無用之地

同日張亮基奏言臣前次擊賊獲勝三月初九日復整隊出擊進至東南沙灘遙見隄後賊幟如林經臣傳令嚴陣設法誘敵逆衆旋自隄東

襲我後隊兵勇轉陣開礮迎擊彼此相持數刻
竊料逆眾巢穴空虛或可乘機直搗乃我之前
隊先趨賊之後隊大至我軍復用槍礮環攻並
以刀矛進刺賊恃眾撲來旋壓旋上臣激勵將
士極力壓下委員陳韜奮勇薄賊手刺執旗賊
目一名賊始紛紛退去我軍乘勢掩殺斬擒無
算生擒偽總制曹城等五名約計此役斃賊千

餘名大挫兇鋒連日善祿崇恩亦一律出隊該
逆首尾不顧攻城稍緩又經崇恩向勝保處借
撥兵勇數百名入城幫同守護稍可放心所有
在事尤爲出力人員容臣覈明另行請獎奏入
上命軍機大臣傳諭勝保善祿崇恩曰據張亮基奏派
委陳韜等整隊出擊斃賊千餘所奏是否飾詞欺罔
希圖掩過邀功著勝保善祿崇恩迅卽查明據實具

奏行軍之道首貴賞罰嚴明旣據稱殺賊千餘名且
兵勇亦有陣亡受傷如果是日打仗獲勝自必共見
共聞張亮基已身獲重罪其出力員弁亦不可沒其
勞績該大臣亦毋得因有前奏稍存回護

十五日甲寅勝保奏言臣前因臨清城內守禦單

薄已撥官兵五百餘名入城協守嗣該州復以
兵力尙單稟請添撥因於所帶川勇內精選三

百名照前護送入城日來用礮向賊壘施放傷賊甚多一面又調天津大礮由運河趕緊前來較之阜城等處地勢遠近懸殊轟擊必可得手查臨清城外關廂糧食自聞賊警俱已移運入城其未及運入者已屬無多該逆數萬之衆豈能久支現在東面及西北面俱有官兵該逆無從採食惟西南空虛尙難斷其接濟然附近村

莊存糧無幾斷難供數萬人之食該逆內乏糧
食外受攻擊勢必他竄西北有威縣邱縣清河
三路賊如由西北奔竄臣與善祿尙可竭力堵
截如由東北竄向恩縣武城一路桂齡魁福等
亦尙可扼截若由西南竄向大名一路臣卽由
館陶渡河追殺較爲便捷館陶舊有浮橋一座
已飭該縣趕緊修理但恐賊蹤飄忽必得前有

迎截之兵勦辦方可得手可否則令張殿元帶
兵前進於直東交界之處扼要駐紮以便迎擊
如賊向南回竄則東昌適當其衝現聞前任漕
督李湘棻帶兵北來若令駐守東昌自爲周妥
但豐工蟠龍集地方防河最關緊要若令李湘
棻就近在彼嚴防則東昌一帶應請

飭下山東撫臣派兵駐守

勝保又奏言據開州盤獲奸細供稱賊破廬州
後由蒙城到永城夏邑旋由蟠龍集渡河攻破
山東各縣到張秋鎮後賊目派令前赴安徽催
趨後起賊匪由河南蘭儀口渡河北上現來之
賊係僞西王派來尙有僞易王僞東王派來之
賊未到等語伏查和春駐兵廬郡旣未能克復
郡城又未能遏賊北竄所擁重兵俱成無用臣

愚以爲與其置兵於無用之區郡城仍難收復
不若移兵於扼要之地賊蹤不敢北來可否

飭下和春移兵皖豫之交力遏賊氛毋令再有北竄至
所供後起賊匪由蘭儀渡河一節該處河面較
寬河流湍急旣無渡船又難紮筏該逆未必從
此渡河恐仍由豐工故道而來臣已札行徐州
鎮於蟠龍集一帶實力嚴防但恐兵力不厚難

以圖功或令李湘棻就近前往協防或卽令提督桂明將所帶之兵嚴防黃河以北速乞

聖裁奏入

上命軍機大臣傳諭勝保曰臨清城外糧米無多該逆斷難久踞東面及西北面俱有官兵扼截西南竄大名之路該大臣已飭修館陶縣浮橋以備追勦惟賊蹤飄忽靡常該處旣搭浮橋若不撥兵扼守轉恐賊

匪藉以備竄張殿元已抵大名達年在開州東明一帶堵禦雙禧穆輅所帶官兵二千名在清河威縣駐紮該大臣均可酌量緩急就近調遣桂明此時想已帶兵馳抵大名一帶澤潞之兵亦已分起出山並著飛催前進李湘蔡如已行抵東昌即可令在彼防剿以杜逆匪南竄該大臣所帶之兵雖不甚多加以雙禧穆輅桂明張殿元達年及澤潞等處官兵均歸調

遺亦不得謂之單弱惟當激勵將士迅將此股賊匪就地芟除毋令再有竄逸

上又命軍機大臣傳諭和春福濟曰前據桂良奏開州拏獲奸細及署提督張殿元所報均有賊目催令安徽後起賊匪由蘭儀渡河之說復據勝保奏賊供現來之賊係偽西王所派尙有偽易王偽東王派來之賊未到等語和春福濟駐紮廬州城外徒擁重兵城

中大股逆匪旣未能設計殲除外來奸匪又不能實力盤獲已屬罪無可追著懷遵前旨嚴遏賊匪續行北犯現在勦辦逆匪遏賊偷渡北重於南自應督兵扼守移緩就急著和春福濟分兵圍攻廬州不得任令該逆出入自由以顧全局儻逆匪續行渡黃和春等不能遏勦惟有執法從事決不寬貸

上又命軍機大臣傳諭百勝王夢齡曰前次皖匪闖入

徐境渡河竄擾山東若百勝等早能布置何至東境
又遭蹂躪黃河天塹爲南北關鍵節經嚴諭各地方
官加意防範及逆匪北來仍令偷越殊堪痛恨昨據
桂良馳奏該逆竟有催令後起各賊欲由蘭儀渡河
北犯之說本日勝保奏報情亦相同是逆黨衆多欲
謀渡黃者已非一起前經疊次諭令百勝王夢齡嚴
防陸續偷渡昨又諭令長臻王履謙楊以增英桂一

體巡緝惟賊情詭譎異常或故作此虛聲使我兵專
注蘭儀一路仍催趨後隊由豐工下游續行竄越均
屬不可不防勝保奏請防蟠龍集等處未爲無見該
處係皖匪從前經過之地著百勝等懍遵疊次諭旨
嚴飭文武官弁實力邀擊不得任令賊匪渡河又蹈
覆轍

十六日乙卯載齡奏言本月十四日據署天津道

錢忻和報稱探聞臨清失守賊匪意圖搶船來
津滄州地方回民衆多良莠不齊如能派撥弁
兵分往布置庶可有備無患等語臣已飛咨天
津河間兩府令其加意設防伏思東路防兵祇
有載堪管帶官兵五百名駐守通州兵勢甚單
西路防兵因阜城之賊未滅防堵正在喫緊未
便調撥相應請

旨飭下巡防王大臣再派官兵令大員管帶卽赴東安
抑或俟有確切信息再赴東安駐紮之處伏乞

皇上訓示遵行

同日文謙奏言臨清之賊現被大兵圍剿恐其
再圖他竄滄州靜海一帶不可不防該處居民
紛紛遷徙人心惶惑不能固守查滄州池南雖
有扼要處所惟津郡無兵可調督臣遠在省城

保定亦甚喫重天津雖係一郡之地最關緊要
可否

飭下僧格林沁就近酌撥弁兵分往滄州擇要防守惟
阜城正值攻勦喫緊或另派官兵前往之處伏
候

聖裁均奏入

上命軍機大臣傳諭載齡曰臨清逆匪意圖搶船來津

載齡所慮東路防兵單弱自係實在情形惟京營官兵萬難再行撥調著載齡與文謙隨時知照互相聯絡如天津有警或令載堪酌量移營前進相機接應載齡前奏擬駐涿州於東路聲援不無遙隔京外東西各營統歸該侍郎節制必須通盤籌畫毋致一處稍涉空虛著嚴飭各營多設偵探何路有警卽赴何路應援毋墮該逆聲東擊西奸計本日已面諭巡防

王大臣悉心妥籌果須調兵援剿屆時自能派員馳往堵禦該侍郎旣飭天津河間各郡嚴密防守仍著與僧格林沁勝保軍營聲勢聯貫毋稍疏虞

上又命軍機大臣傳諭文謙曰據奏滄州等處居民紛紛遷徙人心惶惑請飭令僧格林沁派兵前往現在阜城圍剿喫緊斷難分兵滄州爲津南門戶亦不可稍有疏忽著文謙飭令該處文武嚴密設防勸諭團

練以固衆志並著多設偵探如賊匪果有竄擾消息
文謙卽相機堵禦毋許觀望不前致有貽誤天津全
郡防守事宜朕已責成文謙督辦固不能以請兵一
奏意存推諉總兵特克慎署天津道錢忻和亦屬責
無旁貸儻文謙須往滄州等處郡城防守事宜卽責
成該鎮道等妥籌布置毋稍疏虞

上又命軍機大臣傳諭僧格林沁曰現在阜城攻勦喫

緊大兵全力注此而京營及各路防兵無可分撥該
大臣前此本有東面空虛之說如果該逆伺隙而出
憑何勦辦目下大營兵力能否酌分應如何前勦後
截該大臣豈無成算臨清東北一路雖有勝保駐兵
扼勦而西南一面與直境毗連之處仍須防其闌入
若不將阜城窮寇趕緊勦除任其勾結會合僧格林
沁自問當得何罪現在究竟如何圍攻何日可以殲

滅著僧格林沁迅卽籌辦速奏

同日李湘棻奏言臣於三月初十日行抵沂州
地方接山東撫臣張亮基咨稱賊匪已越濟甯
東昌竄至臨清境內卽尾追亦恐不及囑臣帶
領兵勇赴曹單一帶嚴防豐工北岸臣思迎勦
旣不能及而豐工堵截續來之賊尤屬緊要臣
一面飛調水路之兵徑赴徐州會同鎮臣百勝

帶兵迅往豐工南岸紮營以防皖省續竄之賊
山東臬司厲恩官帶兵二千餘名在曹州查辦
土匪若就近移兵曹單南北聯絡一氣更爲得
力奏入報

聞

十七日丙辰勝保奏言查臨清城中守禦雖嚴賊
之覬覦未絕目下城守最爲緊要臣於三月十

三日帶兵由北門入城閱視一切布置尙屬妥協至暗窰地道爲賊之慣技日前轟塌南門城樓勢甚危險現雖堵築完好仍恐該逆故智復萌臣已傳知城內刻刻嚴防城寬九里有餘統計守城兵勇二千數百名不敷分布臣所帶官兵實無可再撥惟有俟新兵到後再行分撥入城該逆屯踞城外關廂賊壘十餘處惟西北東

北兩處木壘堅固賊之精銳俱在其內必先攻
克一處方能破其詭謀十四日派隊進攻直撲
州城西北之彌陀寺甫近賊壘卽密放槍礮拋
擲火器燒其鹿角該逆傾巢出拒我兵整隊相
迎斃賊百有餘名賊衆披靡遁入壘中我兵卽
時趕到一擁而進殺賊數百名將濠內之賊盡
行燒斃其西關之賊擁出千餘奔至救護復截

殺一百餘名餘賊敗退共計殺賊一千二三百
名斬獲首級二百餘顆生擒五十餘名其東北
之林家園賊巢經善祿督兵進攻殺賊多名並
將餘賊擊回使之不能相救該逆詭譎異常連
日趕造雲梯呂公車等件極力攻城並四門暗
挖地道均經該州張積功等多方守禦幸保無
虞今受創之後或仍盤踞或圖他竄均未可定

如其窮而思竄西北一路臣以血戰當之決不
任其北犯如同竄東南或竄向西南臣仍跟蹤
追勦昨又飛催德勒克色楞帶兵速來俟其到
時擬令紮營西南河岸以防大名之路其南路
東昌一帶仍請

飭下李湘棻速行帶兵進駐以資防守伏思臣兵力雖
單然勉強維持縱未能剋日殲除或不致令該

逆大肆猖獗所虞南賊接踵渡黃必至不可收
拾查桂明所帶係陝甘官兵以之打仗本可得
力惟刻下河防緊要桂明計已行抵洛陽一帶
擬令就近帶兵前赴劉家口扼要嚴防東距蟠
龍集西距蘭儀口均不過二百餘里東西有警
俱可隨時策應其豐工包家樓蟠龍集等處仍
責成厲恩官百勝等認真防勦至張殿元之兵

應於直東交界處所駐守以便賊至迎擊就現
在情形而論似宜如此辦理軍情變幻靡定如
有遷移之處仍當酌量緩急隨時變通

同日桂良奏言查穆轅雙禧於軍務未能明晰
察其才具似難勝將領之任該員等所帶之兵
前在定興縣已有斃命毆官之案今甫出省城
又據被擾村民紛紛呈訴其爲約束無方已可

概見該員等現赴清河威縣一帶防勦既不能
管束兵丁恐督勦難期得力理合據實直陳均
奏入

上命軍機大臣傳諭勝保曰勝保奏連日進攻獲勝並
布置各路情形所稱逆匪或仍盤踞或圖他竄均係
尙無把握之詞軍情變幻靡常雖難豫定豈有全無
定見能操勝算之理逆匪之不至北犯該大臣旣以

身任之其回竄東南西南之路僅能跟蹤追剿終非
長策前據稱就地芟除自是正辦何以一經接仗又
稱縱未能剋日殲除或不致大肆猖獗直似倖其南
竄以爲勉顧目前之計甚不可解現在兵勇雲集著
勝保卽行乘勢進攻務將此股逆匪盡力殲除不准
稍延時日逆匪精銳旣屬集東北西北兩面我軍已
將西北彌陀寺賊壘全平其林家園賊勢已孤何以

善祿僅止擊賊回巢不卽揮兵深入如果兩面同時
並破則向南夾擊勢如破竹此亦該大臣力所能爲
並非朕苛於敦促也李湘棻所帶兵勇因追賊不及
已折回徐州厲恩官已由荏平折回曹州勦辦土匪
該大臣請飭李湘棻進駐東昌而以包家樓蟠龍集
等處責成厲恩官等此時難以照辦若改令厲恩官
赴東昌李湘棻顧豐工較省往返之勞兩面亦均有

裨益桂明抵洛陽後業已遵旨渡河若徑抵大名卽可與張殿元等會合西面設防之兵無須如此之多應令何人迎勦何人防守卽著該大臣迅籌撥布單縣劉家口一帶未免空虛濟甯州知州黃良楷是否可恃若令該知州先往嚴防俟舒倫保行抵河南卽飭移兵進紮亦可防賊續來之路百勝等疊有嚴旨諭令嚴扼河干諒不敢再存玩泄德勒克色楞所帶

馬隊何以至今未到著加緊嚴催不准再有延誤穆
輅雙禧不能約束兵丁致有搶劫斃命情事已將該
員等摘頂嚴議暫留勝保軍營帶罪自效所有原帶
官兵卽著該大臣另委得力大員管帶

上諭內閣曰委散秩大臣穆輅健銳營翼長雙禧管帶
京營官兵不能嚴行約束以致該兵丁等沿途騷擾
實屬大干法紀著桂良迅卽飭屬將滋事兵丁按名

提省訊明後卽行正法以肅軍律仍一面派員前往
安撫居民妥爲彈壓穆輅雙禧均著先行摘去頂戴
交部嚴加議處仍暫留勝保軍營責令帶罪自效儻
再不知奮勉著卽嚴叅治罪

欽定勦平粵匪方略卷八十六 甲寅年

三月十八日丁巳琦善奏言查皖省賊匪由豐工

渡河竄入東境亟須防另股賊匪續行北竄又
須防北竄之賊敗回南奔宿遷實爲南北咽喉

清江屏蔽且濱臨黃運兩河爲山路湖路輻輳
之區北入兗沂均屬寬平驛路南距清江僅兩
日程無須經由徐郡清江五方雜處並無城郭

若宿遷有備則清江可以安枕宿遷地方實較
徐州爲衝要徐州有百勝帶兵駐紮又有袁甲
三在宿州距徐較近蔣壩又經河臣布置尙足
以資防剿至宿遷僅有山西防兵八百餘名文
煜係專辦糧臺之文員於帶兵旣非所長亦難
兼顧臣通盤籌畫似宜先其所急與其增兵以
守徐州不若嚴扼宿遷爲得計當酌撥吉林頭

二起馬隊五百名直隸大名兵二百名陝西延
綏兵二百名共計馬步官兵九百名派令副都
統德崇額頭等侍衛容照總兵錫綸帶領前往
宿遷駐守其原派之山西防兵卽請歸錫綸管
帶以資聯絡查自來用兵合則見多分則見少
全仗哨探迎擊不在按處分守乃不諳兵法者
往往畸零分布必欲處處有兵遂致處處兵單

甚至築室道謀十羊九牧債事半由於此現在
楊以增百勝袁甲三李湘棻厲恩官皆有帶兵
之責卽皆有調兵之權而諸臣各駐一方各顧
一面無暇會商儻將此駐守之兵紛紛檄調顧
彼失此朝令夕更恐政出多門弁兵無所適從
臣是以特派大員前往以資備禦並囑其毋聽
他處調動致賊匪得以乘閒而入庶可以一事

聞

權而專責成至吉林頭二起官兵本在六合防堵今撥往宿遷誠恐六合兵單已飭總兵多隆武帶領山東官兵四百名前往六合接替奏入報

同日張亮基奏言臣查臨清州城經該州知州張積功等登陴守禦復挖破該逆地洞數處連

日出隊均轟殺賊匪數十人十四日臣親往督陣突有紅衣賊目帶領二百餘人向我兵施放大礮勇目周學文先點擡礮將賊目轟斃倒地並擊斃餘賊數十名都司王殿元等又擊斃多賊餘匪奔竄入巢臣又督隊直攻東門外楊家橋一帶賊穴賊從南北兩路突出其衆約有萬餘抄襲我後我軍分五隊迎敵該逆旋退旋撲

勇目李朝俊馬進科各手刃賊目一名係僞冬
官副丞相許姓僞檢點郭姓並奪獲大小黃旗
三十餘面擡礮二尊刀矛雜械不計其數乘勝
進攻九家村蔡家村將其兩處巢穴燒燬又復
斃賊無算約計不下二千餘人洵足大快人心
張亮基又奏言臣前在景州連接稟報知南路
逆燄甚熾一係沂州一路一係豐單一路而濟

甯所屬之金鄉縣復爲賊陷該州素稱富庶又屬適中之地各路皆可救援臣當自景州取道山路帶勇南下途次探知沂州各匪大被懲創情形已緩而逆匪進踞張秋臣卽改由湖路進勦迨臣抵東平距張秋七十餘里該逆又由張秋西竄彼時曾知會善祿速由東昌進扼西南飭知崇恩速由鄭家口移師臨清臣一面馳赴

臨清迎頭遇其北竄奈賊已由莘冠等縣直撲
臨清統計臣自景州繞赴臨清先後一十五日
計程一千三百餘里裹糧卷甲心急如焚猶幸
馳至臨清尙得與賊接仗方冀勝保勳力同心
共圖勦賊豈料其毫無調度任性行私卽如彼
此出隊交鋒喫緊之時勝保每撤隊先回一切
掣肘情形難以殫述明知

宵旰憂勤何敢以瑣屑上瀆而是非曲直有不得不直

陳於

君父之前者惟有懇

恩另派大員來東查辦奏入

上命軍機大臣傳諭勝保善祿崇恩曰據張亮基奏稱
連日進攻獲勝各情所奏是否鋪張入告攘功自居
著勝保善祿崇恩秉公確查據實具奏張亮基原帶

練勇二千人諒已遵旨派員管帶該勇等必須統帶
得人方可隨時驅策現在大兵雲集著勝保卽督飭
各路員弁兵勇乘勝進攻賊巢與崇恩設法內外夾
攻不准稍稽時日

同日曾國藩奏言臣自靖港甯鄉新康三獲勝
仗後卽令各營馳赴湘陰截剿賊聞官兵水陸
大至當卽退出湘陰探悉西湖口賊船尙多當

派五品頂翎張宏邦等駛駕礮船迎擊轟斃賊
匪數十名燒燬賊船十餘隻守備褚殿元等三
營共奪獲賊船十隻勇目黃忠等復在團山地
方奪獲賊船逆黨屢經懲創全數竄逃岳州亦
已退山臣前派之陸路各營二月二十五六等
日先後抵岳臣亦督帶水軍於三月初二日行
抵岳州查洞庭湖周迴八百里港汊紛歧最易

藏奸全湖入江之所名曰荆河上游爲監利荆
州其虎渡河等處多與湖水相通屢獲賊探供
稱賊內藏湖汊外竄荆河俟官軍東下再在上
游滋擾等語臣現駐岳州多派哨船分巡內則
哨探湖中港汊外則哨探荆河以上必須逐處
搜查上游肅清然後壹意東下至陸路各軍屢
據稟報崇陽通城先後失守臣已札飭貴東道

胡林翼等帶勇千餘前往勦辦若能乘臣在岳時就近將崇通股匪辦有頭緒則馳赴下游可無彼此牽掣之患奏入

上命軍機大臣傳諭駱秉章曾國藩曰據曾國藩奏搜捕湖汊並勦辦崇通股匪各情是水軍雖已抵岳而馳赴下游尙無確期現在湖北賊情喫緊不但漢口漢陽亟應克復卽孝感等處亦豈宜久任披猖况雲

夢應城退竄之賊尙在潰口上下盤旋台湧兵力過
單未能兼顧襄陽武勝均屬扼要之區旣未便移兵
助剿前調松潘建昌兩鎮官兵尙無抵荆消息佈克
慎所帶東路弁兵數祇千名卽陸元烺派撥之防兵
練勇全到湖北仍須有水路礮船方能夾擊鄂省兵
勇單弱豈可仍在上游遲滯著懷遵前旨迅赴湖北
先清江漢其湖汊藏匿餘匪想已無多著駱秉章嚴

飭地方文武實力搜捕崇陽通城各匪盤踞未久當
易撲滅著卽飭胡林翼等分路勦辦曾國藩所統水
勇旣不准青麀等留守武昌若略乘章欲藉曾國藩
爲保障任意牽留朕亦不能允行也

十九日戊午勝保奏言臣於十四日攻克賊巢獲

勝後該逆攻城愈急連挖地道城內兵勇多方
迎拒破其地道五處俱遠逾二里深至丈餘臣

知該逆慣用此技恐其所窺尙不止此諄飭城內一律窰濠注水破其詭謀不意該逆於城之西南窰地道兩處直從水底穿過十六日丑刻地雷震發城西面火光燭天西門及西南城角兩處登時塌陷賊衆於西門蟻附登城城外關廂盤踞之賊未及入城者尙多臣麾令官兵向彌陀寺以南賊壘進攻連破二處斃賊五六百

名復用噴筒火彈將其西關外賊營燃燒忽西南風大作賊匪順風揚沙人馬俱難立足臣此時不難卽以身殉惟念大局攸關儻冒險輕進再有疏虞更何以力圖勦賊不得已暫行收隊城中逃出難民供稱本日地雷外發本地民勇先潰臣所撥入城兵勇及山東官兵抵死巷戰逾時之久俱各陣亡思之深爲痛惜查提督桂

明本係留防劉家口一帶茲接該提督來文已
於初七日行過蘭儀計日內可以到營未便復
令折回已飛飭該提督來營助勦德勒克色楞
亦帶兵到營臣仍當竭盡心力相機勦辦此次
州城失陷臣雖無地方之責惟係統兵大員未
能兼顧咎無可辭相應請

旨將臣暨善祿一併交部議處

同日山東巡撫崇恩奏言本月十五日南風大作是夜風勢愈烈臣知該逆詭譎異常每乘風夜非逃卽攻隨帶隊於城北一帶梭織巡視丑刻忽聞西南正西有聲甚厲少頃火光突起人聲嘈雜臣知城中有失隨同勝保飛奔向南撲救奈一路皆有賊巢攔阻勝保與臣馳至北門賊已憑城施放槍礮猶聞城中喊殺之聲知爲

巷戰無如崇墉屹立莫可措手 臣調度無方布
置不善咎無可辭惟有顛懇

天恩將 臣 交部治罪均奏入

上命軍機大臣傳諭勝保德勒克色楞善祿崇恩曰逆
匪竄踞臨清城外該州北門外並無賊匪儘可內外
策應何至任賊復用地雷轟陷城池勝保善祿統領
重兵救援州城豈得以無守土之責藉詞誘卸崇恩

本在城內不知督率文武兵民同心固守輒至城外
勝保軍營意圖趨避該大臣等貽誤之罪均無可辭
臨清州城糧米軍械頗多逆匪勢必負嵎久踞桂明
行過蘭儀計日可到德勒克色楞已帶兵到營著該
大臣等卽督飭官兵設法進剿迅將城外賊壘盡數
鏟除勿令該逆恃爲犄角庶可四面兜圍亟圖克復
逆匪詭譎異常且意在救援阜城之賊勝保統領全

軍尤應防其水陸北竄其東昌濟南一帶卽責令崇
恩嚴飭地方文武妥爲布置該大臣等務當迅圖攻
勦以贖前愆儻不知奮勉致此股逆匪久踞臨清或
肆行竄擾國法具在豈能屢邀寬典耶

上又命軍機大臣傳諭僧格林沁曰逆匪攻陷臨清大
肆猖獗該處爲水路總匯幾於防不勝防刻下阜城
之賊業經挖濠圍困僧格林沁當通盤籌畫卽將阜

城餘匪設計殲除如能迅速奏功則督兵直赴臨清會勦非但可爲勝保援應實所以保全大局儻藏事稍遲致該逆潛通消息或有勾連必至更難措手僧格林沁接奉此旨後應如何設法進攻直擣賊巢爲移兵赴援之計務當籌畫萬全迅速具奏

上又命軍機大臣傳諭桂良曰臨清州城失守直東毗連要隘必須加意嚴防張殿元駐紮大名並清河威

縣各處防兵是否足敷堵勦此外扼要處所應如何
添兵防守著桂良妥速統籌與勝保等隨時知照毋
得稍有疏虞

上又命軍機大臣傳諭王履謙長臻楊以增崇恩英桂
百勝王夢齡曰皖省之賊竄擾臨清以致州城失陷
北路軍情緊急若南路賊匪續有竄逸畿輔地面何
日得以肅清著王履謙長臻楊以增崇恩英桂及百

勝王夢齡等懷遵疊次諭旨嚴飭地方及河工文武各員分段設防並著將每段派兵若干名列礮若干位繪圖貼說迅速具奏並聞賊匪偷渡時每起不過數百名乘零星半渡之時用礮轟擊不難盡數殲除何得藉口於賊多兵少任聽從容紮筏陸續偷渡自此次申諭之後儻再稍有疏虞賊由何處偷渡卽將該管員弁及各上司以軍法從事決不寬貸

上諭內閣曰賊用地雷轟陷臨清州城勝保身爲統帥
督率無方善祿先抵山東不能力遏兇鋒崇恩身任
地方毫無布置以致城池失陷均屬罪有應得勝保
善祿崇恩均著摘去頂戴卽行革職帶罪自效仍責
令督率官兵合力攻勦儻再不能迅速克復必將勝
保等從重治罪其城內文武下落著卽查明具奏

二十日

己未

上命軍機大臣傳諭載齡曰逆匪於十五日夜用地雷轟陷臨清州城北路情形萬分緊要京外東西各營統歸載齡調遣著該侍郎隨時審度機宜統籌守禦尤應多設確切偵探隨地密拏奸細天津滄州一帶兵力單弱並著載齡設法兼顧仍與僧格林沁勝保桂良等聯絡聲援妥籌布置軍情變幻靡常該侍郎應否移營防堵務須熟籌緩急斟酌辦理

二十一日庚申勝保奏言該逆自十六日攻陷州

城十七日臣親督官兵進攻東面賊壘賊竟堅
匿不出忽附近壘中突出賊衆二三千人分兩
股來撲我兵亦分投迎擊傷斃賊黨二百餘名
餘賊俱伏濠內我兵追至槍箭並發旋將濠內
賊匪全數殲斃其壘中之賊不敢出援仍復堅
匿臣與將士等恨不生啖其肉以抒積憤而連

日兵力疲乏暫令撤隊再圖進取查城中火藥無多各倉廩並囤積糧食之所業令知州張積功等放火焚燬是以賊陷城後亦大失望仍分聚城外關廂就此時賊勢而論果能就地芟除臣豈敢稍遺餘力奈賊黨衆多一經受創輒復堅匿且其志本圖北犯勢必乘隙而竄地方遼闊大兵難以合圍不得不先事豫防爲勦而兼

堵之計除飛催桂明及穆輅雙禧迅各帶兵前進外臣酌度情勢首以遏賊北竄爲目下要務賊果南奔惟有盡力追擊其西北正北似可無虞德勒克色楞駐營在土城西南以扼賊由威縣竄擾大名之路崇恩帶兵嚴堵東面其威縣之南尙有僻路可由館陶冠縣繞赴大名已派馬隊晝夜偵探一聞賊警飛速報知卽當渡河

追剿其穆輅雙禧之兵先令扼要駐守再行酌
度緩急調撥李湘棻所帶之勇未到當令其卽
在東昌一帶扼守臣仍激勵將士戮力同心賊
守則設法進攻賊竄則合力追截不敢存一毫
畏難之見奏入

上命軍機大臣傳諭勝保德勒克色楞善祿崇恩曰前
因臨清失守將勝保等革職責令迅圖克復姑予薄

責不卽加罪原冀其稍知愧奮刻卽圖功乃本日所
奏十七日進攻東面賊壘不過斃賊二百餘名迨將
濠內賊匪全數殲斃亦未將賊壘卽時攻奪空言積
憤於事何濟且據稱城內倉廩及積糧處所均爲知
州張積功等焚燬該逆失望仍分聚城外關廂是城
中賊匪無多所賴關廂村莊爲犄角之勢若不趕緊
設法將城外賊巢盡行平毀州城終難克復頓兵日

久師老力疲又必復蹈故轍桂明於十八日已抵大名仍著勝保飛調到營並另派得力大員將雙禧穆輅之兵迎提統帶酌量地方駐守計各路徵調之兵將次到齊德勒克色楞崇恩分駐西南及東路其東南一路必應顧及况東昌亦商賈輻輳素稱饒裕之區豈可稍有疏失必俟該逆竄往再籌盡力追擊已落後著李湘棻厲恩官兵力是否足資扼截該大臣

可以就近調遣令卽堵守臨清東南之路該大臣固當嚴扼賊匪北竄仍須面面兼顧迅圖收復州城毋再遲延致干重典

同日琦善奏言臣接奉

諭旨令將三汊河防堵官兵一千名卽飭參將安勇遊擊毛三元帶領回東以資防剿自當欽遵辦理

伏念臣節制江北所以力扼瓜州等處江面者

卽所以杜北竄並非專顧南路也現在瓜州尙
爲賊踞三汊河適當其衝必須有兵駐守臣駐
營秦家橋控扼瓜州儀徵兩路防勦兼施時有
顧此失彼之慮自三汊河東岸下抵瓜州處處
濱江雖陳金綬穆克登額等各守要隘而臣須
時時代爲籌畫兵愈分則愈單所以能勉強支
持者實賴三汊河營盤力扼中權以便東西岸

官兵分張兩翼庶幾戰守交資水陸有備今若將山東防兵裁撤則官兵兩岸齊進難保賊船不由水路闖入儻分兩岸之兵移紮三汊河則東西兩面空虛賊必由高竇而趨清江由清江而竄邳宿又徧山東之南境北路之賊復添一股是調兵北行適所以縱賊北竄權山左之緩急者或未計江北之安危如張亮基必謂此係

勁兵足資防勦臣自應飭令回東斷不敢留以
自衛但三汭河地方緊要必須另撥官兵前來
更換查舒興阿原帶之陝甘兵現在廬州歸和
春統帶內有河州西甯兵各五百名與山東兵
數相符可以前來調換如蒙

俞允一經調到卽飭參將安勇等帶兵星馳回東是否
可行恭候

聖裁奏八

上命軍機大臣傳諭琦善曰現在賊陷臨清所調各路官兵將次到齊已命勝保等迅圖克復若俟山東官兵調回亦屬緩不濟急且淮北情形喫重雖有袁甲三秦定三分駐臨淮正陽仍須和春福濟統籌兼顧力杜逆匪北竄所有河州西甯官兵未必能調赴揚州其張亮基請調回山東官兵亦著毋庸調回仍留

三汊河交琦善調遣

同日向榮奏言 臣前將二月二十三日攻打神策門情形馳奏連日疊次進攻朝陽太平通濟各門無如賊衆死守屢攻均未得手內應事機已洩該逆逐日在城搜殺各門俱閉出入嚴緊現將逃出內應妥爲安撫以期收拾人心另圖克復貴州鎮遠等營官兵一千名已遵

旨派令遊擊鮑雲翥管領馳赴徐州歸秦定三統率臣
現帶之兵計存六千數百名中多疲乏必須添
調勁兵前來以憑更換撤遣合無仰懇

天恩飭令廣東選調潮州黃岡惠來等營兵一二千名
令總兵壽山統帶與福建漳州雲霄詔安同安
等營兵一二千名前來江南助勦以資得力奏

入

上命軍機大臣傳諭向榮曰臨清州城失守北路情形
緊急惟望金陵及早收復塌穴捨渠茲聞向榮奏報
金陵疊次籌攻均未得手是向榮於收復之事尙屬
毫無把握已諭令王懿德葉名琛各調官兵二千名
前往向榮軍營該大臣務當先就現有兵勇設法進
攻將金陵及鎮江城池次第收復則皖豫賊匪有所
牽制自不至續行北竄北路勤辦較易爲力

上又命軍機大臣傳諭王懿德葉名琛曰金陵爲首逆
盤踞之區自應添撥精兵助剿以期及早收復著王
懿德於漳州雲霄詔安同安等營葉名琛於潮州黃
岡惠來等營各挑選精兵二千名派員管帶其廣東
官兵並著潮州鎮總兵壽山統帶迅速前往向榮軍
營聽候調撥

同日和春福濟奏言三月初十日臣等令各營

續通志卷之六十二
三十一

四面攻城分派江忠濬等帶兵攻打東西南北
大西得勝等門臣和春居中調度與秦定三往
來督戰臣福濟督兵赴各路接應北門內衝出
賊匪五六千人分三路來撲我軍分三路迎勦
一面飛調鄭魁士等分左右中三路進攻立斃
賊匪無數該逆猶敢拌死迎敵我軍奮勇爭先
又斃賊匪多名賊漸敗退此日之戰約斃賊匪

一千餘名惟署總兵全玉貴打仗受傷該營紮於北門外偏近大橋爲逆匪出北門必由之路隨令秦定三前往駐紮十三日逆匪突出四五千人來撲秦定三督兵出營攻擊臣等派隊飛往接應又斃賊匪無算該逆敗走落水死者甚多容再設法圍剿迅克圖復

同日袁甲三奏言查臨淮爲水陸要路賊之窺

臨淮無異於窺正陽因臨淮有備而正陽無備
且六安又爲捷徑所以旁竄耳現在自淮以南
鳳定土匪大肆猖獗臣擬到臨後卽行分兵勦
辦臨淮至正陽爲鹽船必由之路近因粵逆竄
擾上自六安下至懷遠沿河皆爲土匪盤踞商
賈無路可通臣到臨後必當竭盡心力疏通河
道然正陽一有阻滯下游徒勞罔功至於正陽

以南由六安至舒桐安慶等城逆匪並不甚多亦未踞守城池民間蓄髮者頗多含垢忍辱爲苟延性命之計此時正陽駐紮重兵一面防賊北竄一面布置進攻舒六與廬州作接應之勢風聲所到賊有戒心且百姓聞之亦生感奮同仇禦侮必有可爲內應者至賊蹤未到之區聞霍邱縣土匪猖獗該縣與六安聲息相通儻逆

賊乘亂而至霍邱一失直達潁郡則皖豫楚處
處可通正陽亦不能守矣現奉

旨派秦定三扼守正陽必須多帶精兵與劉玉豹會合
一處且防且勦以收民心而分賊勢駐防陳州
之牛鑑亦宜進駐潁州以壯聲威庶北竄門戶
處處聯絡臣駐守臨淮遙作各路聲援如有可
進之機亦卽酌量前進斷不敢一隅株守自倖

無罪總之六安來路旣扼不惟潁郡無虞豫省
歸陳及宿徐以北均可無虞臣思慮所及不敢
稍存畛域伏祈

聖明垂察均奏八

上命軍機大臣傳諭和春福濟日前諭和春等撥兵交
秦定三迅赴正陽關霍邱一帶嚴杜賊匪西北竄路
霍邱土匪狡獪該縣與六安接壤爲正陽關之犄角

此處一有疏虞則正陽亦難固守現據和春等奏報
勝仗秦定三尙在行間是直坐擁重兵竟置全局於
不顧耶著卽派撥兵勇迅交秦定三剋日統帶起程
不准稍有耽延現在六安舒城桐城安慶等處逆匪
均不甚多祇因大兵專顧廬州人無固志以致該逆
肆意往來若秦定三移兵正陽或援霍邱或攻六安
時時出賊不意備以兵威不但賊難他竄卽廬州攻

勦亦易得手向榮現派貴州兵一千名前往徐州此
項官兵赴徐道路紆折著和春等飛提迎催卽交秦
定三統帶但不可坐待此兵致誤事機仍著先撥官
兵數千速令秦定三馳往

上又命軍機大臣傳諭袁甲三日皖省情形敗壞至此
卽使廬州計日克復亦難收拾援潁郡以固正陽實
係緊要關鍵袁甲三現辦捻匪如大致已定卽應迅

赴臨淮該處距宿州不遠聲勢儘可聯絡鳳陽定遠等處土匪均著隨地勦辦亦不必專駐臨淮致成株守至淮河上下如何設法疏通總當力籌妥辦不得誘之正陽阻滯下游徒勞無功也和春等已飭恩錫督帶兵勇前赴臨淮所帶之兵究係若干就現在情形而論似臨淮之兵多於正陽而正陽之防重於臨淮該給事中既能統籌全局即可與秦定三和衷商

推互相策應據稱近日正陽關以南民情被賊煽惑
總由安慶舒桐六安一帶官兵不能兼顧以致脅從
此時惟有力遏廬州臨淮正陽霍邱等處要隘以圖
進攻轉移之術全在隨時相機籌辦不可誘之時事
難爲也

上又命軍機大臣傳諭英桂曰皖省霍邱一帶土匪狃
狃其地距潁州甚近若有疏虞則皖豫處處可通歸

陳等處亦甚可慮著英桂卽飭牛鑑帶領兵勇剋日馳赴潁郡以資防勦袁甲三現赴臨淮庶彼此聲勢聯絡固皖省之藩籬卽以保豫疆之門戶其蘭儀河口仍當嚴密巡防毋任賊匪續渡彰德地方官民團練尙堪自衛衛輝地面則團練寥寥殊不足恃著卽飭該處文武督率紳民實力團練毋稍疏懈英桂究時究竟曾否出省並歸德信陽兩路防堵情形作

何布置著卽統籌全局不可株守省垣致滋貽誤

同日崇綸青麀奏言近日賊船上下分竄倏去忽來三月初四日漢口開出逆船一百餘隻小河內陸續出船無數乘風直撲前來卽經城上用礮連環轟擊逆賊頭船直冒槍礮紛紛登岸分撲武勝漢陽兩門 臣等督飭將弁奮勇直前擊殺一百餘名江上賊船始退其潰逃賊匪登

船不及落江溺斃者甚多彼時漢陽以上鸚鵡洲泊有賊船四十餘隻亦乘時渡江直撲白沙洲大營經遊擊侯鳳岐等礮船擊退初五日東南風順密飭侯鳳岐等督帶礮船渡江攻擊鸚鵡洲賊船賊始畏怯移匿小河之內現聞竄赴上游金口逃散者不少查漢陽盤踞賊船上下分竄約有二千餘隻其往下游者探報已過黃

州其上竄者自金口登陸分往咸甯通山蒲圻等縣現在小河口內尙有賊船一千數百餘隻探得賊匪不過二三千若有一枝援軍乘此機會合力攻剿可以解圍臣等屢次函咨台湧令其速遣佈克慎等統帶已招兵勇二千餘名由德安直抵漢鎮日久並無音耗惟有再懇

天恩飭催台湧速爲應援奏入

上命軍機大臣傳諭台湧青麀曰漢陽漢口一帶逆船
遊駛江面意圖直撲武昌此次水陸交戰尙能稍挫
賊鋒省城現存兵勇約有萬餘兵力不爲單弱青麀
等惟當鼓舞士氣激勵民心不得以外援不至爲詞
徒深焦灼曾國藩水上一軍聲威頗壯本日復諭令
迅由岳州統師東下以爲楚北應援並陸元烺派撥
應援兵勇著一併迎催前進會合夾攻但使江路一

通不獨武昌南北兩岸聯爲一氣卽上下游分竄逆
匪亦易於次第殲除台湧節制兩湖無論何路勦匪
事宜均應熟籌兼顧相機而行荊州一帶籌防是否
嚴密孝感漢陽等處如何督率進攻佈克慎以獲咎
大員特恩派令帶罪殺賊著卽飭令分投進剿以期
稍贖前愆

上又命軍機大臣傳諭曾國藩曰昨諭曾國藩迅由岳

州統領舟師馳赴楚北爲肅清江漢之計原以該省
軍情緊要上游荆江一帶籌防至重孝感等縣賊勢
方張屯踞漢陽漢口逆衆仍復肆意遊駛此股一日
不除武昌一日不能解圍著曾國藩迅卽遵照前旨
剋日帥師東下迎賊所向併力殲除此時得力舟師
專恃曾國藩水上一軍惟當權衡緩急相機速辦朕
旣以勦賊重任付之曾國藩一切軍情不爲遙制應

如何與台湧青麀等聯屬聲威互相援應並著隨時
妥籌毋誤事機

同日桂良奏言賊匪旣踞臨清直隸毗連處所
誠應倍加嚴防查穆輅雙禧前次所帶官兵業
已到防分布扼守其澤潞官兵一千名亦經勝
保札令在各要隘駐紮第恐賊勢狡獪尙須添
兵堵禦當於駐守正定之大同官兵內抽撥五

皇朝通志卷之二十一
三十一
百名就近馳往直東交界交張殿元擇要分紮
以期嚴密奏入

上是之

同日

上諭內閣曰自逆匪竄擾以來所過州縣村莊慘遭蹂躪曾經疊降諭旨令各省紳民辦理團練既可保衛身家又可隨同官兵勦賊近覽軍營奏報各該處紳

民人等或殺賊被害或殉節捐軀實屬深明大義均
堪憫惻著各路統兵大臣暨各該督撫等迅速查明
凡逆匪經過地方鄉團紳民人等有能奮勇剿賊者
隨時分別奏保朕必立加優獎其陣亡鄉勇除隨同
官兵打仗例得請卹外其有激於義憤殺賊殞身者
無論防勦逆賊土匪悉准令紳民於各該地方建立
總坊一併題名並從祀各州縣忠義祠以昭激勸

臣等謹案鋤奸詰暴惟守土責有專司取義成仁在臣工分所當盡至於編氓之賤椎魯之夫目未識夫詩書焉能責以名義乃自軍興以來無論仕族寒門販夫走卒罔不同心敵愾戮力效忠良由我

朝深仁厚澤二百餘年其入民心者旣深斯報國家者愈重今

文宗顯皇帝復降

德音表揚忠義有功者加之獎勵死事者報以馨香

詔旨特頒賢愚同感誰不爭相奮勉願許馳驅異日巨
寇削平大功迅奏雖藉三軍之用命亦由衆
志之成城也

經不學而後入其家

三十一

子

欽定勦平粵匪方略卷八十七 甲寅年

三月二十二日 辛酉 台湧奏言查孝感一帶賊勢

狡猾竄入縣城佈克慎督兵由楊店抄出白沙

鋪堵截三月初九日有賊三四千人暗趨西面

抄出陡岡鋪徑撲雲夢縣城遊擊吳定鼈等卽

帶兵回擊賊已攻陷城池而水路之賊不下千
餘亦由長江埠一帶乘虛抄襲其後兵勇力不

能支因而敗潰該遊擊等退抵德安府城南關
駐紮收集潰散兵勇臣卽日差弁往白沙鋪飛
調佈克慎所帶之兵趕來迎勦初十日佈克慎
等先抵東關兵丁徒步較遲尙未到齊卽據探
報賊匪約五六千由雲夢分三路來距城數里
自雲到德之兵均已散去臣督佈克慎等直赴
南關列陣初定賊已蟻聚蠶屯四圍擁撲分股

由西關抄往北門竄入城內縱火吶喊弁兵無
心戀戰查點兵勇除傷亡外潰散亦十居六七
臣惟有退扼武勝關先行收集潰兵再圖整頓
進取乃十四日道出應山縣境適有另股賊匪
由該縣王家店地方竄入縣城現擬將前調之
提標官兵五百名並在關之河南防兵五百名
一併交佈克慎統帶力圖遏賊北竄卽由應山

而德安次第規復城池飛咨河南撫臣英桂就近派撥精兵一二千名來楚會剿臣調度乖方咎無可逭應請

旨將臣從重治罪此次德安府及雲應等縣先後失守兵勇將弁聞風潰散此等惡習實屬誅不勝誅臣受

恩深重百死不足塞責現在會督署提臣佈克慎統率

官兵卽由武勝關取道應山德安設法力圖克復以報涓埃

同日英桂奏言查豫省南汝光等府州屬界連楚北黃州德安各要隘防堵尤爲喫重臣先飭南汝光道余炳燾督率防兵一千五百名在信陽之武勝黃土平靖等關嚴密守禦羅山縣屬之九里大勝等關派汝甯府知府廖姓等管帶

兵勇八百名分駐扼守鎮臣柏山駐兵固始兼顧光州本省應防要隘尙覺處處有備惟現據探稱三月初三日賊陷孝感隨撲雲夢初十日由雲夢進撲德安府城業已失陷十四日竄及應山淮湖廣督臣台湧咨調豫省派防武勝關官兵五百名並調精兵一二千名會合督勦楚省逆氛猖獗應山逼近信陽台湧飭調武勝關

防兵自不能不速令前往臣飛咨柏山迅卽選帶兵勇馳往信陽相機堵剿以遏賊衝仍令體察情形酌留官兵駐防固始並派撫標兵五百名練勇三百名交臬司林揚祖統帶卽日馳赴歸德兼防陳州綜籌歸陳應防之處甚多兵力仍不敷分撥相應請

旨速飭西安將軍舒倫保移緩就急統帶官兵來豫徑

赴歸陳與蒙亳交界處所擇要防守其黃河各
渡口現有太常寺卿王履謙河督長臻梭織巡
防與臣互相知照不敢稍有疏虞均奏入

上命軍機大臣傳諭台湧曰台湧自上年十二月馳抵
德安接辦防堵迄今數月自應先事豫籌妥爲布置
前此克復黃陂正望其督兵進剿何以所帶兵勇遇
賊卽潰以致德安雲夢孝感應山等處相繼失守僅

欲以一死塞責於事何益逆匪竄入德安其勢甚張
此時總以扼守要隘杜其北竄爲第一要著該督現
駐武勝關該處與豫省毗連務卽督飭佈克慎帶兵
實力堵禦勿令逆匪闖入一俟兵力稍集卽可力圖
克復該督統轄全省仍當熟計兼籌以冀保全大局
豈可專恃血氣鹵莽債事此次潰散兵勇著查訊明
確卽行正法德安等府縣文武下落並著查明具奏

上又命軍機大臣傳諭英桂曰湖北賊匪連陷雲夢德安等處勢甚猖獗台湧已督帶官兵繞至武勝關遏賊竄路該處爲由楚入豫扼要之區果得精兵鎮守逆匪自難竄越已諭舒倫保統兵由信陽州一帶直抵武勝關與台湧會合攻勦著英桂速卽挑選精兵二千名派委得力員弁星夜馳往聽候台湧調遣總兵柏山已經派赴武勝關著卽飛催前進不得稍有

遲誤德安等處與豫省交界處所路徑紛歧仍著隨地嚴密防堵毋任賊匪繞越

上又命軍機大臣傳諭舒倫保曰賊匪竄撲德安雲夢等處相繼失守武勝關爲楚豫交界要隘且由德安至信陽一帶路徑紛歧必須扼要嚴守著舒倫保迅速督飭原帶官兵馳赴武勝關與台湧聯絡聲勢防勤兼施總以堵賊北竄爲要萬不可令逆匪闖入豫

境致滋蔓延

上又命軍機大臣傳諭扎拉芬曰舒倫保已令帶兵速
赴武勝關潼關一帶空虛著扎拉芬卽督兵前往駐
紮籌辦防堵其毗連湖北之商雜等處仍著與王慶
雲隨時咨商辦理毋稍疏虞

上諭內閣曰台湧自上年馳抵德安接辦防堵屢有斬
獲特授爲湖廣總督辦理勦賊事宜應如何盡心籌

畫以副委任乃本日據奏德安等處先後失守實屬
調度乖方罪無可辭台湧著暫行革職仍留湖廣總
督之任帶罪自效

二十四日 癸亥 和春福濟奏言 臣等奉到

諭旨令卽撥兵交秦定三帶往徐州自應欽遵辦理惟
軍情變幻旦夕不同現查徐州並無賊匪前此
北竄未能渡黃之賊已由正陽回竄六安現探

由六安盡返廬州賊旣歸併一處正宜聚而殲
旃若以得力之員置諸形勢稍緩之地轉恐有
誤事機但賊情詭譎難保其不去而復來參將
劉玉豹帶兵千餘名雖足堵禦而籌防必應周
密查有已革總兵郝光甲人甚勇敢已飭管帶
陝甘官兵一千五百名前赴正陽關協同劉玉
豹認真防勦務使西北一帶壽州霍邱等處逆

匪不能竄擾並相機進剿六安以分賊勢現值
急圖克復城池之際全玉貴受傷未愈合無仰
懇

天恩俯准仍留秦定三在廬助剿以期得力

和春福濟又奏言查逆匪因我軍在北門外偪
近大橋堵住城內出路三月十四日雨夜在對
河橋邊偷築營壘三座意欲隔河攻我營盤使

我軍不能紮駐我兵因值雨夜未便進攻十五
日早天氣稍霽臣和春派兵前往攻擊並知會
臣福濟吉順督率官兵如東南門賊匪出巢卽
分投迎勦臣和春隨卽帶領滿漢官兵馳赴北
門秦定三已先督帶兵勇在前攻擊當令鄭魁
士程智泉等帶湖南兵勇廣勇搶過對河由賊
營後路抄擊派協領玉崑等督兵在橋頭併力

轟打該逆在營內以槍礮回擊並連開大礮頃
刻間北門又突出賊匪二三千人來撲卽令兵
勇迎勦立斃賊匪多名鏖戰甚久賊漸不支適
西路副都統常清帶領青州營滿兵前赴店埠
紮營堵禦路過北門常清卽飭協領多廉帶兵
一齊上前連開擡礮各兵勇爭先力戰賊匪紛
紛倒地我軍乘勢擁入賊營盡力砍殺屍橫徧

野將賊營三座同時焚燒我軍趕至城下併力
攻打聞東南門礮聲甚緊臣和春卽督率官兵
趕至見逆匪由東南兩門分股出巢經吉順等
帶領官兵分途進剿當令鄭魁士等督兵轟擊
逆匪愈來愈多攻打兩時之久該逆在河邊死
拒不退我軍連開大礮轟斃多名餘賊始奔敗
入城此戰計斃賊匪一千餘名生擒十七名陣

斬首級一百餘顆奪獲大礮六尊槍礮刀矛等件無數臣等現仍督率兵勇再行設法進剿奏
入

上諭曰現在廬州固應及早克復爲是但北路門戶已開任賊來去汝二人惟知緊攻廬州並不兼顧北竄由正陽回六安之賊並非窮蹙奔回設該逆由西路繞出非仍循蕭碭卽旁竄河南汝等又不能分身雖

集賢堂卷之二十一
十一
立正典刑於全局何濟現雖逆聚廬州正是詭謀不測避實擊虛到處牽掣汝等反謂可聚而殲旃踞廬州之逆閱數月尙未克復今添賊反有把握其誰信之郝光甲朕慮其巧猾汝等何昧於事機昏憤若是耶

上命軍機大臣傳諭和春福濟曰該提督等圍攻廬州固不可緩而西路空虛必須得力大員帶兵扼要防

勦以杜賊匪續行北竄現在廬州不能迅克徒使大
兵爲賊牽掣實屬昧於事機郝光甲前在山西追賊
遲延迨催赴直隸軍營又復觀望不前其居心巧猾
殊不足恃霍邱土匪情形前次寄諭已經詳示正陽
關爲賊匪自西竄北必經之路該提督等乃稱爲形
勢稍緩派令不能得力之員前往防勦何不知緩急
若此著和春福濟仍遵前旨卽將所派官兵交秦定

三管帶剋日馳赴正陽關督同劉玉豹認真防勦其
霍邱等處均責成秦定三嚴遏賊匪北竄並相機進
攻六安與和春等聲勢亦可聯絡郝光甲仍行撤回
廬州軍營隨同打仗其應否仍用陝甘官兵之處亦
著妥速籌撥現在賊匪雖盡返廬州六安亦必有賊
黨占踞且旣由正陽關回竄難保其不去而復來設
正陽霍邱一帶防勦委任非人致令賊匪復乘間北

竄則東豫兩省處處喫重該提督等豈可一誤再誤耶

同日

論內閣曰順天府府尹楊需著馳驛前往河南協同英桂辦理防剿事宜

二十五日甲子勝保奏言賊自攻陷州城無日不

思北竄十九日於西面偷搭浮橋意將乘夜西竄復折而北經兵勇放火焚燒轟斃賊匪數十

名餘匪敗退入巢二十一日該逆復於西南面
搭橋一座兵勇馳往施放槍礮立將浮橋焚燬
連夜賊又東西撲擾奪路而出皆被擊退官兵
晝夜未嘗休息俟桂明及穆輅雙禧原帶官兵
到齊臣當督率各路官兵極力攻克痛加勦洗
如日內兵未到齊或有竄逸自當就現在之兵
盡力截擊以遏賊氛

勝保又奏言竊思賊匪守則難攻竄則易制無
如各營官兵僅敷夜間護守營盤及遏截北路
之用至派兵設伏實難分撥 臣再四籌度酌撥
黑龍江蒙古馬隊二百名派總管平海侍衛榮
全協領巴依胡朗帶領前往西北之范家場渡
河至溫涼社地方扼要嚴防日閒於西南面佯
不設備以示無兵誘令竄至賊果於二更以後

大股擁至意欲渡河潛竄我兵遙聞聲息寂然
不動俟其行近衝出截殺該逆猝不及防亡命
回奔賊隊大亂我兵追殺斃賊四五百名該逆
黑夜之中彼此自相踐踏及情急投河者不計
其數臣與善祿等復在西北東北兩面乘夜進
攻東西兩關賊營約斃賊衆二三百名其撲出
之賊又經馬隊截殺八九十名前後殲斃賊匪

擊散裏脅約計數千軍威大振暫可絕該逆西北竄逸之心臣惟有飛催續調官兵到齊並四路多發偵探趁此聲威力籌勦辦

勝保又奏言臣前奏請將桂明之兵留防劉家口實恐南賊接踵而來勾結蔓延更難收拾不得不思患豫防非敢謂此閒兵力已敷勦辦無事加增也賊供初意欲到北京其所以盤踞臨

清城外者因官軍屢挫其鋒此時雖陷州城仍不敢直趨北犯臣恨不立殄羣兇豈肯任其竄逸西北東北兩路臣與善祿儘能盡力遏截其西南面則有德勒克色楞東面則有崇恩厲恩官刻下就現在兵數設法布置遏其北竄已覺大費躊躕若再兼顧南面實屬力有未逮各路文報或云土匪附合真賊不多或云賊勢不强

易於勦滅此皆局外不知痛癢之言在他人姑
妄言之臣身在局中何敢稍爲粉飾至屢次奏
報臣以遏賊北竄自任其實賊若大股衝突而
出或由東西繞越而北地廣賊多遏截亦頗不
易所以不避艱險力任其難者惟恃一念血誠
置利害於度外衆議紛紜未必皆能見諒臣若
稍存諉卸之見當時遵

旨移紮德州緩兵徐進則臨清早當有失逆賊更當北
竄目下之計自以遏其北竄爲第一要務如欲
遏其南竄不能不分西北之兵西北之兵本單
再一抽撥則賊之北竄勢所必然臣之不能兼
顧南面者所謂兩害相權則取其輕也若幸其
南竄藉以塞責臣安敢若此奏入

上命軍機大臣傳諭勝保曰前降諭旨謂勝保幸賊南

竄原因該大臣前奏於西北一路則稱以血戰當之於回竄東南西南則稱惟有跟蹤追勦是以責令就地芟除亦仍係該大臣前此自行具奏之語且所稱東昌豐工劉家口等處應行布置之處無不一一指示並未嘗令該大臣抽撥進攻之兵分防南竄之路乃此次奏報轉稱遏其北竄已覺大費躊躇直似北路尙無把握南竄更不待言顯係有心剖辨試思逆

匪若竟由南竄紆折西向何處不可繞越北犯該大
臣之意以爲沿途截殺較之頓兵相持易於得力此
亦實在情形屢次奏報無不以此爲長策然自獨流
賊竄之後一到阜城又復負隅抗拒該大臣所自信
者尙不能收效於前朕豈能不爲顧慮至牽涉前此
諭令進駐德州之旨尤屬非是若使當時逆匪竟由
大路北竄繞出臨清則德州正當其衝該大臣進兵

清河不又轉在賊南乎况緩兵徐進之語豈亦諭旨
中所有緩急機宜原在統兵大臣隨時斟酌朕亦未
嘗因該大臣不駐德州責其違旨曉曉置辨於事何
濟至所稱局外疑謗豈得盡無朕此時但以勦賊爲
重該大臣果能迅殄妖氛卽有性情偏僻之處朕亦
不遽加以譴責總在該大臣平心自問有則改之無
則加勉自能閒執讒口若事事負氣不能深籌熟計

致逆匪日久稽誅國法具在不待他人之叅奏也桂
明已抵館陶穆輅雙禧之兵卽著迅速督催併力進
勦大名一帶添派駐紮正定之大同兵五百名前往
協防著一併歸該大臣調遣

上諭內閣曰此次設伏邀截斬獲賊匪甚多勝保等務
卽乘勝會合兜圍一面嚴扼紛窺一面迅籌攻勦收
復城池盡殲逆黨所有殺賊出力之總管平海著賞

加副都統銜二等侍衛榮全著賞給頭等侍衛協領
巴依胡朗著賞戴花翎

同日勝保善祿崇恩奏言臣等遵查張亮基兩
次出隊均在臣等收隊之後其殺賊若干臣等
目所未見不知確數連日細加訪察除所報初
七日焚燬黑家莊殺賊二千餘名已由臣勝保
查明實在情形據實奏參外其初九十四日兩

次進攻俱經獲勝俱有斬獲每次殺賊一二百名及百餘名不等但始雖獲勝繼皆爲賊壓下練勇亦有傷亡查張亮基所帶之勇專委湖北棗陽縣典史陳韜一人教演聽其調度聞該員臨陣尙知奮勇似有微勞但不免輕進易退致有小挫其人機警善辨性喜誇張爲張亮基所信任縱張亮基不敢有意冒功然於接仗情形

並未目擊但憑陳韜之言不加考覈遽行入奏
實所不免且陳韜每行文出示輒以監軍自稱
其謬妄可知至所帶練勇張亮基未交卸時已
多解散又有陳韜帶赴省城者不知確數現存
之勇若干未據張亮基移交現已行文催查移
覆到日卽行咨辦其實在奮勇出力之勇目人
等仍俟查明保奏奏入

上諭內閣曰張亮基於初九十四日兩次進攻賊壘雖皆獲勝每次殺賊僅一二百人練勇亦有傷亡該革員於軍務重情不知詳細考覈輒聽信委員誇張之詞率行入奏實屬罪有應得著仍遵前旨發往軍臺效力贖罪並著勝保等派員卽日押令起解不准藉病逗留湖北棗陽縣典史陳韜雖臨陣尙知奮勇而性喜誇張語多不實且行文出示輒以監軍自稱謬

妄已極著交部議處所有兩次接仗出力之勇目人等仍著勝保等查明具奏

同日駱秉章奏言臣思湖北與湖南唇齒相依湖北之賊氛不息湖南接壤各府縣在在可危與其坐待賊來不若出境先剿隨與前禮部侍郎臣曾國藩先後札飭胡林翼及副將塔齊布升任同知直隸州王鑫等督帶兵勇分道進剿

崇通賊匪王鑫由蒲圻前進適蒲圻新到賊衆甚多勢將南犯遂擬就近迎勦初八日行抵羊樓司地方前營遇賊失利王鑫督中營繼至率勇奮擊斃賊百餘賊已敗退正造飯閒忽賊匪叢擁而前分路抄襲王鑫率湘勇分投抵拒鏖戰數時勢漸不支紛紛潰退折回岳州賊衆躡蹤緊追初十日全股直撲岳州曾國藩卽飭知

州朱孫詒等率南勇六百先出迎敵頗有斬獲
湘勇繼進互有殺傷賊衆更番抗拒湘勇疲乏
收隊暫入岳城賊分三面急攻曾國藩調水勇
礮船駛赴岳陽樓下開礮轟擊斃賊百餘賊勢
稍卻各勇始得縋城而出此初十日接仗失利
之實在情形也曾國藩以陸勇失利水勇難期
復振探聞賊匪水陸並進省城防兵無多情形

欽重遂率水勇礮船乘風暫回長沙共圖守禦
已於十四日抵省頃探賊舟前隊百餘號乘風
上駛已至白魚磯距省城僅百五十里順風一
日可到而竄岳賊匪有卽日分道竄撲省城之
信臣現會同曾國藩鮑起豹熟籌防勦機宜存
城官兵實止三千有餘僅敷守堞之用前調新
甯在籍知府江忠濟選募楚勇一千二百名甫

於十二日抵省現紮營北城外江忠濟臥病在
家臣復飛札敦促再募楚勇一千力疾督帶來
省聽調並飛調辰州各營兵一千名令都司景
福等分帶前來曾國藩現統帶水勇戰船分布
省河扼賊上竄其未及到岳之湘勇各營及招
集新潰之勇擬卽紮營南城天心閣外期於內
外聯絡水陸交防至前委胡林翼塔齊布等進

勦湖北崇通賊匪此時賊匪復竄岳州該員等
懸軍深入餉道堪虞臣已密札飭其酌度機宜
全師出險升用同知直隸州王鑫平素勦匪尙
屬得力此次恃勇輕進以致失利咎實難辭應
請

旨革職留營帶勇效力贖罪以示懲儆奏入

上命軍機大臣傳諭駱秉章鮑起豹曾國藩曰蒲圻新

到賊衆甚多王鑫迎勦失利折回岳州該匪全股直撲郡城曾國藩遽率水勇礮船回省守禦並未於臨湘一帶設法扼截致賊舟前隊已至距省百五十里之白魚磯長沙省城防守自關緊要該撫已飛調江忠濟募勇力疾赴援復添調辰州官兵來省並與曾國藩布置內外水陸各地方聯絡聲勢當可力保省垣惟岳州爲南北要隘上則屏蔽長沙下則援應武

昌咽喉重地豈可置之不顧仍著曾國藩酌撥礮船
設計迎截並著繞道飛飭胡林翼塔齊布斷賊後路
一面分撥兵勇於平江益陽兩路前攻岳州使該匪
腹背受敵則省城不至危急而胡林翼等一軍亦較
有接應且可相機水陸兩路援應武昌曾國藩所統
礮船原爲肅清江面今旣未能迅速下駛亦豈可株
守長沙坐視逆賊之至而不爲南北兩省通籌大局

耶鮑起豹提督全省軍務何以並未出省勦辦賊匪
著與駱秉章等熟籌防勦曾國藩仍應統帶舟師下
駛或分撥船勇併力攻擊俾湖南境內賊氛掃蕩庶
可援救湖北現在黃州上竄之賊非有大隊水軍駛
至漢陽江面無以牽綴該逆之後駱秉章曾國藩當
如何急籌奏功爲兩湖全局計也王鑫進勦失利著
卽革職該員平素勤匪尙屬奮勉著准其留營帶勇

效力贖罪

同日

上命軍機大臣傳諭載齡曰文瑞痼疾益甚准其開缺
固安地屬扼要載齡駐此居中調度各路官兵聲勢
可期聯絡現文瑞旣未能前往該侍郎卽無庸移營
他處雄縣防堵事宜亦關緊要卽著該侍郎派委得
力員弁帶兵前往駐紮

二十七日丙寅僧格林沁奏言逆匪前受懲創堅

匿不出二十二日陡起大風該逆乘風由塔兒
頭村擁出二三百名撲向西南營壘馬步官兵
齊進擊斃賊五六十名該逆敗退二十三日豫
派侍衛達崇阿帶領馬隊官兵二百名伏於前
次燒燬賊巢其餘馬隊官兵在濠邊屯紮以備
接應臣帶領小隊官兵數十名在縣城紅葉屯

適中之樹林內暗伏卽飭馬步各隊官兵往誘
該逆並不出巢當將官兵撤回臣仍伏林內該
逆在城上及樓房瞭望見我兵人數無多大隊
全行撤回隨由紅葉屯撲出賊匪二百餘名達
崇阿帶兵出村從中截擊斃賊數十名忽南關
東南關紅葉屯塔兒頭村撲出賊匪四五千名
蠶擁而至直撲南面當將達崇阿撤回同小隊

官兵一字排列該逆三面直撲見我兵屹立不動不敢前進復飭達崇阿帶兵壓下斃賊五六
十名復將達崇阿撤回仍前排列該逆數千之
衆見我兵二百餘名從容不迫隊伍整齊正在
懷疑閒將軍瑞昌等帶領

盛京步隊官兵侍郎培成等帶領察哈爾馬隊官
兵副都統那敷德帶領昭烏達密雲官兵從東

南正南西南壓下副都統烏凌阿等帶領官兵
從東北正東壓下副都統達洪阿帶領官兵撲
近賊隊奮勇直前斃賊不計其數該逆見官兵
驍勇卽欲奪路逃回我兵四面兜擊該逆潰逃
無路拌死抗拒我兵奮力攻擊復又斃賊多名
鏖戰三時之久時已昏黑徐徐撤隊該逆受此
大創勢必死守不出惟有再爲設法極力進攻

以期迅速截事

同日勝保奏言臣前因設伏截賊獲勝知賊思竄愈急當於二十三日夜派隊直撲賊巢賊衆大驚殺斃無數當將林家圍賊壘登時焚燬乘勢掩殺復將該逆所踞校場賊壘二處放火焚燒該逆因東關巢穴已失不能抵拒全股逃至西南城廂屯聚仍於西北東南營壘抗拒揣測

賊情似已不敢北竄現在賊巢尙有十餘處城上守陴之賊亦復不少地方遼闊不能合圍東南西南正南皆無可撥之兵不得已於馬隊內抽撥三百名令其渡河分紮范家場戴家牖劉家莊三處以爲奇兵查桂明之兵現已到營似屬精悍可用穆輅雙禧之兵不知行抵何處現在軍營馬隊爲數無多擬請將穆輅所帶未到

之步隊官兵一千名撥赴阜城軍營請

飭僧格林沁於明慶烏凌阿所帶馬隊官兵酌撥一千名或八百名速來臨清大營並請

飭下吉林黑龍江續派馬隊官兵三四千名暫駐關內聽候隨時調遣均奏入

上命軍機大臣傳諭僧格林沁曰逆匪竄踞阜城堅匿不出總未大受懲創經該大臣設計誘賊出巢該逆

集賢堂卷之二
三十一

突出四五千名直撲南面顯係奪路奔逃欲與臨清之賊互相勾結現在大礮業已到營著該大臣卽督飭員弁趕緊進攻以期迅速蕝事勝保請將穆輅所帶之兵一千名撥赴阜城於僧格林沁軍營內明慶烏凌阿所帶馬隊官兵酌撥一千名或八百名速赴臨清聽候調遣卽著僧格林沁酌量調撥

上又命軍機大臣傳諭勝保曰逆匪竄踞臨清經勝保

等督兵攻勦屢獲勝仗惟賊巢尙有十餘處城內之賊亦復不少必當乘此聲威迅圖殄滅不可任其奔突致與阜城之賊勾結逆匪疊受懲創其勢已挫我兵於西北一路必能力遏賊衝其東南西南正南僅抽撥馬隊三百名渡河分紮尙恐不敷堵勦該大臣務卽統籌全局迅將此股逆匪就地勦除毋令蔓延又命軍機大臣傳諭景瀄麟瑞英隆清安曰阜城之

集賢堂卷之二十一
三十一

賊尙未殲除皖省逆匪又竄踞臨清經勝保等督兵圍剿必得多集兵力方可及早撲滅著景瀄卽將前項備調官兵一千名交麟瑞管帶英隆卽於前項備調官兵二千名內挑選一千名交清安管帶卽日起程由天津行走徑赴軍營聽候調撥

又命軍機大臣傳諭文謙曰阜城臨清兩股逆匪疊經僧格林沁勝保等攻剿獲勝當可扼其北竄惟津

郡爲畿南門戶滄州又爲天津南路藩籬皆應加意防範津郡所屬多與山東地面犬牙相錯其運河池南一水直達若該逆勢窮思竄或由閒道北犯文謙當就現有兵勇擇要防堵勿令闖入滄州鄉勇數千著飭地方官勤加操練以濟兵力之不足青縣慶雲鹽山南皮等縣亦當一律辦團不得以兵勇單薄爲詞稍涉疏懈載齡現駐固安距津不遠儘可就近策

應著文謙多設遠探遇有警急卽行飛報巡防王大
臣並知會載齡以便發兵應援

二十八日丁卯勝保奏言賊匪連日將南關糧食

搬運入城復於城外添築營壘西關外賊巢增
至十餘處臣恐其又爲死守之計因將五千斤
大礮二尊運上礮臺晝夜向賊巢轟擊傷斃賊
匪極多並用神威礮五百斤銅礮助擊使賊不

能安身二十五日臣親帶馬隊在州城外四面
察看地勢嚴密布置分爲三路令提督桂明總
兵桂齡孔廣順帶領官兵由西北進攻善祿及
雙禧所帶健銳火器營官兵由東南進攻巴革
藩司張集馨親帶練勇與侍衛恭鈺等帶領通
永官兵及各勇由西面夾河攻擊臣親督馬步
官兵在城北列隊以待二更後西北風微作我

兵銜枚疾走不令賊知二十六日丑刻各勇由西過河暗伏壘邊向西面一帶賊巢同拋火彈齊聲吶喊十餘處登時火起賊衆不知官兵多寡又見巢內火起登時慌亂大隊一擁而進殺聲震天賊巢之內逆黨蟻聚蠶屯尙復抵死相抗官兵愈殺愈勇賊勢不支冒火突出我兵追殺兩時之久斃賊約三千餘名直抵南面賊營

西南關廂長街十餘里賊黨甚多我兵入街賊
卽乘隙出街向南紛竄崇恩所帶之兵乘勢躡
躍登城立斃城上之賊數十名餘賊竄伏大兵
克復州城兵勇分投搜殺復斃賊二三百名統
計斬擒不下四千名裹脅之衆乘閒逃出者又
數千名德勒克色楞善祿及克興阿魁福綿洵
等現已帶兵追往臣一面與崇恩收復城池派

兵搜獲餘匪一面督帶馬隊極力截殺使賊不得喘息至州城復後撫恤難民彈壓土匪亦關緊要應令崇恩暫駐臨清妥爲辦理在事出力之員弁兵勇可否仰懇

天恩酌量保奏奏入

上命軍機大臣傳諭勝保曰臨清州城克復賊匪乘隙出街向南紛竄並無確實去向難保不繞越他竄臨

清西南緊接大名廣平由東南而北直抵德州距阜
城之賊甚近該逆詭譎百出或精銳早已潛竄而留
孱弱裹脅之衆以當我兵則雖克復州城仍非了局
該大臣等務當乘勝窮追使該逆不得喘息自不至
再有蔓延崇恩著卽留於臨清督辦善後事宜東昌
一帶頗形空虛卽賊蹤未曾擾及亦不可稍疏防堵

上又命軍機大臣傳諭僧格林沁曰臨清州城克復殲

戮雖夥首犯尙未就獲仍恐多係裹脅之衆現在賊
已南竄更慮其詭詐百出從旁繞越北犯著僧格林
沁迅卽確探消息嚴密防範明慶烏凌阿馬隊此時
是否起程如賊果南竄離阜城較遠卽著此項馬隊
趕緊馳赴臨清協同追剿儻賊有北犯之意無論大
名及山東東昌德州一帶均著該大臣迅派馬隊迎
頭截擊萬不可稍事耽延

上又命軍機大臣傳諭載齡曰臨清州城已於二十六日克復該逆向南奔竄現在德勒克色楞等已督帶馬隊官兵跟蹤追勦勝保隨後督兵繼進惟賊匪旣拌死北犯必不肯甘心南竄著載齡嚴飭各路帶兵大員慎密防守嚴拏奸細毋稍疏虞

上又命軍機大臣傳諭桂良曰勝保奏臨清州城攻克餘匪向南奔竄惟未經指明賊蹤所向恐該逆詭詐

百出仍留裏脅之衆誘我窮追而潛分精銳之賊繞
越北犯其由德州繞竄之路僧格林沁尙可兼顧至
大名廣平一帶距僧格林沁軍營較遠誠恐得信稍
遲著桂良嚴飭張殿元確探嚴防毋任賊蹤闖入卽
賊蹤四散狂奔未入直境亦可酌量帶兵出境迎勦
上諭內閣曰逆賊由皖豫竄擾東境勢甚猖獗此次勝
保克復臨清殺斃及擊散之賊不下萬人勦辦尙爲

得手勝保善祿崇恩前次摘去頂戴革職處分均著
加恩開復德勒克色楞著賞還花翎並開復降留處
分所有在事出力員弁兵勇等著勝保酌量保奏現
在賊匪南竄必須盡力追剿悉數殲滅著勝保等督
率各路官兵趁此聲威一鼓殲除毋令餘匪紛竄

同日和春福濟奏言查廬州失陷後鎖鑰已開
淮河以南一無關隘北而定鳳懷宿西而潁壽

集賢堂之西名公一
三三

毫蒙處處皆可南通卽處處皆須設備實屬防
不勝防祇得以攻勦爲急務我兵若日夜進攻
則賊大股在廬不遑旁擾儻擊之稍緩必更陸
續北去不可阻遏廬城周遭三十餘里南面尙
通舒桐餘已三面合圍足扼北竄之路至六安
州西北一帶已派郝光甲帶兵一千五百名馳
赴正陽關會同劉玉豹之兵聯絡聲援可資捍

衛惟是皖省全局實處萬分棘手之時南之舒
桐懷太潛松六邑西之六安英霍蒙潁等五邑
東之巢廬和含四邑皆爲賊匪占踞往來之區
北路定遠壽州等處土匪又復蠶起冒充粵賊
遙作聲援且賊有約齊巢湖匪徒攻我店埠之
信廬州兵勇一散全皖皆爲所有我若分兵正
中賊計臣等紮營於此實類垓心非敢頓兵堅

城之下爲株守自衛計也奏入

上命軍機大臣傳諭和春福濟曰正陽霍邱一帶門戶洞開全軍爲廬賊所牽掣儻再墮賊奸計復令伺隙北趨勢更不可收拾自應分兵嚴扼北路爲緊要關鍵並非謂廬州可不必攻亦非令秦定三帶兵株守正陽遂不進剿六安賊匪也試問該提督等克復廬郡有無一定把握若廬州不能卽復重兵爲賊牽掣

與株守之防兵何異若能於正陽霍邱一帶扼其要
隘相機進攻六安舒桐等處卽可以防爲勦不但遏
賊北竄且與廬州大軍聲勢聯絡輕重緩急機宜該
提督等何不一加審度耶郝光甲若果足資捍衛何
以不留於廬州可見不如秦定三之得力以賊匪衝
突要路委任非人儻致再有疏失誰當其罪著和春
福濟卽將郝光甲撤回迅速酌撥精銳官兵飭令秦

定三剋期統帶前往正陽關督同劉玉豹嚴密設防扼要堵截其六安霍邱一帶逆賊土匪均責令秦定三相機防勦和春福濟仍卽督率將士設法攻勦廬州不得藉口兵分力單徒事株守一面與秦定三袁甲三等聯絡聲威以資接應

同日曾國藩奏言臣於三月初五日在岳州舟次札飭貴東道胡林翼前平江縣知縣林源恩

前往平江防剿崇通賊匪隨又派副將塔齊布
守備周鳳山帶勇直擣通城旋據林源恩會同
署平江縣知縣汪敷灝暨胡林翼等先後稟報
初二初六兩日與賊接戰疊獲勝仗前後共計
殺斃賊匪千餘賊匪連夜狂奔由通城竄回崇
陽又據塔齊布稟稱初五日自岳起程聞白港
地方有賊匪沿村擄掠初七日督勇至石南橋

進剿斃賊四十餘人生擒二十二名初八日馳
赴通城收復縣城此剿辦平通股匪疊獲勝仗
之實在情形也至岳州一城前經撫臣札飭朱
孫詒帶勇六百人追剿又札王鑫帶勇二千餘
人扼防臣隨身又帶有陸勇一千六百人兵力
本不爲單因崇通股匪過多王鑫於初六日自
岳起程取道蒲圻前進初七日至羊樓司地方

適與賊遇前鋒少挫王鑫率勇踵至殺賊百餘
大股賊匪分四面抄出衆勇勢難抵禦紛紛潰
散初八日仍回岳城初十日早賊大隊卽來犯
岳官軍衆寡不敵勢難拒禦各營以次奔潰惟
監生鄒壽璋一營五百人毫無驚怖被賊數千
圍住各勇併力苦戰卒得衝圍而出殺賊極多
各勇有退回城內者賊卽乘勢圍城三面皆係

賊隊惟西面濱湖一門無賊臣當遣大小戰艦
駛赴西門開礮環擊共斃賊百數十人賊勢稍
卻各勇卽乘隙縋城而出此岳城陸路戰敗水
軍小勝之實在情形也臣奉

命赴下游會勦舟次岳州原飭水陸各勇俱於岳州會
齊俟各勇畢集誓師東下爲肅清江面之計不
料後幫陸勇二千水師二千皆以阻風洞庭不

克依限抵岳而前幫陸勇又先遣千八百人至
平通臣隨身止有陸勇千六百人猝遇金口大
股賊匪數萬來犯遂至潰敗陸路旣已失利水
軍亦無固志初七大風以後各船損壞力難應
敵適因賊水陸大隊全數南竄湘省臣遂乘風
上駛退保省城但冀保此船礮留爲將來殄寇
之資則臣雖蒙恥獲罪亦不敢惜至臣奉

命會勦尙未出境卽有此挫皆由 臣 調度乖方所致請
旨將 臣 交部治罪奏入

上命軍機大臣傳諭駱秉章曾國藩曰岳州陸軍敗潰
水路小勝並船隻遇風損壞已將曾國藩交部嚴加
議處曾國藩所統各勇爲數過多旣須勦辦粵逆又
須搜捕土匪卽如所奏有撥赴平江通城者有撥赴
臨湘蒲圻者又有不能依限前進者散布各處照料

既不能周勦捕自難得力此時肅清江面專恃此軍
曾國藩一人誠恐不能處處照顧著卽與駱秉章妥
爲商推有可協同帶勇之人卽著一面具奏一面飭
令來營管帶以資攻勦四川鹽茶道夏廷樾現已留
於湖南著卽幫同帶勇進勦駱秉章所調兵勇諒已
陸續到省曾國藩師船總以進復岳州兼籌東路爲
要鮑起豹本係水師大員何以不令督帶舟師勦辦

賊匪是否不能得力且該提督何以陸路亦未帶兵
前進著駱秉章等查明具奏

上諭內閣曰此次岳州水軍雖獲小勝惟因陸路失利
以致賊匪復行上竄曾國藩統領水陸諸軍調度無
方實難辭咎著交部嚴加議處仍著督帶師船迅速
進剿克復岳城卽行赴援武昌毋得再有延誤

欽定勦平粵匪方略卷八十八 甲寅年

四月初一日己巳僧格林沁西凌阿托明阿奏言

臨清逆匪於二十五日夜間潛由南門全股向
正南而逸旋於二十六日竄至距臨清二十五
里李官莊盤踞伏查此時臨清截勦至關緊要
臣自應撥派馬隊迅速前往惟阜城圍困之匪
狡猾異常現在時時探看路徑亟思逃竄防範

不容稍疏是以臣一面選撥精捷馬隊一面飛
咨勝保迅飭穆輅帶兵來營一俟行抵阜城卽
飭明慶帶領選出馬隊八百名兼程赴東不敢
稍涉遲緩

同日勝保奏言上月二十六日我兵攻復臨清
州城餘匪向南潰竄臣卽商令德勒克色楞等
帶馬隊跟勦甫過溫涼社浮橋卽追及賊匪與

臣豫派在東南西南截勦之馬隊合力併擊該
逆一面拌命回拒一面狂奔我兵亦分路追截
逆賊驚竄不能成隊殲斃無數德勒克色楞率
領侍衛榮全親自開槍擊斃賊目多名賊衆拖
旗而走復督率馬隊官兵極力掩殺二十餘里
至李官莊地方逆賊已受懲創不敢復行遂全
股竄踞村中時臣亦督兵趕至與德勒克色楞

會合卽令續到馬隊繞赴西南東南先扼其竄
東昌大名之路該逆整隊而出經官兵奮力截
回斬殺多名該逆復列隊抗拒臣卽飛催步隊
官兵奮力攻擊分兩翼抄入擊死又數百名逆
賊始退入李官莊拌命踞住村口臣激勵將士
乘勢由東北撲入該逆每股約二三千拌死衝
突臣督令馬步隊奮力截殺賊屍徧野又用神

威銅礮轟擊斃賊甚多逆衆又退敗入村仍復
槍礮如雨冒死拌拒一時難以攻入臣因天色
已晚若一時急於貪功設有疏失關繫甚重傳
令各軍列隊更番休息嚴防賊匪竄撲詳看地
勢並查得該逆前番北犯時曾在此占踞兩日
修有木柵濠溝竄至臨清後居民因偏近賊氛
尙未歸來溝壘亦未平毀因商令德勒克色楞

纂營西南堵其竄館陶冠縣之路桂明纂營西
北扼其竄尖塚鎮之路善祿纂營正東扼其竄
東省各府之路雙禧克興阿纂營正西扼其旁
竄館陶之路魁福綿洵纂營東南扼其竄堂邑
東昌之路臣駐紮正北扼其北竄要衝並可策
應各路惟正南無兵可撥祇得分撥馬隊晝夜
扼截至李官莊四面空闊周圍二十餘里道路

紛歧 臣惟有竭力圖維設法勦洗並多集人夫
空築濠牆以資堵禦均奏入

上命軍機大臣傳諭僧格林沁曰逆匪由臨清南竄占
踞李官莊經勝保等督兵斬殺尙有一二萬之多若
不趕緊殲除又必負隅抗拒僧格林沁已挑選精捷
馬隊八百名俟穆輅帶兵來營卽飭明慶帶領馳赴
勝保軍營穆輅之兵何以尙未趕到著卽派員一面

催提一面飭令馬隊官兵兼程前進李官莊與東昌
大名等處俱有大路可通該逆詭譎異常難保不繞
越思竄該大臣仍當確探賊蹤妥籌防範至阜城之
賊仍前死守何日始能蕺事朕宵旰焦急日盼捷音
早至著僧格林沁督飭將弁兵勇剋期將此股賊匪
一鼓殲除毋留餘孽

上又命軍機大臣傳諭勝保曰我兵攻克臨清州城餘

匪向南奔竄雖經勝保等督兵追剿殲斃多名而逆
衆尙有一二萬之多全股盤踞李官莊馬隊扼截布
置尙未能周密雙禧之兵業已到營而穆輅所帶官
兵未抵阜城何以如此延玩著該大臣迅卽查明嚴
叅懲辦逆匪現踞李官莊尙有餘存木柵濠溝未經
平毀此時若不乘其喘息未定迅速進攻痛加剿洗
必致敗竄餘匪又成負隅之勢該大臣統兵剿賊總

集賢堂
卷之六十一
三
未殲除淨盡若再令此股幸脫更滋蔓延必將勝保
從重治罪

同日長臻奏言查蘭儀口河面本狹前因中流
沙漲兩邊水勢過溜渡河非易已將船隻裁撤
一切文報歸併柳園口行走嗣經 臣 親臨查勘
積沙數道水亦更淺恐其乘閒偷渡惟有加意
巡查竭力堵截適將軍舒倫保來豫並聞固原

提臣桂明亦折回駐紮劉家口臣當俟該將軍
等到後會商布置以期周密其上游虎牢關移
紮河南府屬練勇一千名現由太常寺卿王履
謙前往查驗臣卽在陳橋鎮扼守柳園蘭儀二
口察看緩急隨時策應並請

飭令河南山東各撫臣轉飭沿河各州縣無分畛域與
廳汛聯爲一氣偵知賊蹤所在會同堵截奏入

上命軍機大臣傳諭王履謙長臻英桂崇恩鄭敦謹曰
黃河形勢散漫前次屢諭沿河督撫嚴飭所屬員弁
分段巡防及至賊由豐工結筏偷渡地方官旣未聞
阻遏於前復不能追擊於後皆由各州縣區分畛域
而聽汎各員亦不肯會籌合勦致該逆陸續北來如
入無人之境長臻所稱分防河口不如各就地方聯
絡扼截較有憑藉亦不爲無見現在臨清股匪經勝

保等克復州城該逆勢極窮蹙回竄李官莊尙未能
盡數殄滅安徽賊匪有欲由蘭儀偷渡再行北犯之
說河南山東沿河地方防範總宜嚴密長臻已將蘭
儀擺渡船隻全行裁撤並在陳橋鎮扼守柳園等處
口岸王履謙亦前赴虎牢關一帶查驗練勇惟桂明
現在山東軍營勦賊舒倫保飭赴豫楚迎勦其劉董
各口及豫東各屬上下游河岸均慮空虛王履謙係

集賢堂
特派巡河大員長臻身任河督英桂崇恩有地方之
責鄭敦謹雖暫時署篆均屬責無旁貸著卽嚴飭沿
河州縣廳汛各官務須聯爲一氣偵探賊蹤所在如
有窺伺河口者飛卽咨會籌商各出兵勇設伏出奇
毋令一匪偷渡儻不遵照辦理立卽從嚴叅劾

初二日庚午台湧奏言臣到武勝關後將潰散兵

勇收集令署提臣佈克慎先行督率前往應山

臣一面督兵前進並飛函諄致河南撫臣英桂
囑其迅催桂明統兵抄出棗陽遏賊竄襄之路
乃籌布甫定而竄擾應山之賊已到隨州阻我
西路希圖斷絕荆襄聲息盤踞德安逆衆又分
大股踵至應山佈克慎所統兵勇聞風卽逃一
潰再潰委靡不可復振臣憤恨之下萬分焦灼
明知此時各路官兵無可徵調籌餉尤屬萬難

豈敢姑爲請兵請餉之說惟大局所關必須從
長籌畫查江西副將羅玉斌所帶赴楚援兵請
飭卽由江北麻城黃安一帶迎賊截擊臣目下惟盼柏
山迅速帶兵前來爲力扼北竄急圖克復郡縣
之計

同日曾國藩奏言道員胡林翼等勦辦崇通股
匪續獲勝仗查崇通兩縣向爲匪徒嘯聚之區

自正月以來居民畏賊多已蓄髮其旁近州縣如通山蒲圻大冶興國咸甯嘉魚等屬亦皆爲賊所踞自初六日胡林翼上塔市一戰十四日塔齊布沙坪一戰又有初二初七十二等日三戰賊勢始就衰挫人心漸有轉機本擬再加兵勇二三千痛勦崇通一股卽可直抵鄂省以資救援不謂岳州陸勇一敗金口大股之賊全數

上竄不特不能加兵再勦崇通且須酌撤通城
之兵回保長沙此皆臣調度乖方不諳軍旅所
致若仗

天威岳州上駛之匪攻勦得手卽日下竄則陸軍仍須
由崇通一路痛加勦洗乃能與鄂省文報相通
其崇通屢次獲勝在事尤爲出力之員弁可否
開單保奏出自

天恩均奏入

上命軍機大臣傳諭台湧曰應山之賊由間道竄往隨
州希圖斷絕荆襄聲息總由該逆知我江北兵勇無
多故敢於東北西北兩路肆行奔突曾國藩現已諭
令仍督舟師自岳州赴援南昌協副將羅玉斌所帶
兵勇復諭陳啟邁飭由麻城黃安一帶直赴台湧軍
營但此兩路官兵趕到尙需時日松潘建昌兩鎮官

兵亦未據奏起程舒倫保已於上月二十四日起程
計日當可到關總兵柏山相距甚近何以尙未趕到
著卽飛速迎提合力進擊該督所謂武勝關黃土關
陝甘兵共一千名加以柏山所帶官兵約有二千餘
名務當激勵將士設法相機進攻力遏賊匪北竄其
荆襄一帶仍須與官文等聲息相通互爲策應

又命軍機大臣傳諭曾國藩曰據台灣奏稱江北賊

情猖獗該督現由武勝關收集疲乏兵勇止有一千二百餘名多係驚潰之餘不可復振而應山之賊又已竄往隨州斷我荆襄聲息德安之賊又分股踵至應山以爲隨州後援鄂省情形萬分緊急曾國藩務當通籌全局迅圖克復岳州直抵湖北武漢之間以資救援至陸路帶兵員弁道員胡林翼副將塔齊布均能勦匪獲勝卽飭由崇通一路痛加勦除與師船

集三 皇恩之田老八十一
聯絡聲勢以期與鄂省會合進攻前在崇通勦賊獲
勝各員著擇其尤爲出力者酌保數員毋許冒濫

上又命軍機大臣傳諭舒倫保曰現在賊勢披猖台灣
由武勝關進勦兵力單弱情形萬分緊急舒倫保無
論行抵何處卽著星夜督兵前進會同兜勦

上又命軍機大臣傳諭裕瑞曰台灣扼守武勝關餉絀
兵單情形急迫前經疊諭裕瑞飛調建昌松潘兩鎮

官兵星馳往援迄今尙無抵鄂消息著裕瑞嚴催此
項官兵迅赴楚北聽候台湧調撥再於川省各營內
添撥精兵遴選將弁管帶剋日起程赴台湧軍營備
調

上又命軍機大臣傳諭英桂鄭敦謹曰楚北軍情萬分
喫緊著英桂鄭敦謹挑選官兵二千名速派得力員
弁卽日管帶起程赴台湧軍營聽候調遣並飛催柏

山迅速帶兵前進武勝關防兵五百名現經台湧札調出關應如何嚴兵扼守並著英桂等妥籌辦理

上又命軍機大臣傳諭陳啟邁曰據台湧奏請飭赴楚援剿之南昌協副將羅玉斌由麻城一帶前進等語著陳啟邁卽飭羅玉斌迅領原帶兵勇一千名由麻城黃安等處繞出賊前迎頭截擊

上又命軍機大臣傳諭青麐曰青麐株守武昌因道路

多梗偵探未確於江北一帶賊勢尙未詳悉現在江北盼望援兵情形緊急甚於武昌該撫所擁兵勇已踰萬人若但用以守禦省垣試問江北再有疏虞武昌豈復可恃辦賊之事雖專責之督臣巡撫亦職任守土不能辭咎著卽酌派將弁抽撥兵勇赴台湧軍營助剿

初三日辛未琦善奏言正月初六日艇船自焦山

乘風上駛進攻金山賊巢連發大礮擊仆黃衣
賊一名餘賊紛紛顛踣隨駛越金山進薄瓜州
轟摧瞭臺二座卽於瓜州上游江面拋泊是夜
狂飈暴作至初九日稍息十一日賊以輕舟載
荻欲乘夜縱火我師俟其駛近豫發大礮擊之
賊舟潛遁次夕復然十三日師船派黃天蕩而
上追及賊船於老河影燬大賊船五隻復追至

泗源溝沙漫洲見賊棄船梟水而逸我師開礮
攻勦奪划船二十九隻焚燬百餘隻次日退泊
黃天蕩十五日見瓜州賊營西北火起知是陸
路官兵進勦卽令廣艇夾擊往來開礮風微溜
急戢駛不靈十六日賊騎百餘馳驟江干艇師
對之開礮賊騎遁去是夜賊駕划船數十隻載
礮環攻該總兵等飭弁兵鎮靜以待計礮力可

及始令發礮擊沈賊船數隻賊猶死拒不退我
師起碇迎風於黑暗中往來衝擊覆賊舟多隻
斃匪無算餘匪驚遁十七日午刻賊匪於江邊
向我船施放槍礮經兵勇開礮擊倒執旗賊數
名至申刻始退是夜復分水陸來犯仍爲我師
擊退至陸路進勦實因瓜州地居卑下濠塹深
廣猝難飛渡正月十五日臣飭滿漢官兵由三

漢河東西兩岸銜枚潛進西岸官兵遇賊接仗
將附近賊巢之草棚房屋悉行燒燬東岸官兵
直抵賊營該逆連放大礮並不出戰十七日偵
知東岸賊匪潛出急飭兩岸官兵夾河追躡該
逆一見官兵卽行退回二十一日署遊擊馬祿
遊擊馬永泰由西岸進剿擊斃多名二十三日
賊匪潛至管家橋經驍騎校喜山帶兵截擊槍

斃十餘名生擒二名據獲賊供稱有僞總制之子陳從右僞師帥陳運從僞監軍張泳城均爲大兵所殺又稱金陵賊渠欲調安慶湖北賊黨至金陵合成大夥再犯揚州等供臣營官兵陸續調赴皖省又經派防宿遷兵數較前頓減如果大股賊匪前來衝突誠恐不敷勦截惟有設法周防竭力堵禦奏入

上命軍機大臣傳諭琦善曰此次艇船由焦山上駛連日接仗雖經擊沈賊船多隻轟斃逆匪多名仍未能痛加勦洗進攻陸路賊匪亦屬小有斬獲該逆蟻聚瓜州屢誘不出一遇官軍進仗輒復退回死守似此狡猾詭譎若再令其負隅抗拒勦辦何日蕝事琦善督師日久朕之倚任不爲不專著卽嚴飭統帶水師鎮將迅速管領各項艇船設法駛進瓜州併力環攻

與陸路官兵會合夾擊毋得藉口火藥缺乏再事遷延至由皖北竄之賊衆至數萬直犯臨清竄踞李官莊地方阜城餘匪亦未能一律肅清畿輔情形萬分喫緊而皖省分踞廬州安慶各匪負固如常上竄湖北逆衆久踞漢陽漢口復由雲夢孝感疊陷德安應山進逼隨州其由金口紛竄之賊又擾及楚南再陷岳郡各路賊情狡獪至此朕昕夕焦急寢食難安琦

善應如何通籌全局爲朕分憂葢爾瓜州攻勦如此費手亦豈不知滅一股卽少一股庶可分兵策應爲漸次廓清東南之計耶

同日英桂奏言頃准台湧咨開賊匪現由應山之馬坪港竄入隨州境內調取武勝黃土各關防兵前往助勦臣思用兵之道量敵而進方能制勝若撤武勝等關防兵歸台湧統帶進勦在

台湧兵力仍爲單弱在豫省則藩籬遽撤且現
在逆匪尙踞德安萬一乘虛抄襲則北竄堪虞
其另股又竄隨州更與南陽府屬之桐柏唐縣
新野等縣接壤必須密籌堵禦方不致貽誤事
機臣正以兵力過單現飭南汝光道余炳燾轉
飭各屬督帶練勇擇要防守以助聲威值此防
堵喫緊若將駐關防兵驟行調赴湖北助勦必

有顧彼失此之虞此外如光州歸德陳州及河
北之彰德等處防兵亦各派守要地無可抽撥
籌思夙夜焦灼殊深 臣 恭讀

諭旨知已

飭令舒倫保統兵馳赴信陽總兵柏山亦趕緊前往實
力堵禦一面飛咨台湧暫緩調撤武勝黃土關
守兵俟舒倫保柏山抵信後酌留弁兵駐守各

關再行相機進剿庶嚴守豫省門戶實斷絕北
竄賊蹤一切布置事宜臣惟有力疾支持盡心
籌辦斷不敢旦夕偷安上負

聖主訓誡諄諄之至意奏入

上命軍機大臣傳諭英桂鄭敦謹曰昨據台湧奏催調
黃土關陝甘官兵已有旨諭令英桂迅飭帶兵各員
出境赴援乃本日據英桂奏報竟有飛咨台湧暫緩

調撤武勝黃土關守兵之語何昏憤若是調兵進剿豈得謂之調撤此時台湧軍營兵勇潰散殆盡若不調河南官兵更有何處可以濟急卽舒倫保柏山所帶官兵全數赴楚猶恐不敷進剿若但知株守本境坐任湖北賊勢猖獗豈此數千分布之兵遂能力保豫境耶前次諭旨令該撫再行挑選精兵星夜前進並催總兵柏山星馳赴援原令其出境迎剿該撫乃

以遵旨嚴防交界要隘爲詞並欲俟舒倫保柏山抵
信陽後留兵駐關方可前進似此必致兩處貽誤該
撫之漫無把握已可概見著英桂鄭敦謹仍遵前旨
飭令武勝黃土兩關陝甘官兵剋日前進總兵柏山
亦當兼程前往台湧現駐應山縣境之東旺店距豫
省較近所有調到豫省之兵卽著台湧相機督率進
剿其舒倫保赴援之兵卽係柏山之後路仍著英桂

沿途飛催並飭經過地方妥爲應付朕所以屢催豫
兵赴楚者正爲嚴遏前路卽以固豫省藩籬該撫所
奏何以尙未深悉朕意耶

初四日 壬申 僧格林沁西凌阿托明阿奏言該逆

自三月二十三日經臣設法誘其離巢殄斃多
名後死守不出數日以來用礮轟打遙見賊踞
村莊煙土飛揚坍塌屋宇甚多斃賊不少惟該

逆刻刻思竄四月初一日丑刻該逆攻撲南面
濠牆拖拉樹柵經副都統那敷德侍衛那爾松
阿參領永奎督飭官兵開放槍礮侍衛綳闊亦
督兵協同轟擊該逆仍拌死撲近濠邊我兵槍
礮齊施斃賊無算該逆退出樹柵復撲向侍郎
培成營壘走入大道踏遇地雷登時煙火衝天
雷聲震地轟斃不知其數初二日子刻該逆又

撲向北面臣托明阿督率已革總兵德坤等帶
兵極力抵禦臣僧格林沁聞報卽派侍衛達崇
阿副都統郭什訥等帶領馬步各隊截勦賊用
噴筒火罐向我兵拋擲拌命攻撲適德勒克桑
布帶領卓索圖盟官兵從旁攻擊該逆力不能
支踉蹌敗退回巢斃匪不下數百名臣等惟有
嚴飭各營帶兵官員仍妥爲防範不得稍有疏

虞至此次尤爲出力之已革總兵德坤已革遊擊格洪額摘去頂戴熱河協領柏林仰懇

天恩准予開復以示鼓勵

同日勝保奏言該逆自臨清竄至李官莊經官兵追擊獲勝並見我兵防守甚嚴欲竄不敢直至二十八日天明馬隊將欲撤回該逆始以全股排隊向西南衝出約有一二萬人我兵分兩

路追殺該逆無心戀戰拌死狂奔德勒克色楞
魁福綿洵克興阿等帶領馬隊一齊馳往追擊
臣恐該逆由西南繞竄西北除各營馬步隊及
臣所帶馬步官兵均令一律緊躡賊蹤外臣自
帶馬隊二百名遏賊由西北旁竄該逆知難脫
身率衆回放槍礮拌命抗拒我兵益加奮勇賊
勢不支追殺三十餘里沿途斃賊二千餘名半

係長髮真賊並有坐八人轎逆首一名經德勒
克色楞督兵攢射該逆身中兩箭帶傷逃竄並
殺死坐轎廣西女賊一名追至清水集地方逆
衆勢難遠竄被我兵偪入村內並占踞附近村
莊三處適善祿督帶步隊趕到縱火焚燒斃賊
約五六百名立將三村奪回該逆由西北竄出
臣親帶馬隊二百名衝入賊隊立斃賊匪百數

十名該逆屢撲屢敗適後隊官兵趕到合力掩
殺開放連環槍礮斃賊無數賊始伏匿村內復
於戌刻全股向東北衝撲經善祿等先後迎擊
斃賊二百餘名惟德勒克色楞當賊撲營時親
率馬隊壓賊黑暗之中左髀被賊槍子打穿血
透重衣彼時殺賊心切尙不覺痛及將賊擊敗
方欲回營竟難立足令人扶回臣親往看視其

傷處雖非要害而受傷頗重臣已囑令安心養傷一面飭令榮全西拉布及塔布囊布彥圖等將蒙古馬隊妥爲管帶俾得一面專意醫調總管平海項受槍傷甚重臣亦諭以安心調養統計日夜殺賊二千餘名生擒二百餘名擊散裏脅及投出者不下二三千名分別從逆久暫蓄髮長短或卽正法或予矜釋奪獲大礮十二尊

查該逆以數萬之衆經屢次痛剿及擊散者十
去六七勢日窮蹙惟該逆情急思竄儻布置稍
有疏漏難保不死灰復燃臣當就現在所有之
兵亟籌勦辦並嚴防東北西北及正西各路如
能將該逆就地芟除固爲上策否則審度機宜
極力布置必當層層截殺以期悉數殲除至此
次帶隊出力各員相應開列請

旨分別給予獎勵均奏入

上命軍機大臣傳諭僧格林沁曰此次逆匪由阜城南面撲出被地雷轟擊殲斃甚多復向北面衝突又經官兵擊退回巢逆勢窮蹙急圖竄逸該大臣已面面安設地雷正當乘此機會誘令出巢悉數殲除惟該逆詭計百出一經受創恐另圖繞越之路或奸細潛通消息知我地雷處所設法揭破不可不防該大臣

務卽懷遵疊次諭旨迅督各路官兵將此股賊匪盡
行掃蕩收復阜城毋令竄出致與東境賊匪會合本
日勝保奏二十七八等日將李官莊賊匪痛剿沿途
擊殺五六千名追至距冠縣四十里之清水集該逆
占踞三村立即奪回復又焚斃多名賊匪現在屯聚
清水集必須併力圍攻而德勒克色楞額受槍傷甚
重不能督帶馬隊平海亦項受槍傷計該逆所最畏

懾者馬隊官兵當此得力之時無人管帶且不敷追
勦著僧格林沁於接奉此旨後卽日飭令明慶將挑
選精銳馬隊官兵八百名統帶起程前赴勝保軍營
隨同勦辦毋庸俟穆輅到營再行換撥該大臣卽將
明慶起程日期馳奏穆輅自桂良奏叅後不知行抵
何處殊堪詫異著僧格林沁迅速檄提仍一面查明
何以日久尙未到營如有沿途逗留情節據實嚴叅

從重治罪

上又命軍機大臣傳諭勝保曰此次逆賊被勦窮蹙向南奔竄經勝保等督兵分路截殺追勦擒斬約有五六千人辦理尙屬得手惟該逆被創情急現復竄踞清水集地方南距冠縣僅四十里若勦辦稍遺餘力又必致負隅拒守以老我師且壤地緊接大名此時自以嚴扼西南兩面爲緊要斷不可任令逆衆肆意

集賢堂大略卷之二
三二

奔突仍復擾及畿疆卽東南一路亦須周密布置盡力追擊總期就地芟除免致餘燼復熾所請添調馬隊本日復諭令僧格林沁迅飭明慶統帶前次選出精銳八百名剋日起程馳赴該大臣軍營協同追剿並毋庸俟穆輅帶兵抵營後再行換調卽著勝保派員飛檄迎提以期迅速所有蘭儀及豐工各河口節經嚴諭各該督撫鎮道等多撥兵勇防守要隘該大

臣仍當督率帶兵各員乘此股竄匪喘息未定一鼓聚殲方爲不負委任若再延時日又致該逆竄擾他處但以追勦獲勝爲詞而不計南北大局貽誤之罪更將誰諉德勒克色楞忠勇之忱朕所深悉疊次勦賊獲勝均能奮不顧身尤堪嘉尙此次親督馬隊進勦於黑夜之中被賊槍打穿左髀血透重衣覽奏之餘實深懸繫已明降諭旨加恩賞賚並特派乾清門

侍衛恩全前往看視用示恩眷仍著勝保先行傳旨
嘉慰令其一面加意調攝俾得及早就痊與勝保等
同心戮力殄此妖氛朕方懸不次之賞爲該大臣等
褒獎勲勞也仍著勝保將德勒克色楞及總管平海
受傷輕重情形隨時馳奏以慰朕懷至賊匪自竄入
山東境內連陷州縣地方文武總未能實力堵截卽
如李官莊賊竄過後其木壘濠牆地方官任令留存

並不平毀可見平日團練防守盡屬空談現在賊匪被勦又將回竄冠縣或東西分竄著勝保傳旨崇恩厲恩官嚴飭地方文武員弁激勵兵勇四面堵擊以助官軍追勦若守土之官漫無布置仍前貽誤卽著該大臣指名嚴叅以肅軍律

上諭內閣曰此次賊匪經僧格林沁等攻擊又轟斃數百餘名賊已疊受懲創惟仍未殲除淨盡克復縣城

著該大臣迅卽督飭官兵設法進攻毋再延誤所有
奮勇出力之已革總兵德坤已革遊擊格洪額及摘
去頂戴熱河協領柏林均著准其開復

上又諭內閣曰此次逆匪奔竄占踞清水集地方經我
兵痛勦已屬殘喘苟延著勝保督飭官兵盡力圍勦
務令就地掃除勿任再有竄逸德勒克色楞督兵追
賊連次獲勝此次親督馬隊擊賊黑暗之中左翼被

槍子打穿猶復奮力督戰實屬忠勇可嘉德勒克色
楞著賞給賽沖阿巴圖魯名號並賞給白玉翎管一
枝漢玉搬指一箇珊瑚豆黃瓣大荷包一對小荷包
四箇小卷江綢馬褂料一件如意拔毒散十料派乾
清門侍衛恩全馳赴軍營傳旨看視以示恩眷副都
統銜總管平海奮勇擊賊項受槍傷並著賞給白玉
翎管一枝白玉四喜搬指一箇小刀一把大荷包一

對小荷包四箇如意拔毒散五料健銳營翼長雙禧
自抵軍營屢次出力著賞還頂戴並開復嚴議處分
其帶隊尤爲出力之黑龍江協領委營總托克通阿
蒙古副管旗章京穆克登額三等塔布囊莫德齊佐
領賽因圖均著賞戴花翎黑龍江驍騎校委參領米
雅明阿著賞給業鏗額巴圖魯名號吉林委參領常
林黑龍江領催委防禦朱爾杭阿杜噶爾札布拉多

爾濟均著賞戴藍翎披甲西們克什克達木林容噶
哩領催巴勒丹均著賞給六品翎頂嚮導處護軍校
福克清阿著以委護軍參領補用

欽定勦平粵匪方略卷八十九 甲寅年

四月初六日 甲戌 兵部右侍郎王茂蔭奏言查徽

郡與浙省相錯距廬最遠陸路旣極崎嶇水路
又不與江通而與浙通故自來安省皆食淮鹽
而徽郡獨食浙鹽蓋前人之因地制宜已如此
本年正月匪徒攻擾祁黟劫財物擄民人其勢
方熾一聞浙省援兵將至相率退去是徽州有

事本省救援不及必賴浙省救之且徽處浙上游爲浙西門戶若有疏虞順流以達於杭實有建瓴之勢徽境皆崇山峻嶺足可控扼能保徽州卽能保浙况蘇杭素稱富庶久爲逆匪覬覦其所以不卽攻擾者以常鎮一路有向榮扼之上年擾及饒州本年擾及祁黟未必非窺伺浙省之意爲今之計似宜稍爲變通以徽郡暫歸

浙江統轄緩急相援可以藉浙之力保徽亦可藉徽之力保浙唇齒相依庶期得力奏入

上命軍機大臣傳諭黃宗漢曰徽州據浙江上游爲浙西屏蔽前次皖賊攻陷祁門竄赴黟縣並聲言欲至屯溪經黃宗漢添派兵勇分路防堵祁黟賊匪旋即聞風退竄茲據王茂蔭奏稱徽浙有唇齒相依之勢保徽卽以保浙並因徽郡距廬郡窺遠江路不通恐

皖省控馭不及欲請暫歸浙省管轄雖係因時制宜
惟地勢情形仍須詳加體察現在該逆雖暫舍祁黟
而去亦恐復來竄撲黃宗漢前於嚴衢各屬節節設
防刻下徽郡有無賊蹤著飭令該府達秀等隨時偵
探飛速稟報遇有警急卽著迅飭前派之將弁兵勇
等出境進剿總以外援鄰封內保本境爲第一要著
其防剿一切事宜諒該撫自能籌畫萬全也

同日崇恩奏言現准江蘇巡撫許乃釗咨稱探
得南股賊匪共計三起竄入永城有偽丞相三
人統之約計共有五六萬人已入蕭碭境內勢
極囂張並據蕭縣獲到奸細供稱已在黃家口
東南築窰土城土濠南面偏近郡城北面聲息
隔絕偷渡竄擾在在可虞奏入

上命軍機大臣傳諭崇恩曰據奏接許乃釗咨稱南股

賊匪五六萬人已入蕭楊境內屯聚日內並未據徐州等處奏報是否卽係前此豐工渡河之匪抑係另股續來者著該撫迅速確查具奏

初七日乙亥勝保奏言賊匪竄入清水集後於三

月二十九日初更時假冒官軍傾巢撲出經臣飭令黑龍江吉林營總那爾胡善台祿托克通阿等分兩翼抄截登時斃賊二百餘名旋見該

逆又分二股一撲善祿之營一撲桂明之營經
善祿督兵迎擊斃賊甚多其桂明之營距賊較
近帳房車馬亦被焚燒經臣飛派侍衛克興阿
佐領常林帶領馬隊馳往接應斃賊一百餘名
餘賊狂奔回巢黎明時復全股撲出臣仍督馬
隊分兩翼抄截合力奮擊斃賊無數初一日督
兵進攻賊巢並用二千斤大礮及神威礮向賊

巢轟擊該逆不能安身於初二日丑刻向南全
股奔竄臣於丑刻整隊密探並親督馬隊緊追
善祿督步隊亦卽前進天將明時見賊衆綿亙
數里當令馬隊分三路馳往奮擊吉林營總台
祿帶兵由北勦殺副都統魁福帶兵由南抄殺
臣督兵由中路一齊吶喊衝入賊隊賊衆自相
踐踏分股亂竄我兵亦分投截殺該逆旋竄入

孝頭谷等六村莊臣先令侍衛蘊秀遊擊穆隆
阿帶馬隊分路抄圍時善祿督催步兵亦至同
時縱火焚燒奮力躍入賊衆自亂各村先後齊
破統計此次殲斃逆匪五六千名逃出生擒者
千餘名其餘零匪南奔冠縣臣已令魁福管帶
馬隊千餘名馳往截剿查冠縣前次失守後被
賊蹂躪城中居民早已逃亡此時城池似已不

能再踞 臣將各村餘匪搜盡督兵已抵冠縣審
度情形該逆如果踞守冠縣 臣自當設法圍剿
以期就地殲除

勝保又奏言 臣追賊至清水集紮營逼近賊巢
相距僅及一里因一時無從雇覓人夫挑築濠
牆是以僅止列隊未能紮營以致該逆暗用奸
細拋入火彈焚燒帳房車輛並延燒火藥數篋

黑暗之中火光忽起後隊官兵及隨營糧臺有
退至數十里之外者卽在營將弁兵丁見賊乘
火撲來亦多心慌意亂若非臣處以鎮定親督
馬隊將賊奮擊回巢則全軍爲之一驚幾至失
利此次營帳雖被焚燒而士氣未挫惟究屬羸
心實難辭咎請

旨將臣及提督桂明一併交部議處奏入

上諭曰前隊有警後隊不但不救轉退至數十里之外
各不相顧何怪乎總未成功著查明先退者正法數
人以儆其餘汝從前軍法尙嚴何歷練日久頓易初
心豈有所回護恐人挾制不敢振作耶朕並非疑汝
汝可返躬自問有則速改

上命軍機大臣傳諭勝保曰此次逆賊假冒官軍鄉勇
焚燒帳房車輛並延燒火藥何以事前毫無覺察如

果步伍嚴整奸細何由得入軍營重地豈可昏夜稍弛防閑想彼時擾亂情形幾欲貽誤大局焉知不由該大臣屢次戰勝心高意滿有此疏虞若僅將勝保桂明議處了事轉足以釋該大臣等疏失之愆而無以見朕諄諄訓誡速望成功之意且初二三日追勦逆賊奪回各村亦尙勇往勝保等姑免置議著將南竄冠縣之餘賊盡數殲擒該大臣旣令魁福馳往截

勦能否不令該逆占踞縣城何以旣稱該逆不能再
踞復稱如果踞守自當設法圍勦可見魁福之能繞
出賊前與否該大臣尙無把握該處緊接大名果係
縣城空虛逆賊無所繫戀尤防其西竄直境復爲北
犯之計仍與阜城賊匪會合該大臣應卽飛飭張殿
元等一面嚴守要隘一面督兵迎擊與大軍合力夾
攻較易得手該大臣仍不得任令該逆肆意南奔一

味尾追縱有斬擒而餘賊愈竄愈南官軍愈追愈遠
北路之援應不靈南賊之勾結更易大勢轉爲牽掣
何以迅就肅清仍著該大臣速將冠縣境內逆匪剋
日掃蕩淨盡朕方懸賞以待正不必先予議處也勉
之懷之

上又命軍機大臣傳諭百勝王夢齡曰昨據崇恩奏逆
匪分三股陸續北竄或卽係前次渡河及由永城折

回六安之賊本日又據勝保奏稱訊據賊供並拏獲
逆信果有囑令後隊渡黃多帶火藥口糧來北接應
之語是北賊之情急求救南賊之希圖續渡已屬顯
然儻堵禦再有疏虞復致墮賊聲東擊西奸計直以
天險要隘棄之不扼任令逆蹤南北衝突復肆狡猾
該鎮道等有心玩視一誤再誤罪豈容誅著百勝王
夢齡於接奉此旨後迅速認真籌辦一面飛探賊蹤

相機迎勦一面嚴扼險隘使之無隙可乘仍與秦定
三袁甲三隨時知照聯絡聲援先事防備卽將布置
情形隨時由驛馳奏總之此股北竄逆匪該鎮道旣
疏防於前若南匪復有偷渡情事朕惟有治百勝王
夢齡以貽誤之罪

同日台湧奏言查賊撲德安郡縣相繼失守兵
勇潰散實堪憤恨此次派往應山各兵勇除佈

克慎將聞賊先逃者手刃三人外其餘尙有九
百餘名迄今杳無蹤跡 臣現已行飭各原營地
方及各府州縣一體盤拏無論何處查獲卽行
就地正法以昭炯戒其失守之府縣文武員弁
尙無下落應俟將來收復城池後彙查確實再
行分別辦理奏入

諭曰府縣失守城池各文武除不知下落外其猶生

者豈能晏然無事並不叅辦著迅查真情不准任其捏飾正法數人或概予正法亦無不可

同日

上命軍機大臣傳諭僧格林沁曰本日玉明等回京呈遞阜城軍營形勢地圖朕詳加披覽布置尙爲周密賊匪自初一日被地雷轟敗初二日復因撲濠被勦後連日作何情狀曾否出撲此時誘賊離巢痛加勦

洗固爲要策但據玉明等面奏僧格林沁曾帶親兵
數人輕騎誘賊爲賊匪大股抄圍勢甚危急大兵隨
後趕到始獲全勝按之該大臣二十六日所發奏報
情節適合該大臣因逆匪堅匿不出急欲圖功輕於
一試固屬不得已之苦衷惟統帥爲一軍之主國體
攸關非如偏裨將弁專以衝鋒陷陣爲功前此該大
臣在王慶坨時輕騎前往天津朕卽有硃批詳示並

非教以畏葸輕敵冒險究非統帥所宜該大臣務當督飭將士將阜城賊匪設計殄除於勇往之中仍寓持重之意庶免朕心懸繫至圖內所繪阜城東面紮有董占元營盤該革員前在懷慶打仗卽不甚得力數月以來直隸軍報從未敘及該革員隨同打仗究係何時留於該大臣軍營是否尙堪驅策著卽認真察看毋稍遷就現在山東逆匪經勝保連日追殺竄

往冠縣一帶所餘之賊不過數千冠縣與大名接壤
已諭勝保嚴飭張殿元達年實力堵剿防其西竄惟
擒獲生賊搜出阜城逆匪書信仍有催其迅速救援
之語是阜城一日不靖賊心一日不死儻再有續來
逆匪勢必又肆鴟張僧格林沁固不可恃勇輕進亦
不可專恃長圍致延時日也

同日

上命軍機大臣傳諭文謙曰前因天津紳勇於上年九月閒保守城池出力曾降旨將在事之文武員弁紳民兵勇等分別獎敘復諭文謙等將其餘各員弁及出力之紳董商民俟事竣再行請獎迄今已逾數月聞該郡各紳勇於逆匪竄踞獨流時每幫同官兵打仗其中奮勇殺賊赴義捐軀者頗不乏人並聞該處附城紳董多出資募勇晝夜嚴防使逆衆不能乘間

關入實屬同心敵愾奮勉堪嘉著文謙卽遵照前旨
將未經保奏之出力官紳兵民等迅速查明奏請恩
施以昭激勸並將節次陣亡各勇按名詳查咨部議
卹以慰忠魂現在阜城之賊尙未殲除淨盡天津爲
近畿重地仍著文謙等諄勸各紳民認真團練保衛
鄉閭並飭令所屬各縣一律辦團儻能始終奮勉衆
志成城朕必將該郡紳民優加獎勵正無慮勞績不

能上達也

初八日丙子僧格林沁西凌阿托明阿奏言近日

狂風大作塵沙飛揚臣等因恐出隊輕進致誤

事機嚴飭各營不分晝夜巡守長圍以防潰突

初四日夜該逆撲近濠邊我兵槍礮齊施追至

埋有地雷處所被轟逃回初六日子刻該逆復

趁風勢向東南培成營盤捨命豕突該處與烏

集賢堂
卷之二
三

凌額防所相連雖經培成烏凌額等極力抵禦
竟被撲出重濠順風拋擲火彈噴筒將培成等
營內帳房焚燒培成督兵奮擊未容竄潰臣一
聞逆匪竄出立即催調各營馬隊趕至該處合
力截殺我兵奮勇直前殲殄逆匪無數該逆退
至濠邊死拒不回我兵總未容其突出此時惟
有俟狂飆暫息或不致債事蕝此垂成之功

設竟不能兜攔臣等立即前截後追亦不敢任其遠颺至培成等營盤失挫任賊突出雖因風勢太猛人力難施究屬堵守不力相應請

旨將侍郎培成摘去頂戴責令立功以贖愆尤副都統烏凌額亦有應得之咎惟是日進攻頭受槍傷請從寬免議臣僧格林沁統率無方以致官兵營盤挫失應請一併議處奏入

上命軍機大臣傳諭僧格林沁曰阜城軍營濠牆樹柵層層布置已有月餘之久何以逆匪撲出竟無攔阻致令焚燒營盤直抵濠外抗拒不回是連日安設長圍全不得力其防守官兵所司何事實堪痛恨今該逆死踞濠邊雖未全竄已在長圍之外防堵愈難且該逆屢出竄撲皆向東南一帶顯係欲從景州德州等處潰逸與南來之賊勾結現在臨清賊蹤雖已漸

遠仍在冠縣境內距直隸大名甚近若向東南竄出
由景州故城循運河而南便可合爲一股卽使我軍
能向東南力截又恐大兵全聚一隅該逆窺我他處
空虛陽撲東南潛向東西北三面突圍衝撲尤爲可
慮僧格林沁不能迅速奏功轉以人力難施爲解看
其光景直似束手無策若不能將撲出之賊全數截
回極力殲戮致令稍有疏虞朕自能將僧格林沁從

重治罪不僅以議處了事所稱前截後追不任遠颺等語亦係毫無把握之事總以就地殲滅爲要至此次撲出賊衆是否係阜城內外全股突出抑城關兩村仍有賊匪聚伏我兵以全力扼其東南設該逆窺我空虛處所分投奔突轉致我兵疲於接應又墮賊聲東擊西之計該大臣務當通籌布置毋稍大意

上又命軍機大臣傳諭勝保崇恩曰阜城逆匪被圍日

久窮蹙思竄冀圖與南賊會合現旣大股向東南衝
撲雖經兵力截擊仍復退至濠邊死拒不回萬一防
勦稍疏該逆必致伺隙南奔其由景德二州折而西
南至臨清冠縣不過數百里之遙一經奔突勾結勢
必復肆鴟張而勝保一軍轉有腹背受敵之患冠縣
逆衆不過六七千人若此股迅就殄滅卽移得勝之
師向北迎截庶勦辦可期得力該大臣務卽速籌南

北兼顧全策先將現辦之賊聚殲淨盡免致稽延時
日並如何堵截北路竄匪以勦爲防總期計出萬全
毋墮該逆聲東擊西奸計崇恩身膺疆寄現駐臨清
距直境較近若阜城之匪竟致突圍而出該撫帶兵
迎擊亦甚便捷儻敢畏縮不前或藉詞株守一隅朕
必治該撫以貽誤軍情之罪其由慶雲鹽山至山東
武定並清河大名與山東交界處所均著崇恩嚴飭

各該地方文武實力籌防如守土之官仍前玩誤卽著隨時嚴叅懲辦從重治罪

上

又命軍機大臣傳諭桂良曰阜城賊匪大股衝突重濠向東南培成營盤拋擲火彈將營內帳房焚燒勢甚猖獗雖經僧格林沁等督兵堵截現在死拒濠邊尙未回巢難保不四出紛竄該處東通連鎮北達獻縣東南與景州西南與武邑衡水均屬壤地毗連最

關緊要著桂良嚴飭各該地方文武員弁嚴密防範
斷不可令賊蹤乘間闖入至臨清餘匪昨據勝保奏
現已竄至冠縣又經官兵殲戮甚多亦須防其竄入
大名等處著該督仍飭令張殿元懷遵前旨盡力截
扼或酌量帶兵出境迎擊不得專事防守仍著桂良
與僧格林沁勝保載齡等互相知照並多設偵探將
界連阜城各地方情形隨時迅速奏報

上諭內閣曰阜城賊匪久經官兵圍剿窮蹙思竄於初六日夜間乘風撲出重濠向培成等營盤拋擲火彈噴筒焚燒帳房雖經僧格林沁催調各營馬隊合力截擊斃賊無數該匪死拒濠邊尙未竄出實屬防範不力培成著摘去頂戴烏凌額因擊賊受傷免其置議僧格林沁未能先事豫防著傳旨嚴行申飭仍著該大臣督飭各路官軍盡力圍剿務將此股逆匪悉

數殲除毋任竄逸

初九日丁丑勝保奏言逆賊竄踞冠縣將西北關

廂及附城村莊占踞臣督兵進攻奮勇抄殺斃

賊二百餘名訊獲賊供該逆有回南逃命之語

臣以賊若窮竄步隊萬難趕上當囑善祿督押

後隊官兵臣督帶馬隊緊追該逆於初三日亥

刻乘夜向僻路奔竄其後隊賊匪暫留冠縣牽

掣我兵惟爲數無多經善祿督飭官兵擊殺淨
盡賊分股竄至張秋鄆城一帶臣督令魁福等
分路截殺賊衆奔潰我兵槍箭齊施奮力追截
殺賊四五百名該逆沿途拋棄器械米麪無數
伏匿附近各村莊抵死抗拒我兵併力擊殺復
乘風縱火燒燬各村莊斃匪不計其數餘匪冒
火突出奔上梁山復經官兵追殺殲斃數百名

四散逃命及棄械投出者不下千人臣仍親督馬隊乘夜馳往追殺總以殄滅爲期奏入

上命軍機大臣傳諭勝保曰此股逆匪屢經我兵追擊所餘不過四五百人其勢已極窮蹙惟由冠縣莘縣及陽穀一路竄赴梁山復由梁山南竄賊勢剽疾異常必須乘其喘息未定奮力窮追尤應派員管帶馬隊設法繞出賊前兩路夾擊庶可聚而殲旃若徒事

尾追轉恐該逆沿途裹脅逆燄復張或占踞村鎮又
成負嵎之勢著勝保卽督飭馬步各隊迅速追剿總
期四面兜圍爲一鼓蕩平之計逆匪由梁山南竄究
竟欲往何處著該大臣迅卽確探賊蹤痛加剿洗至
投誠裹脅之衆該大臣擇其有技勇者留於軍營效
力自爲解散賊勢起見然必須加意防範前次勝保
及桂明營盤被焚安知不有此等奸匪內外勾結賊

情詭詐異常務當慎密周防不可因屢獲勝仗稍涉大意

上又命軍機大臣傳諭崇恩曰前有旨令崇恩查探何路緊急卽往何路勦捕或赴勝保軍營協勦不得株守臨清誠以該撫統轄全省賊匪尙在東境自應統籌兼顧藩司厲恩官與知州黃良楷駐紮東昌東南一路務卽酌量情形嚴飭該員等分兵截勦濟甯爲

水陸要衝該處團練甚多尤須分布要隘防賊紛竄
不得以有勝保等在前勦賊稍存諉卸

上又命軍機大臣傳諭百勝王夢齡曰逆賊由冠縣竄
出復由鄆城縣之梁山地方南竄此股賊匪經勝保
等督帶官兵跟蹤追勦勢窮力竭必至南向狂奔儻
有續來股匪又將勾結爲患徐州東省交界百勝等
統兵防堵當一面力扼河岸不可使南來賊匪乘間

偷渡一面仍當確探北路賊蹤如勝保等追擊漸近
卽著提兵前進與勝保等合力兜剿儻南匪或有偷
渡北匪竄至該處境內並無官兵攔阻截剿朕惟百
勝等是問

同日琦善奏言連日由三汊河東西兩岸進剿
殲斃賊匪數名及數十名不等四月初一日賊
匪百餘人出土城拒戰官兵施放連環槍礮斃

賊數十名叅將鞠殿華等由東岸進勦直抵賊
濠斃賊數名至江中賊船往來靡定疊經武慶
等破之於浦口等處現據獲賊供稱逆賊欲用
鐵鎖橫江以阻舟師艇師各船協力防勦候風
修艤動輒經旬臣已嚴飭趕辦卽日上駛查統
帶艇師各船雖有總兵四員而蘇松鎮葉常春
署狼山鎮李德麟均係革職留任溫州鎮陳世

忠係革職留營署定海鎮周士法係遊擊護理
兼之葉常春近又多病在營水師將領亦少出
色人員設有更換無人可委相應請

旨飭下閩浙總督於水師副將以下各官中遴派數員
迅速前來幫同管帶戰船聽候差委奏入

上命軍機大臣傳諭琦善曰此次官兵由三汊河東西
兩岸分路進剿仍不過小有斬獲該逆一經挫敗卽

堅拒不出似此曠日持久以蕞爾瓜州竟不能出奇
制勝力破賊巢該大臣貽誤遷延罪將誰諉至浦口
六合兩處屢有賊船駛至甚至登岸焚掠雖經官兵
擊退而該逆狡猾異常必仍思乘隙肆擾該大臣務
當嚴飭武慶等實力防勦不可稍涉大意水師艇船
專爲肅清江面前此駛至黃天蕩頗爲得手正可乘
機上駛將江面賊船盡數掃除豈可藉口於候風修

江南賊船在瓜州一帶江面游駛經琦善督飭水師
鎮將於老河影沙漫洲等處屢加攻勦正當喫緊之
際著王懿德黃宗漢葉名琛柏貴迅卽於閩浙廣東
水師副將以下各官內遴選數員飭赴揚州琦善軍
營聽候調遣前據葉名琛等奏飭委總兵謝焜督同
署副將梁顯揚統帶拖風船吳全美陳國泰督帶紅
單船前往江南諒早起行仍須於此數員外另揀得

力數人迅飭前赴揚州不得以無員可撥藉詞推諉
同日和春福濟奏言廬州逆匪自臣等移營後
節次督率官兵奮力攻勦奪獲賊營多座燒燬
賊巢十餘處先後斬擒不下四五千名三月十
五日該逆於北門添築營壘我軍奮勇爭先立
將賊營三座同時奪獲接仗六時之久斬擒甚
衆洵屬大振軍威自應乘勝奪取城垣經臣等

連日派兵各帶雲梯出其不意三面圍攻乃官
兵將及城根該逆已有準備我軍攻擊多時逆
匪槍礮頻施未能得手現在已飭各營移紮河
邊偪近賊巢設法圍攻以圖克復奏入

上諭曰惟有切盼捷音之至雖廬城克復安慶等府縣
猶須費手恐克復廬郡亦祇空言儻卽日克復撫恤
一切固應急辦然到處皆賊福濟斷不能安坐省垣

和春福濟又奏言遵

旨飭派秦定三馳赴正陽關督率官兵扼要堵剿以遏

逆匪北竄奏入報

聞

初十日 戊寅 向榮奏言金陵逆匪屢出窺伺礮臺

臣令將大礮對準朝陽門日夜轟擊所有城頭
當面望樓瞭棚擊毀一空二十一日 臣復親督

隊伍至礮臺察看形勢適東風大作可用火攻
因令勁兵槍撲賊營施放火箭噴筒該逆抵死
不出復查聚寶門外雨花臺屯聚賊壘數處二
十五日二更後傳令前往襲攻詎該逆防守甚
密哨見兵勇潛來遂卽鳴角相應城上大礮與
賊壘槍銃一時併發我軍仍冒險攻撲施放火
具黑夜未知賊斃多少攻至天明賊匪愈集因

恐該逆抄我後路隨卽撤退其進攻太平朝陽
兩門之兵亦未得手祇可相機另籌攻取至鎮
營當蘇常門戶堵剿尤爲緊急業經 臣 抽撥廣
東壯勇五百名赴鎮助剿力圖克復奏入

上命軍機大臣傳諭向榮曰本日閱該大臣所奏仍不
過敷衍塞責於攻剿各情毫無把握至進攻鎮江亦
未能卽時克復城池向榮統領全軍攻剿逆匪是其

專責乃屯兵日久師老餉糜不能出奇制勝埽穴擒
渠似此觀望遷延自問當得何罪江南勦賊必須力
扼長江爲水陸夾攻之計廣東所備船礮昨已諭令
琦善派員迎提爲攻勦瓜州之舉此項船隻專爲肅
清江面而設該大臣與琦善分勦江南江北所辦實
係一事況江路一通使南北之賊聲勢不能聯絡則
該大臣等勦辦均可得手所有廣東各船並著向榮

與琦善會商飛速分提以資攻勦湖南舟師一時不能駛赴下游該大臣惟當就現在兵勇並飛催前調之閩廣官兵迅速設法籌勦一面嚴飭余萬清督率弁兵剋日收復鎮江毋得株待湖南船礮致誤事機同日崇綸青麀奏言該逆現踞漢陽漢口一帶沿江設立木椿三層高約丈餘復築土牆一重意在專困省城臣等覩此情形日夜焦灼此時

江水正漲兵力旣單又無船隻可渡經 臣崇綸
委員四處搜覓僅得小划二百餘隻加以礮船
百餘隻商令設法進攻旋經已革總兵楊昌泗
等在塘角江岸等處督戰二十一日自丑至巳
鏖戰四時之久斃賊甚多維時攻勦漢口南岸
之兵勇已曾兩直抵北岸將該逆大小船隻用
水隊包裹該逆情急投江者不計其數惟該逆

沿江一帶木椿數層十有餘里木椿以內全是
陷坑泥滑不能登岸旋卽收隊此次剿賊獲勝
出力弁兵可否量予鼓勵之處出自

逾格恩施奏入

上諭曰此次並非大勝何必如是鋪張出力人員姑念
其處於賊中處處棘手尙能小有斬擒且固守多日
省垣暫可無虞著准其擇尤保奏數員以示獎勵

青麀又奏言探聞德安府已於初十日被賊占
踞該府所屬之雲夢應城應山均爲賊踞臣前
在德安起程時曾面向台湧商及一時調兵不
及祇可將城外附近之勇暫爲紮營一俟有警
再將各勇招集詎臣起程未及三日已將各勇
裁撤以致漢陽黃德等府蹂躪不堪臣甫經莅
任又值省垣被圍已逾兩月外援不至內餉已

虛當此時勢乖舛萬分棘手之際除設法偵探
再行奏報外不敢不豫爲陳明奏入

上諭曰德郡之失固台湧之罪然潰散情形出乎意外
汝在彼時幸賊未至設該逆已撲德安汝豈能守現
雖憤惋已無及矣汝摺云不敢不豫爲陳明太不成
話不過希冀免處分起見亦覺小器朕非臆度於事
後實時勢所必然也

同日駱秉章會國藩奏言逆賊自二月由水路
上竄湖南被兵勇擊退茲復糾聚醜類水陸並
進大舉南犯賊船數千號分泊長沙之靖港湘
陰之樟樹港等處距省城數十里陸路之賊由
靖港取道甯鄉直趨湘潭臣等現派兵勇馳赴
湘潭相機攻勦仍留水路四營扼紮下游以遏
其上竄之路奏八

上命軍機大臣傳諭駱秉章曾國藩曰賊匪前由湖北復擾岳州陸路官兵失利曾國藩遽率水勇礮船回省守禦疊次諭令與駱秉章熟籌防勦相機進攻不得株守長沙原以楚北賊勢猖獗肅清江面專恃南省水軍茲據奏稱該逆水陸並進大舉南犯賊船數千號分泊靖港樟樹港等處距省數十里陸路之賊由靖港取道甯鄉直趨湘潭是該逆已繞越省城何

以毫無阻隔曾國藩所帶礮船練勇甚多何以未經
與賊接仗胡林翼塔齊布所帶各兵現在何處勦賊
該撫前調江忠濟募勇赴援並添調辰州官兵計日
約可到省且鎮筸鎮標兵丁素稱勁旅並辰沅道所
轄屯兵亦可酌調來省著駱秉章曾國藩卽就本省
弁兵設法布置迅掃賊氛

欽定剿平粵匪方略卷九十 甲寅年

四月十二日 庚辰 勝保奏言該逆竄擾梁山後於

初六日丑刻向南奔竄經臣軍疾馳三十餘里始能追及沿途斬殺數百名該逆至鉅野縣因官兵緊躡穿城而過不敢少停適有告假在籍頭等待衛田在田率領團勇千餘名將其截殺百餘名逆衆又復南奔官軍追至陽山地方又

斃賊二百餘名並將山下要路截住臣先派馬
隊赴金鄉池南自督馬隊從北繞東縱擊該逆
果於夜半潛竄經先到之兵分路迎截不敢入
城臣一面分飭吉林黑龍江官兵追殺賊之前
隊一面留兵分圍各村極力搜殺斬獲一千餘
名其裹脅之衆臣本欲一概加誅見其伏地痛
哭詞意懇至且察其情狀蓄髮雖已數寸其中

多係商賈莊農遂仰體

皇上德意准令薙髮派副都統綿洵常亮妥爲料理就

近發交金鄉縣安置分起解歸臣一面馳追前

隊之賊午刻過曹馬集沿途皆有斬擒行至趙

莊又有賊衆數百不能狂奔入村占踞經吉林

黑龍江營總巴彥呼朗莫爾賡額等斬殺殆盡

仍復極力窮追尙餘逆匪二三千人竄入豐縣

城中臣趕到後查知百勝派山西大同鎮兵六百名在賈家樓一帶堵截臣復派營總那爾瑚善托克通阿帶領馬隊官兵四百餘名先行馳赴盤龍集一帶以便截擊一面分撥各起馬隊圍列縣城西北西南兩面以便覘賊動靜設法勦辦奏入

上命軍機大臣傳諭勝保曰該大臣前奏逆匪奔上梁

山乘夜南竄計節次擊斬所餘不過四五百人我兵
步隊縱或不能趕到何以跟蹤追擊之馬隊亦不能
極力扼截致令徑由鉅野金鄉竄入豐縣我兵忍飢
追趕晝夜馳騁誠屬實情而該逆於鉅野穿城而過
金鄉不敢入城沿途皆曾被蹂躪之區諒亦無可擄
掠以窮蹙喪膽之衆其行轉疾於得勝之兵殊不可
解豐縣緊接黃河設再令由偷渡處所依舊南奔該

大臣但事尾追竟不能將此窮寇掃除淨盡但謂河北肅清豈遂可以塞責若令久踞豐縣又復築壘空濠我兵但事圍攻如靜海阜城故事久且仍令逸出與皖省賊匪復圖勾結勦辦何時蕝事該縣前經賊匪竄擾疊經諭令百勝王夢齡嚴防河岸不准南來之匪續行北竄卽不得令北路之匪回竄而南何至一無準備縣城復爲賊踞是否該縣文武先期逃避

該處土匪勾結開城該鎮道專轄河工地方何以不
派兵迎截與該大臣追兵合力夾擊著該大臣查明
速奏並先將畏葸逃避之員卽於軍前正法至所稱
乞降脅衆三百餘名旣已蓄髮數寸豈得因其詞意
懇至信爲商賈村農墮其奸計其甘心久於從賊卽
應概與駢誅且金鄉甫被滋擾民心未固又以此項
降衆多名安置該縣焉保其不故智復萌爲河北留

此餘孽並恐豐縣城內卽有似此匪徒先行潛入以致迎賊失陷該大臣務須濟以嚴明不事姑息將此股餘匪勦殺無遺迅卽收復縣城萬不得令復行渡河滋擾致干罪戾

上又命軍機大臣傳諭楊以增百勝王夢齡曰前此逆匪由豐工竄越黃河長驅北犯百勝王夢齡近在徐州防河是其專責乃任令逆衆從容紮筏偷渡數日

之久一無攔阻已屬形同聲曠比經勝保由臨清扼
截追殺該逆果卽亡命南奔節次嚴諭楊以增並百
勝王夢齡等加意嚴防毋令南賊續行偷渡北賊乘
虛竄入該鎮道等應如何實心堵禦稍贖前愆茲據
勝保馳奏由鄆城之梁山一路追勦直至金鄉以南
沿途斬擒無算下餘逆賊二三千人竟於初七日竄
入豐縣城中是直以厯奉嚴旨視爲具文殊堪痛恨

該逆負嵎死守乃其長技豐縣一城爲南北衝要西
與豫皖接壤尤不可不防其會合勾結致令廬州六
安之賊接踵而至復肆鷓鴣張著楊以增嚴飭百勝王
夢齡一面就現有官兵練勇督令隨同勝保協力進
攻一面分防南北河岸毋令該逆復又乘隙竄突儻
賊匪不能剋期剿滅堵禦仍有疏虞朕必將百勝王
夢齡立予正法斷不能再從曲宥楊以增職司總河

亦不得以該處距清江稍遠謂可置身事外希冀倖
邀寬典也懷之

同日琦善奏言查浦口六合均係江防要地若
有疏虞可由陸路繞至揚城西北襲我軍後路
又可由儀徵沿江而下水陸並進所關匪細此
次賊船滋擾浦口連日屯泊江干並不駛回南
岸愈聚愈多臣於無可抽撥之中復撥馬步官

兵五百餘名馳往策應並擬將德崇阿錫綸所帶馬步官兵暫調回揚相機派撥奏入

上命軍機大臣傳諭琦善曰本日據琦善奏報仍係賊撲浦口等處於瓜州攻勦情形毫未敘及前次賊在揚州並未大受懲創不過從容遁去朕僅將琦善革職稍示薄懲猶復畀以勦賊重任原冀琦善愧奮圖功乃自事權歸一以後仍不能迅克瓜州於艇師推

誘藥鉛缺乏事事歸過於人於接仗進攻不過小有
斬獲遷延至今轉稱瓜州浦口兩處皆當要衝竟似
有不能兼顧之勢數月以來所布置者安在總之琦
善所統之兵如何調撥應防應剿朕皆不爲遙制但
以瓜州之賊能除浦口之防無誤爲真實憑據若僅
以抽撥隊伍拏獲奸細數日一奏或囁於虛聲束手
無策儻賊匪果有再撲揚城之事琦善卽陳奏在先

遂得諉爲無罪乎著卽嚴督水陸各軍趕緊進剿並
浦口續辦情形迅速馳奏不得再有延誤

同日荊州將軍官文副都統貴陞奏言據荊州
府知府達昌阿等稟稱土匪勾結逆賊於三月
初五日竄擾監利沿江水陸道路梗塞荆郡東
南皆爲賊匪盤踞之地臣等現派兵在荆郡水
陸各要隘嚴密防堵以截其上竄之路至岳州

大股賊匪乘虛窺伺不可不防相應請

旨飭下四川督臣令將巴東駐紮松建二鎮官兵二千
名迅速來荆助剿奏入

上命軍機大臣傳諭台湧官文貴陞曰現在漢陽漢口
一帶賊蹤未就殄滅德安應山等處逆燄復肆狻獠
而監利一縣又被土匪勾結逆賊竄踞城市該處接
壤江陵爲荊州要衝亟應及早殲除免致蔓延爲患

官文現復添派弁兵前往協勦合之守備福興等管帶進勦之兵勇一千二百名是否全敷勦辦駐紮巴東之建昌松潘二鎮官兵節經諭令裕瑞迅飭帶兵之總兵雙保福忻飛速前進何以尙未趕到著官文等趕緊派員迎提毋任再有延宕一面就現有兵勇督飭在事文武員弁併力截勦剋日收復縣城貴陞統兵駐紮荆郡水陸要隘自係爲嚴密籌防起見仍

須探明逆蹤所向相機迎擊力扼賊衝其竄回岳州
之賊大舉南犯已由甯鄉直趨湘潭並著官文激勵
城守兵丁妥爲布置以固藩籬

十三日辛巳僧格林沁西凌阿托明阿奏言逆匪

自占踞濠邊我兵連日進攻斃賊無數並雇覓
人夫另挖長濠該逆恐長濠工竣不能脫逃於
初九日夜全股南竄臣等當卽帶領馬隊官兵

集三皇國大明卷之十一
跟蹤追擊沿途殄斃多名奪獲大礮三尊該逆
分爲兩股一股抗拒我兵一股竄至連鎮查連
鎮東西兩鎮中隔運河我兵追至河邊苦無船
橋臣僧格林沁沿河尋渡至距連鎮二十里之
東光縣地方始得渡河該逆已搶劫民間木料
搭造浮橋占踞東西兩鎮並附近村莊現在臣
僧格林沁臣西凌阿在河東紮營臣托明阿在

河西屯紮趕緊催調步隊以便合力進攻並令
侍郎培成副都統那敷德帶領馬隊官兵星夜
馳赴桑園地方擇要屯紮一得該逆竄逃之信
卽迎頭截擊奏入

上命軍機大臣傳諭僧格林沁曰此次追勦賊匪雖有
斬獲而我兵傷亡亦復不少該逆竄據阜城已幾兩
月朕疊降嚴旨諭令掃穴擒渠不准再有竄逸於該

大臣調兵調礮無不立允所請原冀僧格林沁早將
此股賊匪殄滅以保全朕倚任之恩茲閱該大臣奏
報卒令潰圍撲出復踞連鎮我兵追剿又落後著該
大臣疊次所謂布置者安在連鎮地方分據運河兩
岸西南可達景州東南可達吳橋由河而北又距泊
頭鎮不遠若不就地殄除又恐蹈獨流故轍剿辦何
時戡事此股竄匪務當乘其喘息未定督飭馬隊官

兵實力截擊悉數殲除儻令該逆又在連鎮地方久踞或又竄踞他處朕必治僧格林沁貽誤之罪別亦無可再諭矣

同日文謙奏言據青縣等處稟報阜城賊匪全股竄至連鎮查該處距天津三百數十里一水可通該逆亡命狂奔去來未定津郡較爲喫重防守甚單查現在駐守楊村之載堪距津較近

如賊匪實係東竄 臣卽帶勇相機前進可否先
令載堪帶兵來津會勦奏入得

旨惠親王等速行酌擬具奏

同日巡防王大臣奏言查載堪帶兵駐守楊村
情形不甚喫重而距津較近應由 臣等札知載
堪將所帶駐守楊村之兵先行赴津合力防守
奏入

上命軍機大臣傳諭載齡曰阜城逆匪全股南竄占踞連鎮東西兩鎮並附近村莊該處距天津三百餘里一水可通該逆亡命狂奔津郡較爲喫重現存兵勇單薄著載齡迅卽飭令載堪將駐守楊村官兵五百名卽日管帶馳赴天津與文謙合力守禦

上又命軍機大臣傳論文謙曰阜城賊匪竄踞連鎮跨占運河與天津一水可通自應豫爲嚴密防守該郡

存兵分撥各處殊虞單薄載堪帶兵五百名駐守楊村該處情形現在不甚喫緊而與津郡相距較近已諭載齡派令載堪將所帶之兵由楊村移赴天津會同文謙合力守禦著文謙就現存兵勇與載堪慎密妥籌並激勵紳民同心勦力幫同巡緝以期先事豫防

十四日
壬午
勝保奏言該逆占踞豐縣城垣臣於

初九日親督兵勇分攻四門並令綿洵克興阿
托克通阿繼福列隊於東北南三面臣親率馬
隊列於西面督陣該逆匿於屋內由牆孔放槍
臣急令兵勇等奮勇向前拋擲火罐噴筒木城
之內火乘風勢西南北三面同時延燒賊衆大
亂避匿入城其被馬隊衝散餘賊紛踞沿途附
近各村者經善祿及各地方官並聯莊團勇等

搜殺無遺臣揆度賊情窮蹙已極斷難久踞當
卽乘馬詳看城外地勢指示帶領馬隊各員分
路布置二更後賊果向西南竄出因見我兵列
隊甚嚴折而東竄臣卽督令馬隊馳往李九集
一帶杜其西竄並派官兵於蟠龍集口門扼住
南路一面令善祿赴東南督擊復派綿洵托克
通阿乘夜跟蹤追截擊殺十餘里天色微明賊

衆向東狂奔我兵追及賊復拚命抗拒我兵奮力擊殺斃賊數百名賊勢不支拋棄槍械向前奔竄我兵追殺已抵漫口支河河水陡漲湍流甚急馬賊千餘名均陷泥淖我兵乘勢掩殺斃賊無數逆衆百餘圍繞逆首旋轉河岸經我兵連放槍箭擊斃數十人該逆自知無可倖逃一同躍馬入水僞丞相曾立瑄許悰洋登時淹斃

偽副丞相陳侍保據獲賊供稱已於本月初二日在冠縣孝頭谷地方被官兵殲斃並斃其僞指揮陸姓藍姓其餘廣西老賊俱已盡數殲斃淹沒並無一名漏網查此股逆匪渡河北犯旣欲救應阜城又欲直趨津郡自攻陷臨清後賊志益肆經臣等日夜勦辦逮克復臨清痛殲逆黨辦理雖漸得手而該逆猶窺伺東昌大名等

處希圖北犯自清水集殲去悍賊之半賊膽始
寒此次所餘數千逆衆頃刻殲除實足以快人
心而伸

天討其在事文武員弁兵勇可否仰懇

天恩准臣擇其尤爲出力者酌量保奏以示鼓勵

勝保又奏言臣所統馬步官兵從征日久器械
衣履俱多不齊若不暫予休息令其趕緊製備

勢難整旅南下各處征兵距營遠近不一若令其歸伍備辦往返需時不日卽當南征又恐有誤調遣臣查大名曹州距黃河最近與河南接壤俱屬緊要之區再四思維擬將步隊暫駐曹州馬隊暫駐大名俾得休息以便南下其器械衣履卽令趕爲備辦聽候調遣臣現擬統帶黑龍江吉林馬隊官兵並直隸通永宣化正定天

津步隊官兵北上將步隊官兵卽留阜城助勦
仍酌度緩急如需臣會合辦理卽當前往會辦
俟蕝事後再行進京儘僧格林沁可以得手臣
卽將所帶官兵留於阜城兼程入都面聆

聖訓現在阜城逆匪南竄必當爲迎截之計臣卽統帶
所部分兩岸前進相機迎截以期殲斃無遺不
敢稍分畛域奏入

上命軍機大臣傳諭勝保曰該大臣轉戰經年力挫兇
鋒茲復從臨清追賊直至豐縣將此股逆匪悉數掃
除自宜渥沛恩施以酬勞勩並令各省軍營將士知
所感奮迅奏蕩平惟楚皖逆氛方熾大江南北首惡
稽誅東南民生顛連困苦之狀朕每一思之難安寢
饋卽阜城窮寇現復南竄連鎖思爲困獸之鬪未能
卽時廓清肘腋之患未除宵旰之憂彌切乃勝保遠

以紅旗馳報河北肅清不知朕所期望於該大臣者
至大至遠似此鋪揚過甚殊覺跡涉矜張該大臣承
受朕恩益當加以敬畏軍士從征勞苦致器械衣履
不齊卽飭趕緊備辦仍一面加意拊循至步隊各官
兵著照擬暫令駐紮曹州派善祿統帶搜捕餘孽彈
壓土匪就近與百勝等聯絡聲勢嚴防南匪續行北
竄並可爲豫楚一帶援應該大臣旣令馬隊官兵緩

赴大名親自統帶分兩岸前進迎剿阜城竄匪卽當
與德勒克色楞兼程北行會同攻剿此時斷難來京
陛見連鎮踞匪不卽殄除恐蹈獨流故轍著勝保迎
頭兜擊與僧格林沁合力夾攻不准該逆蔓延他處
並不得令久踞連鎮重煩兵力朕方拭目以待該大
臣等肅清河北同膺懋賞也朕於疊次諭飭勝保之
旨訓勉之中恩眷備至該大臣果能懷遵與面承方

略無異亦何必亟請入覲始能秉受機宜且朕信任該大臣畀以統師重任該大臣旣知無不言朕亦悉如所請不爲遙制尙何虞有所隔閼總以羣醜悉就殲滅寰宇均獲乂安爲該大臣之不負朕望耳

上又命軍機大臣傳諭僧格林沁曰本日據勝保馳奏勦辦臨清竄匪於初九日在豐縣黃河北岸殄滅淨盡因聞阜城逆匪全股撲出擬酌帶馬步各隊官兵

確探賊蹤相機迎截僧格林沁惟當懷遵疊次嚴旨
速將連鎮盤踞賊匪就地殲除無留餘孽不得因勝
保督師折回稍存觀望致失事機刻下大江南北尙
未蕩平皖楚賊氛甚熾朕睠懷南服深切隱憂而阜
城之賊圍攻兩月尙未能悉數殲擒又令他竄爾等
帶兵大臣當如何愧憤焦急迅圖蕝事勝保勦辦臨
清竄匪能將全股殄除辦理甚屬迅速惟遽稱河北

一律肅清竟以紅旗報捷跡涉矜張殊失朕望此時
連鎮餘匪再加以勝保得勝之兵自無難剋期殄滅
僧格林沁秉心誠樸不尙虛文朕所素知卽日連鎮
全股賊匪殄滅亦不必以紅旗報捷致涉鋪張該大
臣務當與勝保合力同心迅奏膚公共膺懋賞

上諭內閣曰本日勝保等由八百里馳奏官兵勦辦賊
匪殄滅淨盡首逆伏誅此股逆匪由豐北渡河竄入

東境勢甚猖獗經勝保等督兵迎勦克復臨清州城
屢獲勝仗該逆勢窮力竭亡命狂奔復經該大臣督
率馬步官兵晝夜窮追馳行數百餘里於豐縣漫口
支河將潰竄餘匪二千餘名全數殄滅計該大臣等
自臨清追賊南下疊次大獲勝仗擒斬及擊散賊匪
數萬人辦理甚爲迅速深堪嘉尙勝保著加恩賞加
太子少保銜並賞還花翎開復降級留任處分並頒

賞御用冠一頂巡幸褂一件御用鍔帶一分大荷包
一對小荷包四箇珊瑚帽頂一箇白玉巴圖魯翎管
一枝德勒克色楞善祿均著賞穿黃馬褂並頒賞黃
馬褂各一件大荷包各一對小荷包各二箇白玉巴
圖魯翎管各一枝以示優獎所有在事出力之文武
員弁兵勇著該大臣等查明保奏候朕施恩現在阜
城賊匪竄擾連鎮經僧格林沁督兵攻剿屢有斬擒

著勝保酌帶馬步兵勇迅速會剿掃蕩妖氛肅清畿
輔以慰朕望

同日袁甲三奏言臣於三月二十二日自臨渙
起程於二十九日行抵臨淮當查定遠界接廬
城現經和春福濟等於店埠柘皋等處各安大
營以遏賊竄之路廬州大營所需餉銀軍械均
由臨淮派勇分起護運經過定遠往來七八百

人相望於路亦可藉壯軍威其正陽關一路秦
定三遵

旨駐防已於初八日行抵鳳陽臣親赴鳳陽接見將正
陽一帶防勦事宜並臣與霍邱縣紳民先行籌
辦各情形詳細面商秦定三樸誠勇敢亦能和
衷商榷西路似可無虞奏八

上命軍機大臣傳諭袁甲三日前據和春等奏令秦定

三統領郝光甲劉玉豹官兵赴正陽關扼截並兼顧
壽州霍邱等處以固西北門戶現在秦定三已抵鳳
陽袁甲三亦進駐臨淮正可聯絡聲威杜逆匪續竄
之路其臨淮以南地勢旣以總鋪爲定遠北路要衝
且可通鳳陽五河卽著飭令吉連等擇要紮營藉壯
聲援和春等在廬州已連毀賊營直逼城下計日當
可克復惟攻克後潰匪奔突不可不扼要截擊毋令

遠竄又擾他處至臨淮爲大營運餉必由之路並著
多派兵勇隨時防範

袁甲三又奏言 臣前於臨淮拏獲奸細爲粵賊
私買硝磺現又盤獲阜陽縣販馬四人搜出粵
賊給予僞札內稱沿途勿得攔阻是該逆勾通
奸民幾於到處皆是本月二十日忽有小船蠶
擁來淮貴價買米運至下游數日之間米價增

至一倍探知小船之米均運入洪澤湖歸併大
船駕船人多係湖北口音該處米價並不昂貴
何以買米販運如此之多形跡不無可疑現當
賊焰方張布滿奸細不得不加意嚴防應請

飭下河臣楊以增密派委員於洪澤湖上下及緊靠湖
岸之盱眙縣一帶嚴密稽查防範以杜奸萌奏
入

上命軍機大臣傳諭楊以增曰洪澤湖周圍廣闊交通
江河賊蹤最易潛藏現有小船運米入湖顯係接濟
逆匪該地方官何以毫無覺察淮揚等處逼近賊氛
奸細潛蹤在所不免必當嚴加搜捕勿令窩藏著楊
以增迅卽密派委員於洪澤湖上下及緊臨湖岸之
盱眙縣一帶嚴密稽查如有此等形跡可疑船隻著
卽查拏究辦本日勝保奏豐縣逆匪業已追至河邊

殲除淨盡該縣民人重被蹂躪深堪憫惻著楊以增
就近妥爲撫綏俾無業窮民不致流而爲匪此股逆
賊雖經大兵勦洗尙恐有逃散餘匪與土匪乘閒滋
事且恐南來匪徒續行偷渡並著該河督嚴飭百勝
王夢齡及地方河工文武員弁實力巡防不得稍有
疏懈

十五日

癸未

琦善奏言浦口官兵於本月初三日

四更出隊至寶塔根一帶次日黎明逆匪千餘人分三股上岸武慶等督兵分路截剿斃賊無數賊由馬家莊一帶抄襲復經擊退隨督兵盡力攻剿圍賊於塔山之下又斃賊匪三四百人僞頂天侯秦回南等均被擊斃查浦口兵單賊衆該總兵連日督兵鏖戰大獲勝仗洵足以寒賊膽惟逆匪大受懲創必不甘心現在賊船尙

未駛回南岸必圖勾結報復臣已嚴飭該總兵等加意防範奏入報

十六日甲申僧格林沁西凌阿托明阿奏言該逆

占踞連鎮步隊官兵陸續到齊臣等商定合力

進攻臣僧格林沁臣西凌阿帶領達洪阿由東岸進攻臣托明阿帶領瑞麟伊勒東阿由西岸

進攻我兵行至賊巢吶喊齊進該逆暗放槍礮
密如雨下我兵冒煙而進該逆隨由兩岸撲出
數百名我兵槍箭齊發斃賊數十名該逆拌死
抗拒勢甚兇猛侍郎伊勒東阿左臂受鉛子傷
仍負痛督兵將該逆擊敗回巢是日之戰各路
馬步官兵無不奮勇爭先惟

盛京第七八起帶隊官員因馬受礮傷輒敢退後

以致兩起兵丁畏縮不前當攻勦萬分喫緊之際若不從嚴懲辦何以申明紀律相應請

旨將營總佛恩恩祿卽行革職該逆飄忽靡定亟宜防其回竄及順流復擾天津現已將各營步隊官兵屯紮西岸先於西岸挑挖長濠並札調天津船隻停泊下游以阻其回竄之路其天津東南二面仍擬挑濠築壘待賊匪捨命撲出以便攻

勦奏八

上命軍機大臣傳諭僧格林沁曰逆匪竄擾連鎮跨河營巢若待其布置已定勢必至如獨流故事攻勦難以得手該大臣與西凌阿托明阿分紮東西兩岸並密防該逆回竄西北之路復將天津船隻停泊下游使賊衆不得擾及津郡逆匪自阜城竄出並非窮蹙奔逃一到連鎮卽死守抗拒該大臣於東南二面挑

濠築壘誠恐堯圍嚴密益堅該逆負嶠固守之心此
次馬步官兵雖極奮勇而賊巢仍未攻破且致伊勒
東阿臂受槍傷是其明證不如誘令離巢設伏以待
一俟該逆撲出迅卽合圍堯擊俾該逆不得回奔入
巢再以奇兵將賊隊衝斷勦洗更易得力著該大臣
等酌量辦理萬不可專待勝保兵到致延時日前因
德勒克色楞接仗受傷特派乾清門侍衛恩全前往

看視本日已諭令勝保迅飭恩全馳赴連鎮察看軍營情形回京覆奏該大臣務將現在賊情及一切布置告知恩全卽飭令回京以慰朕念

上又命軍機大臣傳諭勝保曰勝保統領得勝之兵由運河兩岸前進此時不知行抵何處阜城逆匪竄踞連鎮僧格林沁督兵進剿僅獲小勝想勝保沿途已有探報本日已諭知僧格林沁如逆匪死拒難於得

手卽設法偏令出巢以便南北夾擊勝保當亦豫計及此該大臣所留曹州步隊官兵三千餘名原爲備辦軍裝聽候南征之用此時皖省軍務節經朕指示機宜分派袁甲三秦定三嚴防臨淮正陽兩路和春等進攻廬州兵力亦不爲單薄惟楚豫交界自應山德安先後失守賊又北撲隨州西擾安陸台湧原帶之兵本係堵城殘敗之餘今復疊次潰失幾不成軍

河南武勝等關防兵甚少雖儘數湊調僅止千餘舒
倫保由汜水縣前赴武勝關所帶官兵僅一千餘名
後隊甯夏官兵數百名尙未能趕到似此兵力單薄
恐難堵禦著勝保卽將留駐曹州之陝甘官兵酌撥
一千名或一千五百名交桂明統帶星速馳往武勝
關或防或剿隨時酌度辦理該提督與舒倫保所帶
之兵均係陝甘勁旅自可聯絡得力其餘官兵仍留

曹州以備調遣現在楚豫交界較之皖豫交界尤爲
喫重荊州已有賊蹤安陸復偏近襄陽湖南上竄之
賊已越長沙而至湘潭曾國藩師船及四川沿江東
下之兵均屬緩不濟急必須近移得勝之師方足以
扼北竄勝保統籌大局定能熟悉機宜也前次派往
看視德勒克色楞之侍衛恩全當已早抵軍營著勝
保卽將該侍衛帶赴連鎮軍營或卽令該侍衛先行

馳往速將該處形勢軍情詳細查勘於回京時據實覆奏總以迅速爲要朕日盼畿疆綏靖早奠民生該大臣等務當合力同心殄茲窮寇無負厚望

上諭內閣曰逆匪竄踞連鎮經僧格林沁派兵接仗各路馬隊官兵俱屬奮勇爭先惟盛京馬隊官員輒敢退後以致兩起兵丁相率退縮實屬怯懦無能營總佛恩恩祿均著卽行革職並著將先行退縮之兵查

明正法

同日台湧奏言據獲賊供稱應山賊衆約計三千有餘現來德安之賊一二千人擬於四月初五六日前來撲關往攻信陽因聞此閒調來北兵多至數萬是以未敢遽進又據由應山城內逃出難民報稱賊衆在城一日數驚紛紛戒備現有退回德安之意復探聞前此竄往隨州之

賊因聞北兵由棗陽一帶進勦未敢北向遂卽折竄安陸府境臣思趁賊疑懼之時正可督兵克復郡縣無如兵太單薄誠恐一戰弗克轉爲賊所輕視勢不得不俟兵力稍集以期一鼓作氣乘機迅掃奏入

上命軍機大臣傳諭台湧曰所稱賊衆心懷疑懼不敢冒險北竄現因兵力單薄恐一戰弗克啟賊輕視之

見自係實情因思提督桂明前帶陝甘官兵二千餘名隨同勝保勦辦北竄臨清逆匪業已全數勦除本日諭令勝保將此項得勝之師由該提督統帶起程開道馳赴武勝關協同台湧併力進攻爲移緩就急之計著台湧卽就現有兵勇防勦兼籌西路安陸荊州緊接襄陽與豫省毗連處所路徑紛歧該督尤須妥籌兼顧總兵柏山前赴桐柏唐縣防守現在該處

是否適當賊衝並著台湧嚴飭該總兵相機出境迎
截毋許株守一隅

十七日乙酉勝保奏言阜城逆匪如果由東南竄

出則德州東昌一帶頗形喫重臣定於十三日

督帶馬隊及雙禧所帶步隊官兵由濟甯東平

取道順運河東岸前進善祿帶步隊官兵由金

鄉鉅野取道順運河西岸前進同赴東昌一帶

沿途探明賊蹤所在合力迎擊其桂明所帶陝
甘官兵仍令統帶暫駐曹州既可扼南北之衝
將來大兵南下時並可就近調遣奏入

上命軍機大臣傳諭勝保曰曹州地方當南北之衝固
屬緊要惟此時楚豫交界情形甚爲喫重自應仍飭
桂明帶兵赴武勝關以資防勦善祿旣帶步隊官兵
由金鄉一帶前進其留駐曹州之兵應派何員統帶

著該大臣酌量情形妥速布置至阜城逆匪竄踞連
鎮昨諭僧格林沁誘賊離巢設伏以待若該逆果向
南潰竄該大臣等由運河兩岸前進正可迎頭截擊
儻仍伏匿連鎮該大臣務與僧格林沁合力夾攻就
地鏟除此次保舉單內各員並無蒙古官兵是否該
官兵於克復臨清時勦賊未甚出力抑或有遺漏之
處著該大臣迅卽查明具奏蒙古列在藩服儻著有

勞績尤應破格請獎斷不可令其湮沒不彰至軍營
打仗衝鋒冒險武職居多勝保將文職開列在前亦
屬非是統兵大臣首在賞罰平允卽輕重先後之間
亦須權衡至當始足以鎮服軍心慎勿蹈重文輕武
積習

同日和春福濟奏言四月初九日官軍進攻廬
城先取文昌樓賊營臣和春居中調度臣福濟

統領各路官兵在後策應鄭魁士等會合官兵
四面圍攻連拋火罐火箭頃刻之間樓卽倒塌
賊匪紛竄我兵一擁而入盡力砍殺立將賊營
踏毀南門突出逆匪三四千人復經我軍擊斃
無數是日約斃匪五六百名砍獲首級二十七
顆初十日東南兩門撲出賊匪數千人南路又
擁聚數千分股來撲鄭魁士督催各隊連放槍

礮逆匪紛紛倒地屍橫遍野並擊斃黃衣騎馬
賊二名得勝門又出賊匪二千餘人復經我軍
抄擊敗退是日接仗四時之久斃匪一千餘名
砍獲首級五十一顆奪獲器械多件臣等惟有
再行設法圍攻迅圖克復奏入

上命軍機大臣傳諭和春福濟曰連日督兵進剿燒燬
賊營雖擒斬尙多仍未能將廬州克復現在勝保已

將續行北來賊匪於豐縣全行殲滅廬州之賊自必
聞風膽落該提督等正當乘此督率將弁兵勇迅復
郡城秦定三計已抵正陽關卽飭督同郝光甲劉玉
豹等勦辦六安霍邱一帶賊匪嚴防北竄安慶舒桐
等處賊勢如何亦須設法激勵紳民散賊黨與斷賊
接應和州地方與江浦接壤著卽相機布置隨時與
袁甲三秦定三知照援應不可稍有疏虞

上諭內閣曰此次廬州逆匪分路撲出勢極兇猛經和春等督飭兵勇連獲勝仗著卽乘勢進攻迅圖克復鄭魁士先後進剿屢立戰功著開復副將儘先補用

欽定勦平粵匪方略卷九十一 甲寅年

中央民族
學院圖書

四月二十日 戊子 勝保奏言 臣前於十一

日

捷報後傳令各官兵班師北上旋據豐縣稟稱

沛縣樓子集等處有餘匪二三百名其爲初十

日梟水得生之賊無疑 臣因一面料理起程一

面囑令善祿暫留督辦十五日行抵濟甯據黑

龍江協領那爾胡善等稟稱初十日落水淹斃

之賊內有鳧水逃至彼岸者約三百餘人竄入各村覓食造飯仍謀渡黃竄逸經我兵上前剿捕殺斃二百餘名餘匪情急奔逃復經徐州兵勇在河岸兜捕截殺查看河灘之上羸馬陷死泥淖及賊屍浮積甚多徧搜各村實已無賊亦無一賊渡河倖逃者此項零匪業已剿盡無遺臣已催善祿趕緊督帶步隊官兵由運河西岸

前赴東昌一帶以便迎擊阜城竄賊

勝保又奏言此次臨清潰出逆匪狂奔南竄經
臣督兵跟剿署濟甯州知州黃良楷單縣知縣
盧朝安在籍侍衛田在田各帶團首練勇四路
搜殺潰匿村莊賊匪千有餘名實屬殺賊出力
臣不敢沒其微勞可否仰懇

恩施准 臣查明保奏奏入

上命軍機大臣傳諭勝保曰該大臣於十五日卽抵濟甯十七日發摺後始行起程尙須相機再進是直以班師自詡按轡徐行殊屬非是現在自阜城竄踞連鎮之賊卽係該大臣去年由豫晉追剿至直之賊並非另有一股此賊一日不滅卽該大臣一日不得辭責豈恃東境無賊爲全功而以應辦未了之事誘之他人耶據奏阜城賊蹤竄向何方尙無確耗何偵探

遲滯至此連鎮之賊跨河營巢死拒不出幾與獨流
相等僧格林沁濠築壘分紮官兵於東西兩岸並
將天津船隻停泊下游布置雖周而進攻總未得手
所殺逆匪不過數十名且有伊勒東阿烏凌額受傷
之事該處地勢河東較河西尤固勝保現從東岸進
兵卽當迅速馳抵連鎮一面飛催善祿由西岸星速
前進同抵該處合力進攻若任意遷延徒以休息兵

集賢堂卷之二
三
力爲詞自問何顏對朕功自功罪自罪斷不能希圖
相抵也知州黃良楷知縣盧朝安在籍侍衛田在田
各帶練勇搜殺賊匪著准其歸入豐縣勦賊出力各
員內一體保奏候朕施恩

同日

上命軍機大臣傳諭曾格林沁曰前以阜城竄匪復踞
連鎮諭令僧格林沁誘令出巢設伏堦勦數日以來

未據奏報不知該大臣作何布置朕心焦切萬分以
此股賊情而論顯係伏匿抗拒意圖耗我兵力且牆
垣堅厚米糧充足一經負嵎久踞復蹈獨流故轍又
將何以著手該大臣前奏挑濠築壘祇計及兜圍並
未能迅速攻勦朕以勦賊重任畀之僧格林沁事權
不爲不專大營兵力不爲不厚何以任令久困之賊
突圍而出復不能乘勢掩殺爲前後邀截之計迨竄

入連鎮後又不能卽時勦洗任其從容布置該大臣
貽誤遷延罪將誰諉現在勝保善祿統兵於運河東
西兩岸分路北趨由東昌會齊前進若該逆果向南
竄僧格林沁惟當竭力追殺而勝保等亦正可迎頭
截擊儻仍伏匿連鎮則勝保計日趕到卽可合力進
攻僧格林沁亦不得專待勝保到後始圖勦辦總之
此股窮寇一日不滅畿輔一日不安朕急切苦衷該

大臣豈不知之著卽體察機宜嚴飭各路帶兵各員
速籌進攻無論合圍攻擊或竄出截殺總期悉數殲
滅迅速辦理朕斷不能再爲該大臣寬予限期也

二十二日 庚寅 僧格林沁西凌阿托明阿奏言十

五十六等日 臣等豫派馬步官兵伏於賊巢左
近該逆結隊而出我兵奮勇齊進兩次斃賊約
百餘名十九日 臣僧格林沁前往西岸會同 臣

托明阿查看長濠地勢臣等僅帶親隨數十人該逆於明濠池北築起礮臺用礮擊打空濠人夫臣僧格林沁當派委參領玉亮帶領前次投出之張德順等將其礮臺拆毀該逆向臣等猛撲經臣等豫派設伏之馬隊官兵從兩翼抄出斃賊百餘名餘匪敗退該逆又撲出大股一千餘名臣等因附近賊巢地勢不平且恐馬隊深

入不能得力一面飛調步隊一面傳令馬隊撤回
同時瑞昌瑞麟督帶步隊業經趕到馬步齊進
又斃賊二百餘名該逆連日受創死守不出現
在惟有用大礮轟擊俾該逆潰圍而出攻勦或
可得手

同日勝保奏言臣於十七日由濟甯督兵起程
善祿帶兵由金鄉鉅野順運河西岸北上托克

通阿綿洵先赴東昌由鄭家口德州西岸一帶
北上臣於十九日申刻行抵荏平約三四日內
可抵連鎮前令善祿桂明各統所帶官兵留駐
曹州以備南下善祿現已帶兵由運河西岸北
上迎勦阜城竄賊惟桂明帶陝甘官兵二千餘
名尙駐曹州今楚豫軍情緊急自應遵

旨飭令迅速督兵前往第查武勝關地屬信陽臣上年

曾經過其地相度形勢固爲要隘然稍覺偏僻
不如襄陽水陸通衢商賈輻輳爲賊素所垂涎
且逆情詭譎聲東擊西是其故技不可不防臣
已飛飭桂明卽統原帶官兵自曹州起程由劉
家口或柳園口渡河馳赴許州一帶探明賊蹤
所向如襄陽有警卽可由南陽前往迎擊如信
陽喫緊卽馳往武勝關會合舒倫保併力防勦

均奏八

上命軍機大臣傳諭僧格林沁勝保曰逆匪竄踞連鎮
雖經僧格林沁等督兵進剿小有斬獲未能掃穴擒
渠剋期殄滅覽奏實深焦急該逆於連鎮挖濠築牆
意圖久踞我兵惟用大礮轟擊仍不能出奇制勝力
破賊巢似此曠日持久勦辦何時蕆事勝保於十九
日行抵荏平計日已可行至連鎮兩軍會剿兵力較

厚該大臣等務當協力同心迅圖攻勦儻該逆負隅
死拒我兵不難四面兜圍爲就地鏟除之計設勢蹙
南竄仍可設伏以待出其不意一鼓殲除軍情變幻
靡常惟在該大臣等相機妥辦迅速奏功斷不可再
延時日附近連鎮村莊是否有賊占踞萬勿任其裹
脅居民並當嚴斷接濟使該逆援絕勢孤攻勦自易
得力其東北一帶尤應加意嚴防毋令搶掠船隻再

滋延蔓前諭勝保酌撥官兵交桂明馳往楚豫交界
會勦著卽嚴飭該提督與台湧舒倫保英桂楊需等
互相知照探明何處緊要卽馳赴何處迎頭堵勦至
東路鹽山慶雲一帶與山東武定毗連地方防守官
兵勢尙單弱著僧格林沁勝保妥籌應如何撥兵扼
要堵截並知照崇恩嚴飭地方文武與紳民人等實
力防堵該大臣等務當統籌全局合力進攻總期早

滅妖氛肅清畿輔毋負委任

同日署河南巡撫鄭敦謹奏言連日據信陽州文武稟報逆匪前踞應山分赴各鄉搶掠揚言定期北犯於本月初七日全數南竄仍回德安又據南陽府縣稟報隨州之賊竄回武漢襄樊一帶尙無賊蹤又據羅山縣知縣稟報湖北逆匪在漢陽等處被官兵擊敗餘黨逃赴黃安縣

河口南沙河地方焚搶該處鄉民齊心殺賊斃
匪五六百人奪回賊船六百餘隻並米糧衣物
等件合境居民聞風爭奮約衆追殺復斃賊數
百人該逆猶盤踞德安查豫省之信陽南陽與
楚北大牙相錯難保不乘虛偷越臣已飛飭南
汝光道余炳燾等各帶兵勇仍於要隘處所極
力嚴防復飛咨舒倫保俟所帶官兵齊抵信陽

卽會同湖廣督臣台湧合力進剿奏入

上命軍機大臣傳諭英桂楊霽鄭敦謹曰逆匪於初七日由應山竄回德安隨州之賊亦回武漢一帶總未大受創懲仍當防其北竄該撫等已飭南汝光道余炳燾等扼要設防並有柏山及舒倫保等在信陽一帶堵剿勝保又派桂明帶兵二千名由曹州直赴許州一帶探明賊蹤迎頭截擊各路官兵不爲單弱正

當乘機勦辦迅殄賊氛英桂現雖告假仍當與鄭敦
謹合力同心妥籌布置楊需計已抵豫務卽確探楚
豫交界處所何路緊要卽帶兵馳赴該處駐紮協同
防勦

上又命軍機大臣傳諭台湧曰應山逆匪竄回德安隨
州之賊亦竄回武漢襄樊一帶現無賊蹤著台湧卽
就在營兵勇相機勦辦勝保已令桂明帶兵由曹州

探明賊蹤迎頭截擊並著台湧卽督飭現帶官兵與各路赴援之兵合力堵剿不得專事株守

上諭內閣曰軍興以來屢經降旨諭令各督撫飭屬團練鄉勇原期衆志成城人心自固該地方官果能實力奉行紳民人等定必踴躍用命自衛身家於勦匪事宜大有裨益本日署河南巡撫鄭敦謹奏據羅山縣探報湖北黃安縣南沙河地方有賊匪竄至經該

處鄉民斃賊數百並約會河口等處鄉民殺賊五六百人奪回逆船六百餘隻並米糧衣物等件該縣合境居民聞風爭奮約衆追殺復斃賊數百人該民人等合力同心捍衛鄉閭甚屬可嘉若賊匪竄擾之處地方百姓皆能如此齊心禦賊何至任其蹂躪慘遭荼毒然總須地方官實心勸諭倡率有方遇有出力紳民卽行據實詳報上司隨時奏請獎勵庶使羣情

觀感協助官兵盡殲醜類所有此次黃安縣南沙河等處擊退賊匪之居民人等著台湧先行傳旨嘉獎並著查明出力紳民據實保奏現在被兵省分屢據奏報各屬紳民實能團練殺賊保衛地方者亦復不少著各路統兵大臣及督撫等嚴飭各府州縣勸導紳民一體實力團練果能辦有成效如近日天津饒陽單縣等處力挫賊鋒保全城邑者卽著隨時奏聞

定當格外施恩以獎忠義

二十三日 辛卯 駱秉章鮑起豹曾國藩奏言逆賊

大股水陸並進逼近省垣陸路之賊先散踞岳
州湘陰各境賊船分布臨資口樟樹港喬口靖
港等處連日北風甚勁大雨經旬水軍不能進
勦北路水陸各賊聚泊靖港港外環列戰船堅
築礮臺爲負隅之計三月二十四五等日臣曾

國藩飭水師各營駛赴靖港更番疊擊約共斃賊二百餘名擊沈賊船三隻燒賊火藥船一隻賊訶知省城水陸防勦綦嚴不敢闖入欲由陸路繞越甯鄉徑撲湘潭臣曾國藩先遣湘勇一千八百人扼要立營防賊侵軼二十五日賊分三股撲營湘勇力不能支紛紛潰敗二十六日塔齊布馳往援勦賊已於是日卯刻由間道直

赴湘潭塔齊布等亦卽繞道前進二十八日馳
抵湘潭縣城外高嶺地方賊前隊於二十七日
已到署湘潭縣知縣劉建德督勇於城外響水
壩沙市嶺一帶堵禦賊已由西路暗襲縣城分
遣死黨四處擄船並在城北豎立木城意圖久
踞塔齊布以該逆頻年猖獗每用以守爲戰反
客爲主之法若不及時速勦賊壘一定攻克爲

難卽於二十八日同周鳳山督帶弁兵壯勇分
路進攻賊營槍礮如雨塔齊布令兵勇聞礮卽
伏礮止卽進數伏數起直逼賊營各兵勇奮不
顧身闖入賊營施放火箭火彈殺賊五百餘名
燒斃無算生擒三十餘名二十九日塔齊布等
分路進攻賊分五路出撲我軍縱橫血戰立斬
僞統領先鋒六名僞都督元帥三名斃賊六百

餘名賊匪敗潰旋乘我兵造飯之時分路來撲我兵佯敗誘賊從營後繞出轟斃賊匪五百餘名追至嶺下塘邊四面圍逼淹死賊匪不計其數四月初一日賊復於城外高築木城選長髮老賊分路出拒塔齊布督率兵勇奮力衝突殺斃老賊數百人燒燬賊房無算生擒三十餘人追至城根復殺賊數百名其水面賊船經褚汝

航等督率戰船分隊進剿轟斃紅衣賊目十數
名延燒賊船無數初二日復督船進攻擊沈賊
船八十餘隻斃賊二百餘名褚汝航親點大礮
擊死紅巾賊匪十數名又燬賊船二百餘隻斃
賊三百餘名彭玉麟楊載福親坐小艇往來督
戰先後燬賊船三百餘隻燒斃及生擒賊匪三
百餘名岸上之賊亦被燒斃無算是日卯刻臣

曾國藩親率大小戰船四十隻陸勇八百馳赴靖港上十里之白沙洲相機進剿午刻西南風陡發水流迅急戰船順風駛至靖港不能停留更番疊擊逆賊在礮臺開礮適中哨船頭桅各水勇急落帆收泊靖港對岸之銅官渚賊衆用小划船二百餘隻順風駛逼水營水勇開礮轟擊臣曾國藩聞信急飭陸勇分三路速撲靖港

賊營以分賊勢初三日塔齊布偵賊在潭城窰
灣地方高豎望樓逆賊散處潭城總市將由水
路逃竄知會水師迅速兜剿遇船卽燒共燬賊
船六七百隻賊屍沿江漂流該逆被燒情急復
回縣城委員江忠淑會同署湘潭縣劉建德設
伏城隅乘隙登城開門接應塔齊布揮兵直入
將城中賊匪盡數搜殺敗殘餘匪紛紛竄逸已

飭落齊布等四處搜拏升用同知直隸州知州
王鑫追賊至雲湖橋魯家壩等處殺斃數百名
湘潭縣城立即克復其由涿口竄至醴陵縣界
約數百人將竄入江西萍鄉臣等飛咨江西撫
臣速飭堵剿此次逆賊大舉南犯意圖竊踞湘
潭與靖港之賊互爲首尾儻不及早撲滅不獨
省城孤注難以圖存衡永郴桂及兩粵匪黨聞

風響應東南大局不堪設想幸仗

皇上威靈八日之間水陸十獲大勝全股掃蕩賊膽已

寒現在靖港一股亟應回軍勦辦俟水陸兵勇
調回卽行相機進攻補用副將塔齊布忠義奮
發勇敢當先士卒樂爲之用通城勦賊已獲大
勝此次復著奇功實屬武員中傑出之才懇請

賞換花翎加總兵銜並

賞給勇號其餘文武員弁並請

逾格恩施給予獎敘

曾國藩又奏言臣派水師勦賊靖港初二日靖
港水勇潰散實由臣調度乖方自去冬欽奉

諭旨速援皖鄂兩省盼望旣殷臣之求效愈急而其辦
理亦愈乖謬征戰之事論膽技或兵不如勇論
紀律則勇不如兵募勇萬餘人必須有大員協

同管帶又須有文武員弁及得力紳士一二百人節節統轄乃足互相維繫臣先時未能奏請大員幫同管帶又未多調文武員弁分布各營每營僅有一二官紳主之紀綱不密維繫不固以致潰散其謬一也靖港之戰臣因湘潭水陸大捷意欲同時並舉破賊老巢使賊首尾不能相顧是以風順水溜進戰則疾駛如飛退回則

寸步難挽逮賊舟來偪礮船牽挽維艱或縱火
自焚或閒以資賊戰艦失去三分之一礮械失
去四分之一是臣但知輕進之利不豫爲退敗
之地其謬二也水勇無曾經行陣之人不得已
召集船戶水手編派成軍訓練未及一月陸勇
雖經訓練亦須隨同久經戰陣之兵接仗數次
乃可期其得力今驅未經戰陣之勇驟當百戰

兇悍之賊一營稍挫全軍氣奪非真勇不可用
乃臣不善調習而試用之故其謬三也臣整軍
東下本思疾驅出境乃該逆大舉南犯臣師屢
挫鄂省危急不能速援江面賊氛不能迅掃大
負

聖主盼望殷切之意請

旨將臣交部從重治罪並懇

天恩特派大臣總統此軍 臣非敢因時事萬難遂推諉
而不復自任未經赴部之先仍當竭盡血誠一
力經理如船隻已修水勇可恃 臣亦必迅速駛
赴下游不敢株守片刻

曾國藩又奏言 臣於二月閒知水勇未可盡恃
咨會勞崇光代募水勇二千名已准咨覆派知
府李孟羣管帶來楚尙未見到又查有廣西臬

司許祥光右江道張敬修皆夙諳水戰素蓄健
卒製備火器多而且精該二員膽識過人與現
在臣軍之褚汝航新經咨調之李孟羣均堪膺
水路統領分領之選相應請

旨飭令許祥光張敬修各帶精勇礮械來楚併入此軍
厚集其勢以保東南之全局儻蒙

俞允得謀勇兼優之大臣主之於上而以此數員者分

布其間必能同心戮力迅掃逆氛則臣雖身膺
重罪亦足少紓耿耿之忱奏入

上命軍機大臣傳諭駱秉章塔齊布曾國藩曰此次湘
潭水陸連獲大勝殺賊甚多惟大股雖已殲滅而靖
港賊巢並未能同時攻破曾國藩復以輕進遭此挫
衄若不亟圖勦辦恐該逆負隅抗拒必致牽綴我軍
阻扼南北要衝駱秉章等現旣移軍回勦務卽與塔

齊布等乘此聲勢分帶兵勇水陸夾攻爲一鼓成擒
之計斷不准任令該逆踞巢死守再肆鴟張所稱由
湘潭上竄下竄餘匪究竟奔突何處亦須探明趨向
分派將弁竭力搜捕其由醴陵將竄萍鄉一股並著
迅飭江西交界各文武一體嚴密堵剿曾國藩現在
所存水陸各勇僅有四千餘人若率以東下誠恐兵
力太單曾國藩現復添修戰船換募水勇據稱一兩

月間當有起色果能確有把握亦尙不難轉敗爲功
目下楚北賊蹤由應山竄回德安隨州之賊亦回武
漢是鄂省望援甚急該撫等務當督飭水陸各軍迅
將此股敗竄之匪殲滅淨盡兼可赴援武昌以顧大
局鮑起豹以提督大員安坐省中一無布置該撫等
屢次奏報打仗情形均未敘及該提督畏葸無能已
可概見本日降旨將鮑起豹革職不准留營特命塔

齊布署理提督全省水陸各營皆歸統轄該署提督
責無旁貸卽著統領各路將弁相機進剿

上又命軍機大臣傳諭勞崇光曰據曾國藩奏潯梧一
帶雇募水勇業經該撫咨覆交李孟羣管帶其許祥
光張敬修二員能否赴楚助剿著勞崇光酌度緩急
毋得顧此失彼

上諭內閣曰此次剿辦湘潭逆匪八日之間水陸十獲

大勝斃賊不下萬人奪獲船隻米糧火藥等項無算
解散之衆亦以萬計著駱秉章塔齊布曾國藩卽督
水陸兵勇乘勝進剿務將靖港賊匪一律掃除卽行
統兵東下迅殄妖氛補用副將塔齊布前在茶陵剿
匪出力業經賞換花翎著加恩賞加總兵銜並賞給
喀屯巴圖魯名號守備周鳳山著以遊擊升用並賞
換花翎卽補同知褚汝航著免補同知以知府儘先

補用並賞加道銜卽選知縣夏燮著以同知升用千
總楊載福著以守備補用並賞換花翎附生彭玉麟
著以知縣遇缺卽選哨官張宏邦著以千總拔補訓
導江忠淑著賞加五品銜至屯聚靖港逆船經會國
藩親督舟師進剿雖有斬獲旋以風利水急戰船被
焚以致兵勇多有潰敗據會國藩自請從重治罪姑
念湘潭全勝水勇甚爲出力著加恩免其治罪卽行

革職仍趕緊督勇勦賊帶罪自效湖南提督鮑起豹
自賊竄湖南以來並未帶兵出省疊次奏報軍務僅
止列銜會奏提督有統轄全省官兵之責似此株守
無能實屬大負委任鮑起豹著卽革職所有湖南提
督印務卽著塔齊布暫行署理

同日青麀奏言臣防守孤城設法攻勦餉路已
絕惟念湖北省城有失則長江數千里均爲賊

踞尤恐克復爲難應請

旨飭下就近省分速撥精兵星夜來楚迅圖攻勦庶可
轉危爲安

青麀又奏言查該逆占踞漢口漢陽與武昌爲
一江之隔臣再三籌酌惟有由後路攻擊易於
得手省中兵勇萬難分撥相應懇

恩迅飭督臣台湧來省會勦儻該處果有賊蹤意在北

竄督臣難以分身來省懇

飭署提臣佈克慎多帶兵弁前來如能將漢鎮疏通迅
解省圍卽有零星餘匪擾及楚豫邊界省城亦
可派兵追捕奏入

上命軍機大臣傳諭台湧青麀曰青麀請令台湧速行
赴省之處尙未知江北實在情形逆匪由漢黃等府
擾及德安時復窺伺荆襄其意方欲以蹂躪各屬使

武昌勢成坐困則我軍亦惟有以剷除各屬賊匪爲
救援武昌之策此時台湧豈能置江北羣賊於不顧
卽佈克慎所帶之兵均係收集潰散兵卒亦豈能衝
賊而過直達武昌且武勝關爲入豫要隘台湧自以
遏賊北竄爲要一面催提續調各路官兵爲進援鄂
省之舉現據勝保奏報已遵旨飭令桂明帶陝甘官
兵自曹州起程渡河馳赴許州一帶探明賊蹤兼程

前進四川援兵本日亦論裕瑞飛催東下舒倫保於
初七日由汜水起程剋日亦可抵關與台湧會合前
調之羅玉斌勦辦江西匪徒現已蕝事亦可馳抵黃
安一帶著台湧迅速催提並著就現有之兵設法分
路攻勦自德安進徧漢陽庶省垣重地聲勢聯絡不
致坐困青磨此時惟有督飭將弁兵勇激勵紳民極
力守護省城該撫身任封圻全省之事皆應熟籌兼

顧不得以株守省城坐待援兵爲卸責地步也

上又命軍機大臣傳諭裕瑞曰巴東利川之兵赴楚協
勦若待續調漢屯官兵接防始行起程必致有誤應
援著迅飭帶兵員弁卽日前往不准耽延

二十四日壬辰勝保奏言臣由荏平起程督兵前

進馳過德州至柘園鎮距連鎮僅五十里擬卽
督帶馬隊先行馳赴連鎮相機進勦奏入報

二十五日癸巳袁甲三奏言探聞豐縣竄出之賊

經勝保等督兵追勦並徐州鎮道各督兵勇截
殺餘匪於十三日竄至蕭縣境內經該縣文武
督飭團練兩次接仗先勝後敗該逆仍由永城
一帶南竄又聞逆賊於十六日竄擾蒙城東西
北三門俱用木料屯閉現有兩三千人馬二百

餘匹勢將復熾臣已於由廬至蒙一路分派兵
勇嚴密防禦如或他竄卽飭各將弁奮力窮追
又恐賊由潁上霍邱一路竄回六廬臣並飛致
秦定三擇要堵扼不至稍有疏失奏入

上命軍機大臣傳諭和春福濟袁甲三秦定三曰逆匪
由豐縣竄出經勝保等督兵追勦斬擒殆盡徐州鎮
道亦各督兵勇截殺該匪渡河時人馬並不甚多何

以竄至蕭縣境內尙能與兵勇兩次接仗且由蕭永
一路沿途裹脅二三千人竄擾蒙城前據百勝王夢
齡奏稱分紮豐工南北兩岸扼賊南竄又有李湘棻
在南岸郝家集一帶防堵何竟任賊竄越到處裹脅
所謂督兵截殺者安在該給事中旣派兵勇會剿著
卽督飭文武員弁迅將此股逸匪在蒙城就地殲除
前有旨諭令秦定三於抵正陽關後督飭郝光甲劉

玉豹等勦辦六安霍邱一帶賊匪並諭和春福濟於
和州與江浦接壤地方防賊窺伺原恐金陵及廬州
賊匪再行分股北來續圖援應該提督等務當於各
處要隘實力嚴防毋稍大意李湘棻在南岸郝家集
駐紮未能堵賊該革員所帶之兵一千餘名著交百
勝王夢齡就近調撥並著袁甲三迅卽揀派得力將
弁前往管帶北竄餘匪逃散偷渡者爲數諒必不少

且皖省逆賊聞風亦難保不續來勾結爲救援之計
此時總宜嚴遏南來之賊並速將渡河回竄餘匪勦
洗淨盡若稍遲延令與逆匪糾結又圖北竄惟該提
督等是問

同日

上命軍機大臣傳諭僧格林沁曰朕聞阜城逆匪竄出
時察哈爾官兵並未知覺迨將防濠之礮挪向營盤

轟擊始知賊出兵已大亂林淵詳爬越濠溝平毀濠
牆賊衆跟出以致焚燬營盤搶去帳房百餘架馬匹
駝隻數百匹傷亡兵丁數十人前據僧格林沁奏稱
逆匪於初六日子刻撲出重濠燃燒帳房僅請將培
成摘去頂戴烏凌額尙請因傷從寬免議迨逆匪竄
至連鎮始奏稱培成營盤陣亡官兵八十餘名並未
將培成失事實任情形及被賊搶去帳房駝馬火藥

各情詳細入告是該大臣前次奏叅培成顯有不實
不盡逆匪竄踞阜城壘據僧格林沁等奏稱挖築濠
牆杜賊竄逸乃初六日賊踞濠邊初九日全行南竄
此數日中竟不能設法堵剿以致該逆竄踞連鎮餘
燼復燃重煩兵力可見該大臣平日布置毫無把握
至各營帶兵大員均歸該大臣節制有功則賞有罪
則懲毫釐不容假借儻有失事之員卽當據實嚴叅

又豈可諱敗爲功所有培成營盤如何被燒逆匪如何撲出培成及該營兵丁是否在营何以毫無知覺帳房等件被賊搶去若干著該大臣迅速詳查據實具奏該大臣於軍營一切事宜自當秉公酌辦方足以折服人心不可稍有瞻徇回護致負委任

二十七日乙未僧格林沁勝保奏言逆匪自占踞

連鎮堅壁死守臣等恐該逆潰竄先於西岸挑

三十一
三十一
空長濠尙未竣工該逆恐被圍困於二十二日
夜復又占踞西岸村莊離所空之濠甚近用礮
擊打空濠人夫所有業經擇定空濠之處斷難
工作祇得另行擇地挑空惟地方愈廣工竣更
需時日連日督兵進攻並用礮轟擊斃賊百餘
名數十名不等二十二日進攻賊巢侍衛綳闊
奮勇爭先胸受槍傷是夜該逆由東岸撲出都

統西凌阿帶領馬隊官兵將該逆殺退臣勝保
現於二十三日帶馬隊官兵馳抵連鎮當卽由
東面繞至東北與臣僧格林沁會晤察看情形
北面與東北西北兩面均經臣僧格林沁搭橋
挖濠修築礮臺妥爲布置南面與東南西南兩
面官兵不敷分撥稍覺空虛臣擬卽於賊營南
面紮營一面調集船隻支搭浮橋可以東西接

應聲氣相通如果賊匪窮極思竄卽當認真擊
殺痛加勦洗奏入

上命軍機大臣傳諭僧格林沁勝保曰該大臣等奏賊
於初九日夜閒竄出占踞連鎮我兵緊接跟追何以
遲至二十二日尙任該逆從容占踞西岸村莊且稱
另行擇地挖濠是此十日之內所辦之工全歸無用
備逆匪愈占愈廣我兵濠塹亦將愈挖愈遠自來困

賊有此下策否阜城覆轍已可概見尙復沾沾必出此策耶勝保已抵該處步隊亦卽日到齊自當力籌進攻與僧格林沁和衷速辦此股逆匪本係勝保專辦不得一味誘過於人前此寄諭業已詳示若勝保竟恃山東勦賊爲莫大之功於連鎮勦辦事宜輒視爲有人分任徒事遷延斷不能逃朕洞鑒前此所論誘賊出巢設伏出奇等事能否遵辦卽著相機妥籌

若任其負嵎死守朕度該大臣等才力亦必不能剋
日奏功也綳闊胸受槍傷實屬奮勇著發去白玉四
喜搬指一箇玉靶小刀一把大荷包一對小荷包四
箇交該侍衛祇領

二十八日

丙申

官文貴陞奏言賊匪由隨州棗陽

一帶竄至安陸荆門先後失守臣等查荆門界
連荆襄爲南北往來必由之路亟撥兵一千二

百餘名派遊擊王國才參將佟攀梅分紮於龍
會橋丫角驛等處相機進剿四月十三日賊匪
四千餘名直撲龍會橋軍營勢甚猖獗經王國
才等督率滿漢官兵開放大礮該匪抵死相拒
我兵奮勇直前斃賊甚多該逆豫於橋北一帶
民房內暗伏王國才派令千總畢金科拋擲火
彈焚斃伏賊百餘名餘匪逃竄王國才及佐領

玉貴等追殺至馬隍山復經貴陞率協領功額
訥等從樂壤橋板橋兩處堵截佐領貴鳳等帶
兵接應合隊攻擊賊衆潰逃復追殺二十餘里
統計殺斃賊目四名逆賊七八百名十八日賊
匪竄至浩子口地方經佟攀梅督兵奮勦斃賊
二百餘名餘匪四散逃竄此次逆匪攻撲荆郡
經官兵奮勇迎擊連獲勝仗軍威大振惟潛沔

一帶賊匪尙衆臣等仍當督飭官兵嚴密防守
不敢稍有疏懈奏入

上命軍機大臣傳諭官文貴陞曰逆匪進徧荆郡經官
文貴陞派遊擊王國才等督兵由東北二路奮力迎
擊連獲勝仗勦辦尙爲得手惟安陸荆門係荆州前
路屏障何以任令逆蹤先後竄踞尙未據台灣奏報
此時固以力保荆郡爲要仍須乘勝相機迎截爲前

後扼勦之計該將軍等務卽嚴飭帶兵員弁迅圖截殺使該逆無由乘虛回竄方爲上策其逃散餘匪亦應加意搜捕免致蔓延勾結江路現尙阻隔湖南賊匪難保不旁竄勾結青麀坐守省垣有不能兼顧之勢台湧籌勦北路賊匪現擬由應山進攻德安等處所有荆郡一切勦辦機宜該將軍等務當隨時知照互爲策應豈得以驛路阻塞爲詞遂不思設法疏通

爲彼此援應之策耶

二十九日丁酉僧格林沁奏言查四月初六日該

逆趁風撲出站牆官兵見該逆撲近開放槍礮
極力抵禦培成等營紮在東南是日西北風大
作該逆搶上濠牆拋擲噴筒火罐致將培成營
盤帳房火藥全行燃燒奏入

上諭內閣曰阜城賊匪既有長濠圍困又有各營官兵

沿濠紮營互相聯絡僧格林沁復派員時往查看何以四月初六日逆匪奔突竟從培成營盤全股竄出搶越濠牆並將帳房火藥燃燒失去駝馬一百餘匹是培成平日漫無準備臨事又不能實力堵擊畏葸無能已可概見僧格林沁前奏僅將該侍郎摘去頂戴不足蔽辜培成著卽革職仍留軍營效力贖罪儻再不知奮勉卽著從嚴懲辦

同日琦善奏言官軍於本月二十一日由東西
兩岸進剿瓜州賊匪約斃賊五六百人復經追
殺數十名外委張其彪等身受礮傷是日接仗
因驟雨初霽塗潦未乾收隊時風雨復作致未
得手臣視師日久焦灼萬分艇師各船延不上
駛該總兵葉常春陳世忠署總兵李德麟周士
法均係革職之員如果始終不知愧奮惟有從

嚴叅劾以肅戎行現在粵省拖風紅單各船尙
無消息前奉

諭旨令閩浙廣東各省揀派水師人員來營調遣容俟
該員等到營之日統帶水師接替有人再行察
看以便酌量更換奏入

上命軍機大臣傳諭琦善曰琦善督兵進剿瓜州賊匪
未能得手總由水師戰船不能得力之故琦善統帶

水陸各軍葉常春等均歸節制如該革員等竟敢始
終疲玩託詞延宕致誤事機卽當以軍法從事前調
閩廣水師人員尙未到營著卽飛催起程現在該大
臣營中如有得力之員亦可暫行派令管帶俟紅單
等船到時再行酌量派員更替至該匪以鎮江爲巢
窟欲清江面必須於克復瓜州後以水師南擣鎮江
與余萬清水陸夾攻若能克復鎮江則水師船隻可

以直達金陵俟拖風紅單等船到江事機不可失也
其儀徵浦口等處均有逆船窺伺雖俱經擊退仍當
加意嚴防扼其北竄毋稍大意

欽定勦平粵匪方略卷九十二 甲寅年

五月初一日 己亥 和春福濟奏言查廬城賊匪被

官軍擊敗入城勢已窮蹙防範愈嚴必須設法
暗圖方克有濟現飭各營添置攻城要需擬於
夜間出其不意或由雲梯而上或設法轟陷以
圖克復提臣秦定三已行抵正陽關因該處地
勢四通八達當飭郝光甲劉玉豹於水陸隘口

分紮營盤扼要防守並相機進剿六安霍邱以
遏賊匪北竄其貴州官兵一千名於秦定三起
程後始到廬州卽飭趕緊前往計此時可到正
陽至舒桐安慶等處逆匪占踞如故地方紳民
多已遷避現飭知縣張埴前赴南鄉招集團練
極力堵禦斷賊接濟如廬州及早得手更可激
勵該二縣紳耆設法解散賊黨其江浦六合等

縣逆船時往滋擾該處緊接和州此時廬郡勦
捕喫緊無兵可撥已飭該州金寶樹督練防範
毋任闖入

和春福濟又奏言金州副都統薩炳阿在巢湖
烏江一帶勦賊於四月十一日病故該處防務
未鬆必須另揀大員前往督辦以資得力前因
副都統忠泰患病未能前往現在病愈仍令帶

同吉林官兵剋日馳往督同原派兵勇相機進
剿奏入均報

聞

同日江西巡撫陳啟邁奏言江西籌辦戰船已
成三十隻其餘二十隻亦將工竣惟應用銅鐵
各礮約需三百餘尊江西舊存礮位堪以配置
戰船者不及三分之一專望廣東購備運江應

用前經請

旨飭催未知能否及時解到其雇募水勇兩月以來僅募千餘臣到任後於各項兵勇中量爲抽撥配駕戰船上緊演試以足三千之數現在長江上下游逆船充斥江省惟有戰艦五十隻若遽駛至湖北援剿究恐孤軍深入擬俟配齊礮位並確探曾國藩大隊舟師將出楚境方能約會夾

擊計出萬全

陳啟邁又奏言 臣疊據探報近有賊船數百隻駛入湖口越過南康轉入饒河湖口及安慶東流一帶賊船停泊不少查饒河可達廣信恐竄廣饒擄掠糧食或以小股分擾牽掣我師而以下游停泊之船乘風直上窺伺省垣賊情詭譎不可不防當卽飛飭廣饒二府文武設法堵剿

並酌撥兵勇應援省垣亦密爲布置以備不虞
奏八

上命軍機大臣傳諭陳啟邁曰此次江西籌辦戰船爲
數無多以之遠出赴援雖形單弱若以備本省防剿
之用足敷調遣現在賊擾湖南曾國藩舟師一時未
能東下據該撫奏稱現有賊船轉入饒河該省毗連
湖南湖北處所均有匪徒出沒所有本省各隘口需

集之真圖不冊卷之二 四
用水師之處正復不少著卽將已造船隻配齊礮械
派員督率兵勇駛赴本省要隘以資防勦仍一面督
飭趙如勝等趕緊訓練水勇一面於現造各船外陸
續添造總期聲勢聯絡相機進勦不得株守一隅置
礮船於無用之地至廣東購備礮位並著該撫與葉
名琛等妥商速辦

初二日
庚子都察院左副都御史王履謙奏言臣

從上游折回陳橋鎮當查東路賊匪有裹脅餘
黨陸續潰逃此等兇悍性成難保不日久蟻聚
餘燼復燃亟須上緊偵拏况賊竄連鎮尤恐潛
通勾結因思劉口董口有鎮道督飭查拏柳園
蘭儀有河臣扼要控馭惟豫東交界之曹考一
帶兵勇甚單不足以資偵緝臣卽馳往該處派
員搜拏先後擒獲三四百名日內漸就肅清臣

聞

擬卽渡河往查南岸上下游以昭嚴密奏入報

初三日辛丑勝保奏言臣抵連鎮後連日察看逆

賊於連鎮東西已紮木城拏獲奸細供稱該匪
急思竄逸而又不敵是以暫行堅匿死守臣因

步隊已到當於二十九日督飭官兵進攻西岸
賊巢由西南進兵勇直前攻撲施放噴筒火彈

將賊壘房屋燒燬賊見火光四起情急竄出經
兵勇擊退因東北風大作沙塵揚起煙燄回撲
不能前進查該逆竄踞連鎮地勢雖寬然較之
在獨流時人數已少所築濠柵木城其牢固嚴
密亦較獨流爲不逮似尙有隙可乘惟其伏匿
不出槍礮從暗擊明兵勇仍多受傷若不設法
攻取徒耗精銳似非善策臣前在梁王莊所製

欽定四庫全書
平定回疆方略卷一百一十二
六

撫牌可資抵禦因獨流地勢難用是以交存天津現已飛調來營激勵兵勇總期及早破入或徧令出巢奔竄我兵卽可得手

勝保又奏言臣前經奏明擬派得力馬隊馳赴楚豫防剿現在新調之吉林馬隊尙未到營賊匪盤踞連鎮分占各村東西兩岸地勢甚寬臣所帶馬隊派撥西岸七百餘名防景州一路東

聞

岸一千四百餘名防德州一路正東及東南面
責成德勒克色楞與培成那敷德嚴防此時馬
隊官兵僅敷勦辦勢難分撥應俟新調吉林馬
隊到日再行派赴楚豫防勦奏入均報

初四日 壬寅 僧格林沁勝保奏言逆匪自竄踞連

鎮堅匿死守誘之不出現在西岸長濠不日工

竣卽飭各營沿濠紮營以資圍剿臣等酌商同
時四面合攻使該逆應接不暇自易得手四月
二十九日臣僧格林沁督帶馬步官兵攻撲賊
巢東北西北二面臣勝保進攻西南賊營各斬
擒賊匪百餘名及數十名不等惟時東北風作
煙燄回吹又兼河隄之上風起沙揚未能得手
是以督令收隊奏入

上命軍機大臣傳諭僧格林沁勝保曰賊匪竄踞連鎮已越兩旬仍未殄滅朕心實深焦急勝保統帶得勝之兵馳抵連鎮已及十日正當與僧格林沁同心協力設法進攻以期迅殲羣醜如能遏令奔竄務當前截後擊設伏以待斷不准令該逆再踞他處致滋蔓延

同日勝保德勒克色楞崇恩奏言查連鎮逆匪

知東南一帶布置較密乘隙於五月初二日帶
騎馬賊二千餘名從正東突出由甯津六路分
竄臣勝保得信後傳知各營合力圍擊卽親督
馬隊跟蹤追勦該逆先向許王村地方旋折而
南取徑吳橋比及追至復折向西南因柘園鎮
地方臣崇恩派有兵勇防堵又折向東南竄去
臣德勒克色楞亦帶蒙古馬隊趕來會合前進

其連鎮後隊賊匪由臣僧格林沁等相機勦辦
臣崇恩於偵實後卽派兵分路追勦並飛飭地
方營汛文武一律嚴防臣崇恩因賊後隊尙在
連鎮慮其續向南來未敢移兵隨同南下奏入

上命軍機大臣傳諭僧格林沁勝保曰據勝保等奏逆
匪帶騎馬賊二千餘名從正東突出由甯津大路分
竄復親督馬隊跟蹤截勦該逆由吳橋柘園鎮一帶

折向東南分股南竄僧格林沁近在連鎮何以未據
奏報勝保所奏僅云在平原恩縣一帶賊蹤究在何
處亦未能確實指明逆匪詭譎異常又係騎馬逃竄
其勢剽急必須探明追剿迅速殄滅勿令此股竄匪
占踞村鎮以致牽掣我軍逆匪係由連鎮東面竄出
該處有培成那敷德在彼堵禦何以毫無知覺任令
該逆肆行奔突培成營盤前在阜城被賊焚燬此次

又復失事著僧格林沁確切查明貽誤情形據實嚴
叅連鎮賊匪旣已分竄其勢益孤僧格林沁正當督
飭將弁乘勢進攻爲一鼓殲除之計如該逆全數南
竄務卽督帶馬步各隊奮力追勦斷不可稍涉觀望
致誤事機崇恩現在德州仍當探賊所向相機截勦
毋得專事株守

同日閩浙總督王懿德奏言臣欽奉

諭旨令於福建挑兵二千名前往向榮軍營聽候調遣
查現在漳浦雲霄等處雖疊獲勝仗而詔安銅
山餘匪未靖各營兵丁勦辦本省賊匪尙形單
薄一時萬難抽調惟有籲懇

皇上鴻慈俯准將應調各兵暫緩抽撥臣仍察看情形
一俟防務辦理就緒卽行調赴江南協勦奏入

上命軍機大臣傳諭王懿德李廷鈺曰王懿德奏漳浦

等處餘匪未靖各營兵丁勦捕尙形單弱未便抽調
自係實在情形但金陵現在攻勦喫緊該處官兵不
敷分撥自應移緩就急著王懿德等卽飭水陸文武
各員剋期將閩省土匪勦辦完竣仍遵前旨將前調
官兵飭赴江南交向榮調遣毋得藉詞延宕

初五日 癸卯 僧格林沁西凌阿托明阿奏言臣僧

格林沁於五月初二日據勝保差人聲稱探得

賊匪由連鎮南面逃竄勝保會同德勒克色楞
善祿就近帶同培成那敷德督領各路馬隊官
兵跟蹤追擊生擒逆匪一名訊據供稱僞丞相
林鳳詳帶騎馬賊一千名逃竄欲往臨清迎接
南來賊匪該逆前隊騎馬賊約有二千餘名已
由德州之東十餘里地方向南奔竄該大臣已
督兵連夜追擊臣僧格林沁現分撥馬隊在東

南西南列隊儻該逆續有竄逃卽可就近截剿
至大股賊匪現在仍踞連鎮及附近各村 臣等
惟有激勵將士相機進剿奏入

上命軍機大臣傳諭僧格林沁曰本日僧格林沁馳奏
各情與勝保昨日所奏不符是否培成前因失事獲
咎此次與那敷德防堵東面恐負罪更重遂以賊由
南面竄出飾詞具報該大臣不察虛實據以入奏且

勝保於二十三日到連鎮後其善祿帶領步隊於何日到營未據僧格林沁等奏及此次勝保摺中亦未言會同善祿跟追並帶同培成那敷德勦賊之事該大臣雖駐兵連鎮北面相距非遙何以所探情形毫無確信可見該大臣與勝保共辦一事聲勢絕不聯絡以致圍攻不密該逆得乘閒脫逃至該大臣分撥馬隊在東南西南列隊防賊續竄固屬要著惟不可

徒事分防毫無把握該大臣等均經朕特簡辦理軍務若不能和衷商榷迅速剿捕何日始能了事該逆精銳既已南竄且賊目亦已逸出所存連鎮餘匪務當剋日籌攻悉數殄滅萬不可再令分股奔突止冀直境肅清便謂可以塞責仍將諭詢各情迅速詳查具奏

同日袁甲三奏言逆船連日上竄約有五百餘

雙魚圖之四卷之三
三
隻停泊和州大東門外接連鮎魚嘴搭蓋土木
城四出擄掠所得糧物屯積城內人口均羈押
船上並分擾含山又於江浦縣張貼僞示嚇令
百姓歸從人心甚屬驚惶現在皖省大江以南
徽甯等府久已聲息不聞儻和州再有梗塞則
江南文報更屬隔絕且前次和春等拏獲奸細
搜出僞稟有約會至店埠斷絕廬州糧路之說

臣拏獲販馬奸細亦有俟南京逆賊到齊分路
北犯之語現聞廬城之米均已由丙子鋪上船
運往江甯且不惜重價多購馬匹是其志不僅
在廬州已可概見況北賊一日不盡卽南賊接
應之志一日不息儻和州之賊竟與廬六會合
併力北竄大局更難收拾和春等圍攻廬州正
在喫緊之際勢難兼顧和州該處距金陵僅九

十里如遇順風頃刻可到應請

飭令向榮迅速派兵就近追勦以杜勾連 臣聞前次江
六告警琦善飛調派防宿遷官兵千餘名移紮
浦口旋因逆賊擊退仍卽停止現在南賊日肆
詭謀應請

飭令琦善將此項官兵調赴滁和關山一帶擇要扼紮
既可爲廬郡聲援並可爲江六接應似較株守

宿遷更爲得力奏入

上命軍機大臣傳諭和春福濟袁甲三日逆匪掠糧屯積城內並分擾含山是和州地方已爲賊踞該處陸路直達廬郡水路直通巢縣卽定遠等處均有僻路可通若竟被匪占踞不但江南文報阻隔更恐其北竄店埠柘皋斷絕廬州餉道和春等頓兵堅城於皖省全局輒稱不能兼顧致令逆賊來往自如將廬州

米石任意運往金陵該提督等毫無杜絕之策實堪
痛恨琦善派防宿遷官兵折回後能否全赴滁和一
帶向榮軍營官兵屢經分撥赴皖能否再撥均未可
定江南江北固應不分畛域本省軍務又豈能專恃
援兵著和春福濟一面迅圖克復廬州一面酌量撥
兵策應和州庶可與琦善向榮所撥之兵前後夾擊
儻仍專顧廬州致和州賊交負嶠自問當得何罪袁

甲三現駐臨淮距關山甚近惟當酌量緩急情形派撥兵勇進剿以遏逆賊北竄之蹤亦不可專待琦善向榮撥兵致滋貽誤

上又命軍機大臣傳諭琦善向榮曰逆匪上竄和州並分擾含山距廬州定遠均屬相近萬一與廬州賊匪會合併圖北竄勢將不可收拾此時總以合力扼截遏其竄路爲第一緊要琦善前此留防宿遷之馬步

官兵一千餘名本爲防山東竄匪而設現在已酌量
撤回著琦善卽將此項官軍迅飭原帶之都司羣壽
等全數帶赴和州相機防勦江浦六合防兵亦可就
近援應毋得遷延貽誤致失事機向榮近在對岸應
如何酌量分兵渡江至滁和一帶截勦務卽迅速籌
辦不得以株守堅城遂置江北大局於不問

袁甲三又奏言渡黃南竄餘匪意欲由蒙城直

撲懷遠奪路渡淮旋因探知懷遠有備且臣所
派兵勇均由懷遠一路前進該逆遂於十八日
西竄旋經團練截殺該逆復折向南竄臣所派
兵勇遂由蒙城東路飛向南路追勦行至呂望
集遇鳳臺縣屬之展溝集練總王恩綬等解送
逆賊據稱該逆奔至該集經團練四面圍勦擊
殺三百餘人內有僞丞相陳姓首級尙有數百

人乘夜四路窮奔約計程途已遠追趕不及且恐北路豐縣另股賊匪續來遂折向蒙城暫駐旋探該逆於二十日竄過潁上境內經各團練截殺甚多復繞向正陽之西八里塚擄人奪船意欲由彼偷渡經秦定三督兵渡河擊殺殆盡尙餘二三百人由垂岡集竄往霍邱欲歸六安復被參將劉玉豹等圍困必可悉數斬擒此次

展溝集團練同心敵愾洵屬深明大義應請將
文生王恩綬

賞加縣丞銜武生賈鵬霄以經制外委拔補童生王恩
福給予八品頂戴庶幾聞風觀感人懷同仇之

志奏入

上從之

同日河南南陽鎮總兵柏山奏言臣現帶官兵

集賢堂卷之三
一八

祇有二百七十名勢難出省勦賊頃探賊匪直
撲荊州欲犯襄樊其漢陽等處逆匪被官兵勦
敗餘賊竄至河口及黃安等處焚殺擄掠民心
忿怒聚集團練約會殺賊舒倫保計已馳抵武
勝關正可與台湧乘此人心忿激之時合力進
擊該逆必不敢復窺信陽至信陽及武勝等關
所駐之兵臣前已交南汝光道余炳燾統帶設

防荊州與襄陽唇齒相依襄陽又爲豫省門戶
由新野南陽入豫平坦大道新野並無防兵南
陽兵力太單僅有襄城營防堵兵三百名臣之
印務又未經撫臣委員接署現在沿邊一帶千
有餘里旣無大員又乏重兵地方實屬緊要臣
責無旁貸不敢深入楚境致令首尾不顧當卽
飛移余炳燾等督率兵勇於各要隘加意嚴防

並多設偵探隨時移知臣營以資策應臣卽帶領官兵前赴新野迤南楚豫交界之新店鋪駐紮防堵如有警報卽帶兵前往接應並可與台湧舒倫保聲勢聯絡互相策應現聞河北地方肅清如能移得勝之兵由信陽南陽兩路夾擊並湖北兵勇合力攻勦必更得手奏入

上命軍機大臣傳諭英桂楊需鄭敦謹柏山曰柏山所

帶之兵僅有二百七十名卽出省勦賊亦屬無益著
英桂等卽飭該總兵於豫省邊界扼要駐紮嚴密防
堵新野南陽等處爲毗連楚省要地卽責成該總兵
竭力防守斷不准令楚北賊匪乘閒闖入儻有疏虞
惟柏山是問仍飭該地方文武團練民勇合力設防
毋稍鬆懈前據楊霈奏稱前往信陽光州南陽周歷
履勘是否已經起程著於楚皖豫交界之處察看何

路緊要卽赴何路協同防剿不可株守一隅顧此失彼柏山究應駐紮何處卽著英桂等妥籌調遣

初六日甲辰勝保奏言逆賊竄恩縣後在關廂造

飯一聞官兵追到卽復乘夜南竄時臣所帶馬隊皆已疲乏初三日追及腰站地方該逆卽乘馬飛奔臣傳令截殺隨擊隨散立斃賊匪數十人據生擒賊供該逆恐官兵攻克連鎮卽不能

逃是以商同老賊欲騎馬渡河而南否則或奔
東昌濟甯一帶希圖占踞一處裹脅良民分我
兵力又供稱逆首李開芳先行林鳳詳仍在連
鎮臣當卽督兵馳至高唐州該逆甫至東關街
內我兵馬隊已到三百餘名臣分撥一半在外
接應一半衝入街內擊殺不令該逆稍緩喘息
我兵在街內殺斃多名証該州兵丁僅數十名

練勇三四百名俱因賊行太速未知賊來以致
東門大開該逆見我兵殺入關廂遂全行入城
將城門堅閉我兵未得痛勦臣現已派撥馬隊
馳赴荏平一帶設伏惟有極力追勦迅圖殄滅
再行北向迎擊其步隊官兵已咨會善祿仍令
會勦連鎮餘匪

勝保又奏言賊情狡猾異常現在急欲兔脫無

論賊首在內與否其前隊必皆精銳老賊稍一
放鬆卽中奸計必致各處裏脅又張賊勢臣再
四酌度必須親自督勦是以選調馬隊星馳前
來而步隊各兵仍留連鎮與僧格林沁會勦臣
到高唐後德勒克色楞培成那敷德亦帶馬隊
趕到臣令於城廂西面分布無論賊由何處竄
出的一面截殺三面救應該逆惟欲速奔未攜槍

三三
礮而行聞其在恩縣攜取擡槍數桿高唐本有
武營兵雖調撥出征而軍裝火藥必有存營者
又爲所得昨令馬隊直逼南關東關城下該逆
在城頭用擡礮擡槍向外施放觀其抗拒情形
必有賊首在內此時惜無步隊又無礮位不能
立時攻入臣已飛咨崇恩就近速撥步隊兵勇
並飛調大營步隊數百名星夜前來如其在城

死拒卽當設法攻偏而出以期殄滅無遺奏入

上命軍機大臣傳諭勝保德勒克色楞崇恩曰逆匪乘馬逃竄雖甚剽疾究在恩縣腰站均有逗留崇恩所派參將定順遊擊文英設伏之兵何以未見要擊高唐州城兵勇雖單該州知州究在何處何以我兵在關廂殺賊尙不知閉門拒守殊出情理之外此股竄匪無論有無逆首在內總宜迅速勦滅若稍事耽延

使賊喘息已定不但南奔東昌濟甯爲可慮卽該州
城內之人被其裹脅勦辦亦已不易且恐連鎮之賊
再有續竄勝保大軍必至腹背受敵現在已諭僧格
林沁照勝保所請迅撥步隊前往接應善祿步隊官
兵於何時馳抵連鎮此次曾否折回南路疊次奏報
未據敘及今勝保處旣急需步隊卽可令該將軍統
帶前往仍合爲一軍以資得力連鎮至高唐州尙有

二百餘里恐步隊行走稍遲所謂就近地方兵勇著
崇恩星夜撥往不准片刻遲延附近各處有存營大
礮比之大營調用較爲近便亦著飛調解往總以神
速爲要東昌濟甯皆係繁富之區水陸衝途極關緊
要該逆旣萌窺伺之心難保其不鋌而走險儻毫無
準備又蹈高唐故轍雖有大軍緊追亦難殲除淨盡
崇恩現在德州所有東昌濟甯防守事宜卽責成崇

恩督飭厲恩官黃良楷等嚴密防備多設偵探一聞賊蹤入境卽行盡力兜截與大軍前後夾擊儻稍有疏失惟崇恩是問不能專諉之地方文武也本日復諭百勝王夢齡酌撥兵勇渡河迎截其能否得力雖未可知究竟南路又多一隊截勦之兵亦可稍助兵力著勝保一併飛催前來統歸調遣其高唐州文武下落卽著迅速查明如有逃避情事卽行嚴叅治罪

上又命軍機大臣傳諭僧格林沁曰竄匪奔入高唐州
城閉門拒守訊據獲賊供稱有占踞東昌濟甯之意
勝保進剿之兵並無步隊又無礮位著僧格林沁迅
撥步隊精兵千名星夜趕赴高唐飭令剋期到齊不
得稍涉遷延應帶礮位亦卽設法攜帶並著飛飭善
祿仍令馳往勝保軍營會剿並可統領步隊前行至
連鎮賊匪尙有逆首在內尤當迅籌攻克不得更令

乘間兔脫

上又命軍機大臣傳諭百勝王夢齡曰逆匪竄入高唐
州城雖經勝保等派撥馬隊馳赴在平設伏截勦惟
逆勢剽疾利在奔突若堵勦稍遲該逆由山湖兩路
直趨而南則豐沛一帶適當其衝一經乘虛偷越渡
河必致復肆臨張仍圖北犯此時惟當前後夾擊務
將此股兇悍老賊就東境截殺無遺方爲上策百勝

王夢齡前奏備防兵勇尙不單薄各屬紳耆自練民
勇亦均可協同攻守著百勝等派撥兵勇嚴扼黃河
要隘一面飛探賊情相機渡河於北岸迎勦總期併
力兜圍毋任再有竄逸儻河防稍有疏虞任令賊蹤
闖入朕惟知以軍法從事勿以節次嚴旨視同具文
也

同日台湧奏言臣先飭叅將隆安等前往德安

進勦遊擊吳登鼈等帶兵繼進並令佈克慎管帶提標官兵接踵馳往旋接隆安等稟報德安賊衆概由水路陸續潛往漢口當將城池收復又據署雲夢縣知縣徐步雲稟報該縣城內之賊亦相率退往下游臣正飭將弁相機進勦詎知安陸下竄之賊於四月初六日由石牌地方乘間竄入荊門州城初九日竄往荊州被滿漢

官兵擊敗卽由荆門州屬之沙洋回竄安陸該
郡城僅有兵丁七十餘名城遂失陷十九日賊
出北門似欲回竄隨州臣所帶之兵分飭前往
德安僅有武勝關帶來之陝甘兵五百名殊形
單薄因思佈克慎所帶提標官兵較爲得用卽
經趕調折回並先行飛飭隨州知州楊嘉運督
帶練勇迎擊賊於二十三日竄至該州西南鄉

之朱家集地方該員已調集練勇千餘名馳往
堵剿維時黃土關之陝甘兵已出關 臣遂以此
隊派歸佈克慎督飭仍往德安防賊由水陸潛
竄府河 臣卽親督提標官兵並武勝關之陝甘
兵前往隨境剿辦以破其後路牽掣之計又咨
商舒倫保由東旺催齊所帶之兵趕來接應其
桂明所帶之兵如已渡河馳抵許州當可直趨

樊城由棗隨一帶前來會合進勦青磨望援甚切臣處俟各路兵力稍集卽當迅圖攻復漢陽惟現聞漢陽賊衆有全股由襄河大趨荆襄之說臣當統兵抄出其前迎頭截擊而武昌亦須分兵過江盡力尾追奏入

上諭曰現在湖北情急勢迫總以扼其北犯及上竄荆襄爲要安陸文武查明概行正法柏山雖係隔省大

員亦可據實奏

同日陳啟邁奏言查副將羅玉斌管帶赴楚援
兵一千名取道義甯相機前進行至中途聞通
山賊氛甚熾遂於江楚交界之南樓嶺暫時屯
紮詎賊分三股撲營愈聚愈多該副將因衆寡
不敵折回義甯州城賊見我軍撤動乘勢闖入
至江西解赴湖北餉銀先由九江次改義甯嗣

復繞道湖南不知能否解到尤深焦灼奏入

上命軍機大臣傳諭陳啟邁曰前因湖北崇陽通山一帶賊衆肆擾其地與義甯接壤疊經諭知該撫迅催帶兵赴楚之羅玉斌星速前進茲據奏稱該副將於江楚交界遇賊接仗失利折回義甯是楚省賊匪已闖入江西邊境著卽嚴飭羅玉斌督兵竭力固守萬不可令該處州城再有失事致干重罪該撫所派額

州兵勇馳往協防務當飛速前進不准稍有延誤如
江境之賊擊退仍飭羅玉斌帶兵赴楚將崇通匪徒
協力勦除以爲楚省援應所有解往湖北之餉銀並
應解金陵兵餉均著悉心籌畫設法運往不得因道
路梗阻任意稽延

陳啟邁又奏言查江西彭蠡姑塘江湖遼闊溯
流而上亦均無險可憑擬於南康府上下將新

造戰船三十號小船百餘號配載各勇二千有
奇擇要駐泊無事則勤司操練有警則出隊堵
擊兼備火攻舟筏相機施用再選陸路兵勇二
千名分紮兩岸爲犄角之勢以作聲援仍俟探
明侍郎曾國藩擊賊東下卽行整師會勦又准
湖南撫臣駱秉章咨逆匪擾及湘陰甯鄉湘潭
等處請飭派兵勇一二千赴交界之袁州吉安

二府會勦亦卽酌撥兵勇分馳堵禦但江省額
兵本少前已派兵勇千名應援湖北更覺不敷
調遣臣惟有殫精竭慮審度機宜妥爲調度

陳啟邁又奏言查九江府屬之龍開河地方有
賊船數百隻停泊該匪紛紛登岸經該處文武
督兵迎勦先後在蛇岡嶺等處接仗彼此互有
殺傷該逆分股由僻路繞至東林地方將該處

聞

廟宇民房焚燬又經官兵轟擊斃賊多名餘逆
退竄回船奏入均報

初七日乙巳僧格林沁西凌阿善祿托明阿奏言

查連鎮之賊雖有潰逃其大股逆黨仍前死拒
初三初四等日乘夜攻撲東南長濠西凌阿明
慶督帶官兵奮力攻擊斃賊不計其數臣善祿

聞賊竄往東南隨帶步隊同蘊秀所帶吉林馬
隊尋蹤追趕沿路隨問鄉民據云賊東赴吳橋
由陵縣竄至恩縣騎馬賊約一千數百人每過
鄉莊徧脅民人牽馬聽用節節替換聞有兵追
復由恩縣向南逃奔是大股賊匪尙在連鎮圍
勦仍當喫緊計逃出之賊至多不過二千人有
勝保等足資勦辦 臣部馬隊已交蘊秀帶領緊

追臣於初四日仍折回軍營奏入

上命軍機大臣傳諭僧格林沁曰逆匪攻撲長濠雖經我兵擊敗惟賊情詭譎仍恐聲東擊西再圖乘虛竄逸現在勝保等已成尾追之勢設連鎮逆匪再行竄出必致腹背受敵且該逆沿途裹脅兇燄復張勦辦更形棘手該大臣總當督飭將弁迅將此股餘匪就地殄除即使誘令離巢亦當設伏要截斷不可任其

四路狂奔或另踞村莊以致蔓延爲患勝保所帶官兵全係馬隊此時逆匪竄踞城池必須步隊官兵協勦著僧格林沁仍遵前旨迅撥步隊精兵一千名酌帶礮位卽交善祿統帶星夜趕赴高唐與勝保等合力攻擊萬勿遲延

同日崇恩奏言逆匪竄至高唐城池失守臣卽帶兵馳赴該州與勝保會商勦辦並嚴查失事

文武員弁是否畏葸先逃從嚴懲辦 臣布置未能周密愧憤實深請

旨先將 臣 交部嚴加議處至 臣 現在紮營之富馬營地方爲德州北路要隘北爲柘園鎮接應南爲州城屏障未便撤防應派參將玉山帶領德州兵五百名仍前駐紮加意防守柘園鎮原派兵勇應由署登萊青道張鳳池等統帶嚴防其德州

防守事宜已飭督糧道姚錫華會同新任城守尉瑞成督飭文武和衷商辦柘園鎮富馬營兩處防兵並歸姚錫華調度奏入

上諭內閣曰連鎮賊匪竄入高唐州城該州知州魏文翰守備吉麟毫無準備致被賊匪竄踞著崇恩查明如有畏葸逃避情事卽行嚴叅治罪崇恩未能先事防範著交部議處

崇恩又奏言臣等獲奸細杜有仲據供初二日
逆賊林姓由連鎮竄出先向正東又向西南再
向正南繞路奔竄聞得臨清一股勦滅淨盡令
伊改裝潛赴連鎮與賊目金姓等送信不必再
等救兵囑其卽刻回南又據供連鎮餘賊尙有
二三千騎馬賊有六七百名火藥將盡惟思南
竄至於賊目吉汝元已在阜城被兵轟斃奏入

報

聞

同日和春福濟奏言廬城逆匪經官兵節次進
剿勢已漸蹙惟有堅伏死守臣等前派勇敢得
力弁勇密授機宜設法進取迅圖克復因雨未
能進兵二十七日午後雨勢稍止卽於是夜四
更帶領兵勇潛赴城下計圖登城詎雨後城河

水漲溜勢甚急未能搭橋無從飛渡隨督隊赴
北門進攻揮令兵勇奮力轟擊逆匪於城上開
放槍礮回拒相持甚久未能得手現在雨猶未
止一俟天氣稍霽仍當趕緊設法攻取斷不敢

稍有稽遲奏奉

天恩旨著該督撫

嚴密緝拿務獲

上諭曰仍應盡力攻擊迅圖克復汝二人責在全皖今
一處之賊尙不能勦盡亦何顏對朕耶

上命軍機大臣傳諭和春福濟曰逆匪占踞廬州已及
半載福濟統轄全省和春專辦廬州軍務若能將逆
匪及早殲除何至籌餉撥兵毫無善策現在北竄之
賊尙未殄滅楚豫交界處處設防若坐擁重兵一籌
莫展和春福濟豈能諉罪耶

和春福濟又奏言查臨清竄回之賊經勝保擊
敗竄至正陽關旋經秦定三督帶官兵水陸夾

聞

攻殲斃賊匪多名連獲勝仗民心安定六安廬
州之賊聞風膽寒諒不敢再窺北路奏入報

同日長臻奏言現在德安應山一帶賊雖退出
兵力正單固原提臣桂明自劉口起程前赴武
勝關進剿足爲諸軍援應已於四月二十七日
行抵蘭儀率領全隊過河王履謙前赴下游巡

查臣仍駐守陳橋鎮爲柳園蘭儀二口策應奏
八

上命軍機大臣傳諭長臻曰長臻現駐陳橋爲柳園蘭
儀二口策應盤查奸匪責無旁貸近日連鎮逆賊分
股竄至高唐勝保已督率馬隊跟蹤追勦沿河一帶
尤當嚴防偷渡該河督卽飭河工地方文武併力搜
捕毋稍疏懈

聞

長臻又奏言臣接據探報賊匪竄入應山隨州
時先令奸細至信陽州探路一面張貼僞示聲
言搭造浮橋後卽取三關北上以期搖動人心
嗣聞兵勇防守較嚴陸續退回漢口又經官兵
連獲勝仗截奪輜重米糧甚多賊始蒼黃失措
紛紛潰散現聞武昌等處均無賊蹤奏入報

